

П. П. Д О Р О Ж И Ч



**К**ОМИ КРАЙЫН  
**С**ÖВЕТСКОЙ  
ВЛАСТЬ ВÖСНА ТЫШ

---

1 9 6 1



П. Г. Д О Р О Н И Н

---



КОМИ КРАЙЫН  
С Ö В Е Т С К Ö Й  
В Л А С Т Ъ В Ö С Н А Т Ы Ш



---

КОМИ КНИЖНОЙ ИЗДАТЕЛЬСТВО  
СЫКТЫВКАР

1 9 6 1

9 (с) 2  
Д 69

## ВОДЗКЫВ ПЫДДИ

Тайо книгаын петкӧдлыссьоны 1917—1918 воясо Коми крайын муӧм революционнӧй событияс, коми уджалысь йӧзлӧн Октябрьскӧй социалистическӧй революциялӧн победа вӧсна тышыс.

Октябрьскӧй социалистическӧй революциялӧн великӧй преобразованиясыс коми сиктьясӧ пырисны дзонь во сёрмӧмӧн странаса муӧд областъясн да районъясын серти. Помкаыс талы вӧлі сынн, мый Коми край, кызни бӧрӧ кольӧм национальнӧй окраина, вӧлі торъялӧма промышленнӧй районъясыс да революционнӧй пролетарскӧй центръясыс. Тани эз вӧв местнӧй пролетариат, кодӧ эськӧ вермис нуӧдны ас бӧрсясыс коми крестьянскӧй массаясӧс, сүвтӧдны найӧс подлиннӧй революционнӧй тыш нуӧдан туй вылӧ; эз вӧвны тани большевистскӧй партиялӧн организациясыс. Коммунистическӧй партиялӧн массӧвӧй организациясыс лоины Коми крайын сӧмын 1918 вояс сентябрьянь. Таӧдз крайын ыджыдалісны эсерьяс да муӧд буржуазнӧй партияслӧн представительяс. Та вӧсна крестьянскӧй массаяс дырджык эз вермыны мездасыны мелкобуржуазнӧй влияниеысь да соглашательскӧй иллюзиясысь.

Сборникын петкӧдлӧма сӧмын 1917—1918 воясыс событиясыс, мӧд ногӧн кӧ, Сӧветскӧй власть установитчан первой кадся событияс. Гражданскӧй война йылысь тани оз висътавсьы, сы йылысь лӧб лӧдзӧма торъя книга.

Событияслӧн общӧй изложениеысь ми торйӧдім Печорскӧй уездса событиясыс, налы сним торъя глава: «Печорскӧй уездын положение». Тайо быттьӧкӧ неуна торкыштӧ событиясыс излагайтӧмын стройность, артмӧдӧ мыйкӧ мында повторениесыс, но тайӧс ми вӧчим сы могысь, медым лыддысысь бурджыка гӧгӧрвоис Печорскӧй уездлысь особӧй положениесӧ да татчӧс событиясылысь аслыспӧ-

лӧслунсӧ. Печорскӧй уездын 1918 воӧ общественно-политическӧй положение да хозяйственнӧй состояниe вӧліны мӧд ногаӧсджык орчча Усть-Сысольскӧй да Яренскӧй уездъясын серти. Тані артмис сложнӧй общественно-политическӧй ситуация Войвылӧ интервентъяслӧн войска пырӧм бӧрын: Печорскӧй уезд торъяліс Архангельскӧй губернскӧй руководящӧй учреждениeясысь, коли дзик ас кe-жас, финансӧвӧй, хозяйственнӧй, продовольственнӧй отсӧгтӧг да политическӧй руководствотӧг. Буретш сійӧ кадас, кор Печорскӧй уездын муртса на заводитіс котыртсыны Сӧветскӧй власть, тані паськалісны нин военнӧй действеяс. 1918 вося августсянь 1919 вося апрельӧдз интервентъяс да белогвардеецъяс Печорскӧй уездын кунимысь бырӧдлісны Сӧветскӧй власть, и Сӧветъяслысь власть тані вӧлі дзикӧдз установитӧма сӧмын 1920 вося март тӧлысын. Таын Печорскӧй уездса событиeяслӧн аслыспӧлӧслуныс. Та вӧсна и печорскӧй событиeяс йылысь ми висьталім торъя главаын.

*Автор:*



## КОМИ КРАЙЛОН СОЦИАЛЬНО-ЭКОНОМИЧЕСКОЙ ПОЛОЖЕНИЕ 1917 ВО ВОДЗВЫЛЫН

Революцияөдз Коми край вөлі Российской империялөн энөвтөм да бөрө кольөм окраинаөн. Ыджыд, уна национальность Российской империя ставнас вөлі бөрө кольөм странаөн. Россиялысь развивайтчөмсө падмөдісны феодально-крепостнической стройлөн уна лыда колясьяс: видз-му овмөсын помещикъяслөн ыджыдалөм, царской самодержавиеөн уджалысь йөзөс пөдтөм, найөс некутшөм правоястөг видзөм.

19-өд нэм помасигөн да 20-өд нэм заводитчигөн капитализм пырис аслас развивайтчан высшөй да медбөръя стадияө — империализм стадияө. 1917 во водзвылын царской Россияын вөліны өнія кадся капитализм (капиталистической монополияяс, крупнөй промышленность, банкъяс) да феодализмлөн колясьяс. Владимир Ильич Ленин образнөя шуліс русской империализмөс «военно-феодальной империализмөн». Россиялөн аслыс ногөн развивайтчөмыс төдчис, дерт, и странаса торъя районъяслөн, на лыдын и национальной окраинаяслөн да областъяслөн, развивайтчөм вылө. Капитализм вочасөн пөртис найөс сэтшөм районъясө, кодъяс сетісны промышленнөй центръяслы донтөм сырьё да продовольствие (хлопок, вуруи, вөр, нянь). Такөд тшөтш тані вөліны и феодально-крепостнической отношенияслөн колясьяс. Татшөм вөлі революцияөдз и Коми край.

Коми край территория вылын вөлі куим уезд: Усть-Сысольской, Яренской да Печорской. Первойя кык уездыс пырлісны Вологодской губернияө, а бөръяыс — Архан-

гельско́йю. Войвывса тайю уездъяслон территорияыс вöлі зэв ыджыд: Усть-Сысольско́йлон — 148 871,5 кв. верст, Яренско́йлон — 51 004,6 кв. верст, Печорско́йлон — 352 771 кв. верст. Корт туй, бур шоссейно́й туйяс да механизируйтөм транспорт эз вöвны, край вöлі торъялөма Россияса административно́й центръясыс да промышленно́й районъясыс.

Уна вöлөстяс костын гожся туй эз вöв, вöлөн ветлісны сөмын төвнас. Рытывыввсянь асыввылө Яренско́й да Усть-Сысольско́й уездяс вомөн муніс главно́й губернскойой туй, кодлөн кузътаыс вöлі 602 верст. Земско́й туйяс: Яренск — Айкино — Буткан — Чупрово (402 верст кузъта), Усть-Сысольск — Занулье — Объячево — Ношуль — Летка (287 верст) вöліны зэв омольось. Уездно́й төдчанлуна тайю туйяссө вöлі эндөдома. Ещө омөльдзыкөсь вöліны туйясыс Печорско́й уездын. Губернскойой төдчанлуна дзик öти туй Лешуконск — Қойнас — Усть-Цильма вöлі вöчөма сөмын уездлөн рытывыввся границаөдз. Земско́й туйяс Печорско́й уездын эз вöвны. Гожөмнас тані ветлісны пыжъясон, а төвнас писькөдлісны вöла туй. Туйяс кузя торйөн омөль делөыс вöлі ылі вöлөстясын, и не сөмын Печораын, но и Эжва вожын да Удораын.

Телеграфно́й линия вöлі нюжөдома сөмын главно́й губернскойой мир туй пöлөн. Удоракод, Верхне-Печорско́й, Усинско́й, Летско́й, Прилузско́й, Верхне-Сысольско́й районъяскөд телеграфно́й йитөд эз вöв. Татшөм йитөдыс эз вöв и Печорско́й, Усть-Сысольско́й да Чердынско́й уездяс костын. Тайю ставыс төдчис Коми крайөн административно́я веськөдлөм вылын. Страна́са промышленно́й районъясыс да революционно́й центръясыс торъялөм вöсна Коми край кольччис кызди экономика боксянь, сідзи и общественно-политическо́й олөм боксянь.

Усть-Сысольско́й, Яренско́й да Печорско́й уездясын населениеыс национально́й состав сертиыс вöлі öткодджык. 1897 вося переписьлөн данно́йяс серти Коми крайса население пöвстын 80,08 процентыс вöліны комияс, 18,3 процентыс — рочьяс, 1,04 процентыс — ненецьяс.

Сословно́й признак серти населениелөн 96 процентыс вöліны крестьяна (вöвлөм государственно́й крестьяна). Дворяниньяс, поп-дякьяс, купечьяс, мещана крайса население пöвстын вöліны этша.

Местно́й населениеыс пролетариат формируйтчис зэв ньөжйө. 1900—1915 вояся статистическо́й данно́йяс

серти Кажимскöй заводын вöли 117—157 рабочöй, Нюч-  
пасскöйын — 43—53, Нювчимскöйын — 93—123 рабочöй.  
Сереповоса сов пуан заводын, 1900—1913 воясса  
статистическöй даннöйяс серти, вöли 57—65 постояннöй  
рабочöй. Тагьсь кындзи, Сереповскöй заводын быд во  
уджалісны шөркодя 50—60 временнöй, сезоннöй рабочöй  
да сысольскöй горнöй заводъясын — 400—450 временнöй  
рабочöй. Печораса вөр пилитан заводын постояннöй рабо-  
чöйяслөн лыдыс воліс 20—25 мортöдз. На кындзи апрель-  
сянь августöдз тані быд во уджавлісны ижемскöй сикть-  
ясса сезоннöй рабочöйяс. Ижмаса да Печораса купечьяс-  
лөн замша вöчан нелямын кымын предприятиеын уджа-  
лісны 300—350 кымын морт. Татшöм ногөн, Коми крайын  
рабочöй прослойкаыс вöли зэв ичöt.

Коми крестьяна уджалісны медеясö асланыс видз-му  
овмöсын, сöмын Печорскöй уездын ёнджыкасö кыйисны  
чери, вöралісны да видзисны көръяс. Видз-му овмöс вö-  
дитöмын ыджыдаліс примитивнöй трёхпольнöй система.  
Крестьяна көдзлісны медеясö сю, ид, зөр. Такöд тшötш  
уналамын вөдитлісны тылаяс. Пыр вөдитан муяс Коми  
крайын вöли зэв этша. 20-öд нэм заводитчигөн Усть-Сы-  
сольскöй уездын шөркодя быд ревизскöй душа вылө вöли  
воö 0,69 десятина гöран му, 0,92 десятина видз да 7,04  
десятина пöскöтина. А юкны кө тайöс едокъяс лыд вылө,  
то лоö 3,6 пöв этшаджык. Яренскöй уездын öти едок вылө  
вöли воö 360 кв. сажень му да кык додь турун шедмөн  
видз.

Коми крайын видз-му овмöс ньöжйö развивайтчис эз  
сöмын суровöй природнöй условияяс вöсна, но и сэкса  
общественнöй строй вöсна. Кötь эськö тані помещикъяс  
эз вöвны, но ёна унджык муыс вöли эз крестьяна кыын, а  
казна кыын. Усть-Сысольскöй уездын казна ордын вöли  
99,15 процент муыс, крестьянскöй надельнöй му вöли сö-  
мын 0,28 процент, частнöй йöзлөн, монастырьяслөн, вич-  
кояслөн да карьяслөн — 0,57 процент. Яренскöй уездын  
казна ордын вöли 98,6 процент муыс, крестьяна ордын —  
1,15 процент, монастырьяслөн, вичкояслөн, карьяслөн  
да частнöй йöзлөн — 0,25 процент.

Печорскöй уездын видз-му овмöслөн тöдчанлуныс вö-  
лі ичöt. 1917 воын 41742 морт вылө тані вöли сöмын  
3060 десятина гöран-көдзан му.

Крестьяна ассыныс мунысö вөдитлісны лёка. Пу гөр  
да пу агас — со став техникаыс, коді вöли сэки. Культу-

раяс чередуйтём, правильной севооборотъяс пыртём, минеральной удобрениеяс да машинаяс используйтём йылысь и сёрни эз вермы лоны. Сомын откымын овмосьясын революция водзвылын заводитисны пользуйтчыны видз-му уджалан медся простой машинаясон. Крайса видз-му овмос воысь-во босьтис ичот урожай. Голь йозлы урожай идралом бorryн 3—4 толысь мысти нин ковмывлис ньобны нянь.

Коми крайо нянь вайлисны Российской империяса мукод районъясысь. 1912 воын Усть-Сысольской уездо вoли вайома 312 000 пуд нянь, 1913 воын — 293 000 пуд, 1917 воын — 246 000 пуд, Яренской уездо вонас шоркодя вайлисны 400 тысяча кымын пуд, Печорской — 350—400 тысяча пуд. Сэтшом воясо, кызди 1918—1919 вояс, кор урожайыс вoли торийон ичот, нянь вайом выло сетлисны татшом заявкаяс: Усть-Сысольской уездсянь — 619 тысяча пуд выло, Печорской уездсянь — 557 тысяча пуд выло, Яренскойсянь — 427 тысяча кымын пуд выло. Яренской да Усть-Сысольской уездъясин, кони вoли земство, няньсо заготовляйтлисны уездной земской управаяс да купеч-оптовикъяс. Печорской уездын нянь заготовляйтлисны да вузавлисны 10—20 кымын купеч. Найо кутлисны асланыс кыин став йовсо.

Революцияодз Коми крайын скот видзлисны медсясо сы могысь, медым водитны му. Вовьясон горлисны да кодзлисны, кыскавлисны турун, пес, пружьяс, лэдзлисны кер. Крестьянской овмосьясын вовьяс да мосьяс волины этша.

Печорской уездын, мукод скот кызди, видзлисны корьясос. Первой мировой войнаводзвывса статистической даннойяс серти тайо уездын вoли 250—300 тысяча кор. Унджык кор стадаясыс волины ижемской, мохченской, бакурской, сизябской, гамской, красноборской да галовской кулакъяслон. Первой мировой война воясо торья кулакъяс асланыс корьяслысь лыдсо вайодлисны 6—7 тысяча душодз. Откымын кор видзысь-кулакъяс лосьодисны замшевой предприятиеяс, кодьяс перерабатывайтлисны вонас уна дас тысяча кор ку.

Видз-му овмос паськодны мешайтисны феодальной стройлон колясяс. Крестьяналон му надельясыс, кодьясос вoли торийодома 1784—1785 воясо, эз вежсьыны и 130 во мысти, коть эсько йозлон лыдыс тайо кадo содис некымын пов. Сиктса обществас эз вермыны паськодны му,

видз да пöскöтина сы вöсна, мый генеральной межевание кузя плангыасын вöли индöма чорыд границаяс быд вöлöстьса крестьянской муяслы.

Видз-му овмöсысь доходгяс вöлины ичötöсь. Та вöсна гöля олысыяслы да весиг шöркoдья олысыяслы быть вöли лоö корсыны нажötкасö бoкысь: лэдзны да кылöдны вöр лесопромышленной фирмаяслы, кыйсыны, ветлыны пермской заводгясö пес пилитны, кыскавны груз, ветлыны вурсьыны. Öткымын крестьяна медасьлисны уджавны сы- сольской горной заводгясö да Сергeговоса сов пуан заводö.

20-öд нэмса первойя дас воын крестьяна пöвстын полпролетариатгяслөн да сезонникгяслөн лыдыс кутиг содны ёнджыка. Бoкысь нажötка корсыом могысь гöля олысыяс да весиг шöркoдья олысыяс быд во энoвтлис- ны семьяяснысö, ветлисны сезонной удггяс вылö. Первой империалистической война водзвылын сöмын Усть-Сысольской уездысь быд во ветлисны корсыны нажötка 20—25 тысяча морт. Ыджыдджык нажötка корсыны унаён ветлис- ны Российской империяса мукöд губерниягясö да областгясö. Статистикалөн даннойгяс серти 1902 воын куим коми уездын вöли сетöма паспортгяс 21 221 крестьянин-сезонниклы (мунны паспорттöг оз вöли лэдзны). Дерт, тайö лыдпасыс оз петкöдлы сезонникгяслысь збыль лыдсö, öд на пöвстысь унджыкыс уджалисны асланыс уездын. Гöля олысыяс пöвстысь унаён батрачитлисны кулакгяс ордын либö уджалисны налы пöденщинаён зев ичöt дон вылö.

Коми крестьянство пöвстын классöвой расслоение торйөн ёна öддзис 20-öд нэм заводитчигөн, кор капиталистической отношениегяс пыр ёнджыка паськалисны крайса хозяйственной олöмын, а товарно-денежной отношениегяс босьтисны медся важной места патриархальной коми сикт олöмын.

Капиталистической отношениегяс паськалöмкöд тшöтш коми сиктгясын гöльмисны пыр унджык овмöс, торйөн нин первой мировой война вoясö. Дас öкмысöд нэм помасигөн кö Яренской да Усть-Сысольской уездыгясын мутöм крестьяниныс вöли этша, то 1917 воын, поземельной переписьлөн даннойгяс серти, Усть-Сысольской уездын мутöм овмöсыс вöли нин 1251, либö 5,9 процентгяс, Яренской уездын — 312, либö 2,74 процентгяс, Печорскойын — 1675, либö 25 процентгяс став овмöс лыдысь.

Крестьянство пöвстын расслоениеыс зэв бура тыдалö сысы, кымын овмöслөн эз вöвны вöвъяс да мöсьяс. 1915—1916 воясыя статистическöй даннöйяс серти тыдвттчö татшöм картина (процентъясөн):

Уезд	Мбстöм овмöс	Öти мбска	Кык мбска	Куим мбска	Вöвтöм овмöс	Öти вöла	Кык вöла
Яренскöй . . . . .	12,4	44,1	36,6	6,9	28,0	64,0	8
Усть-Сысольскöй . .	7,4	29,5	35,7	14,4	14,9	71,4	12,6

1917 вося поземельнöй переписьлөн даннöйяс серти Усть-Сысольскöй уездын 4,1 процент овмöсылөн эз вöв некутшöм скöт, Яренскöй уездын — 8,37 процентсылөн, Печорскöйын — 6,87 процент овмöсылөн.

Первой мирöвöй война воясö рöзöритчисны гöля олысыяслөн уна овмöс. Уна крестьяна дзйкöдз эновтисны ассыныс овмöсьяснысö. 1917 вося поземельнöй переписьлөн даннöйяс серти Усть-Сысольскöй уездын эновтöм овмöсыс вöли 625, либö 2,87 процент, Яренскöйын — 707, либö 5,85 процент, Печорскöйын — 284, либö 4,08 процент.

Но век жö Коми крайын классöвöй расслоение эз вöв сэтшöма паськалöма, кызди Россйскöй империяса центральнöй губернияясын. Сэни кö 1917 во кезлö став крестьянскöй овмöсьясыс кулацкöйыс вöли 15 процент, то Коми крайын вöли тöдчымөн этшаджык: Усть-Сысольскöй уездын 2,8 кымын процент, Яренскöйын — 1,7 кымын процент, Печорскöйын — 8 кымын процент. Талөн помкаыс сын, мый Коми крайын омöльджыка на вöли паськалöмась капиталистическöй отношенияяс.

Крайлөн экономикаын фабрично-заводскöй промышленностьлөн тöдчанлуныс вöли зэв ичöт. Кöрт вöчан Кажимскöй, Нючпасскöй да Нювчимскöй заводъяс вöлины зэв слабöсь. 1900—1915 воясö Кажимскöй да Нючпасскöй заводъяслөн вося шöркöдь оборотыс вöли 104 000 шайт, а Нювчимса заводлөн вося шöркöдь оборотыс войнаöдзса көкъямыс во чöж вöли 43 000 шайт. Кöрт руда перйöм, чугун сывдöм да кöрт вöчöм воыс-во чинисны. Тайö важ заводъясыс уджалисны местнöй руда да пу шом вылын и, кор Кривöй Рогын да Донбассын кыптис лунвывса ме-

таллургия, найо дзижодз слабмисны, воисны тупком выйдз. Империалистической война заводитчом борын заводяслон козяиныс Бутлеров босьтис Военно-промышленной комитетлыс заказ вочны корпусяс ичот калибраа орудиеяслон снарядяслы, та восна куимнан заводыс уджалисны водзо. Но налон производительностьыс вולי зев ичот. Водзо выло налон эз вов некутшом перспектива. Эз бурджыка мунны делоясыс и Сереговоста сов пуан заводын. 19-од нэм шорын ко завод пулис онас шоркодя 200—250 тысяча пуд сов, то 20-од нэмса первойа дас во чожон сетис онас шоркодя 130—180 тысяча пуд, мод ногон ко, 350—470 тысяча шайт дон.

Став тайо заводяса техникаыс вולי зев важ, удж производительностьыс ичот. Заводчикяса зилисны пычкыны унджык прибыль ассыныс кадровой да сезонной рабочойясос энджыка эксплуатируйтом тшот весьто.

Печорской уездса замшевой заводяса повстын откымынжяса вוליны капиталистической мануфактураяса кодыос, кони уджалисны 20—30 рабочейой. Унджыкыс вוליны кустарной мастерскойяса, кони уджалисны 3—4 либо 7—8 рабочейой. Замша вочомыс предприятиеясса козяева быд во босьтисны зев гырысь барышжяса.

Но Коми крайса крестьяна медся ена лэдзлисны вөр, кодос быд во кылодлисны Архангельской, Мезенской да Печорской портжясо. Тани лесофирмаяса да торгвой компаниаяса, коджяса заготовляйтлисны тайо ворсо, вузавлисны сийос заграницао.

Ворсо медся ена ньоблис Англия, ньоблисны сидз жо Голландия, Франция, Бельгия. Коми крайын вөр заготовляйтлисны русской да иностранной лесопромышленной фирмаяса да компаниаяса. 1901 воын вөр заготовляйтлисны 11 лесофирма, 1905 воын — 17 фирма, 1913 воын — 37 лесофирма да компания. Сомын Усть-Сысольской уездын 1901 воын вולי лэдзома 319 083 кер, 1905 воын — 411 640 кер, 1913 воын — 645 935 кер да 127 634 шпал. Первой мировой война водзвылын Коми крайын лесопромышленной фирмаяса быд во заготовляйтлисны 1,5 миллион кымын кер. Лесопромышленникжяса повстыс медся уна вөр заготовляйтлисны гырысь иностранной фирмаяса да русской компаниаяса, но саж жо заводитоны озырмодчмын тайо делю вылын и местной купечьяса да кулакжяса, коджяса первойсо вוליны тайо лесопромышленной фирмаясылон довереннойсон, подрядчикжясон да приказчикжясон.

1915 воын местнõй лесопромышленникъяс заготовитлисны 36 254 кер да 39 512 шпал. Унджык лэдзõм вõрсõ нулисны обработайттõг. Революцияõдз Коми крайысь босьтлисны донтõм сырьё — вõр. Вõр промышленностьлõн тадзи развивайтчõмыс омõля отсалис крайлысь экономикасõ кыпõдõмлы. Вõр обрабатывайтан промышленность сõмын заводитис чужны. Альфред Лидбеклõн вõр пилитан завод, кодõ заводитис уджавны 1901 воын, да Ульсен Стампелõн вõр пилитан мõд завод, кодõс эштõдõма 1903 воын, эз вермывны обрабатывайтны Коми крайын заготовляйтан вõрлысь весиг õти процентсõ. Лидбеклõн заводыс уджавны заводитõм бõрас регыд мысти сотчис, и Печора устьены колис сõмын Ульсен Стампелõн заводыс.

Вõр лэдзõм вылын рабочõйяснас вõлины местнõй крестьяна-сезонникъяс, сиктса гõль йõз. Вõр лэдзõм содõмкõд тшõтш кутис содны и рабочõйяслõн лыдыс. 1892 воын кõ Усть-Сысольскõй уездын вõр лэдзõм да кылõдõм вылын уджалисны 2875 морт, Яренскõй уездын — 694 морт, то 1905 воын Усть-Сысольскõй уездын налõн лыдыс содис 4834 мортõдз; 1910 воын тайõ жõ уездын вõли нин 5000 кымын вõр лэдзысь, а Яренскõйын — 3000 кымын. 1913 воын Усть-Сысольскõй уездын вõр лэдзисны да кылõдисны 7417 морт, 1914 воын — 7769 морт. Октябрьскõй революцияõдз иностраннõй лесофирмаяслы да русскõй лесоторговõй компанияяслы быд во уджалисны 10—12 тысяча коми крестьянин-сезонник.

Кõtь эськõ вõр лэдзлисны уна, но революцияõдз Коми крайса вõр промышленность эз вермы лоны фабрично-заводскõй промышленностьлõн отрасльлõн, сәни эз вõвны постояннõй пролетарскõй кадръяс. Вõр лэдзан районъясын эз вõв стрõйтõма ни õти вõр пилитан завод, вõр лэдзысьяслы да кылõдчысьяслы ни õти барак. Лесопромышленникъяс нуисны крайысь медбур вõрсõ, но эз стрõйтны некутшõм предприятие, мый вылõ колõ вõли видзны кõtь мыйтакõ средство.

Вõр лэдзысьяс уджалисны да олисны зэв омõль условиясын. Кабалнõй подряднõй донъяс, катищяяс вылõ кыскõм вõр яндысьтõг бракуйтõм, расчётъяс вõчигõн рабочõйясõс обесчитывайтõм, пывсян кодь керкаын олõм — ставыс тайõ сьõкыда личкис рабочõйяс вылõ, омõльтчõдис налысь и сидз нин сьõкыд олõмсõ. Лесопромышленникъяс озырмõдчисны йõз вир да пõсь вылын. Вõр лэдзысьяслы найõ мынтисны прõшъяс. Сидз, 10—12 аршин

кузъта, 6—10 вершөк кызта кер пөрөдөмысь да 4—6 верст сайысь сійөс катище вылө кыскөмысь рабочөйлы сетлісны 20—65 көпейка либө 24—80 көпейка. Вөр лэдзъсь кө пөрөдліс да кылөдліс вөрсө Архангельскөй лесобиржаөдз, сылы мынтылісны 70 көпейкасянь 1 шайт 80 көпейкаөдз быд керйысь. Вөр подрядчикъяс да приказчикъяс пырджык зільлісны медавны рабочөйясөс сідзи, медым вөрсө примитны налысь не местнөй катищеяс вылын, а Архангельскөй лесобиржаын. Тайө вөлі выгөднө подрядчикъяслы, рабочөйяс жө унаысь эз вермывны вайөдны лэдзөм вөрсө индөм пунктөдз да тадзи воштылісны ассыыныс төвся став нажөткасө.

Лесопромышленник эз кыв кут и сыысь, кор вөр лэдзъсыяс да кылөдчысыяс доймылісны, лолісны инвалидъясөн. Роч фабрично-заводскөй рабочөйяс кө 90-өд воясын нин шедөдісны сійөс, мый налысь олөмсө вөлі мыйкө мында бурмөдөма да лөсьөдөма кутшөмкө рабочөй законодательство, то вөр промышленностьса рабочөйяс йылысь эз вөвны некутшөм законоположениеяс. Тані ыджыдаліс произвол, рабочөйясөс эксплуатируйтісны нем яндысьтөг. Эз весьшөрө В. И. Ленин гижлы, мый вөр лэдзөмысь мынтөны меда этша, вөрын уджалысьяслөн гигиеническөй условиясыс зэв омөльөсь, рабочөйяслөн здоровьеыс зэв өдіө омөльтчө, вөрын уджалысьясөс некод оз дорйы.

Омөля овлісны и крестьяна-сезонникъяс, кодъяс быд во ветлісны пес керавны 1000 километр сайө Мотовилихинскөй да Надеждинскөй горнөй заводъясө. Первой мирөвөй войнаөдз Усть-Сысольскөй да Яренскөй уездъясысь быд во ветлісны пермскөй заводъясө пес керавны 3800—4000 морт. Вит-квайт төлысь чөж уджалөмысь, веськавліс кө бур вөр, пес кералысь нажөвитліс шөркодя 35—60 шайт. Сэк жө пес кераланінын аслыс оланінсө крестьянин стрөйтліс ачыс, аслас тшөт весьтө. Пермскөй заводъясө торйөн унаөн ветлісны Подбельскөй, Корткеросскөй, Дервянскөй, Богородскөй, Пажгинскөй, Зеленецкөй, Палевицкөй, Часовскөй, Коквицкөй вөлөстыясысь. Тані, кызди и вөр лэдзөм вылын, вөлі нинөмөн ограничиттөм уджалан лун, рабочөйяс овлісны сэтшөм жө пывсян кодь керкаясын, омөля сөйлісны, босьтлісны грөшъяс, унаөн доймалісны. Заводскөй приказчикъяс вөчлісны ставсө сідз, кызди налы вөлі окота.

Коми крестьяна ветлісны сідз жө вурсьыны да гын

сапөггяс вөчны. Пермскöй, Вятскöй да Тобольскöй губерниясы тайö нажөтка вылө быд во ветлісны 2200—2500 морт. Вурсьыны да гын сапөггяс вөчны медся унаөн ветлісны Пыёлдинскöй, Визингскöй, Вотчинскöй, Койгородскöй, Межадорскöй да Богородскöй вөлөстясысь. Вурсьысь да гын сапөгг вөчысь сезон чөжөн нажөвитлісны 35—60 шайт. Мастер-вурсьысь дінын уджалысь зонкаяс первой воас нажөвитлісны 5—12 шайт, мөд воас — 15—25 шайт, коймөд воас — 25—35 шайт.

15 тысячаысь унджык морт вөралісны — кыйісны зверьясөс, пөткаясөс. Коми вөралысьясөс сідз жө ылөдлісны, рабитлісны кулакьяс да купечьяс. Унджык промысы донтөм-донысь веськавліс скупщикьяслы. 19-өд нэмса 80-өд воясын кө вөралысь шөркодя нажөвитліс вонас 28 шайт 50 көп., то 20-өд нэм заводитчигөн сылөн нажөткаыс чиніс. Земскöй статистикалөн даннөйяс серти Эжва йывса районьясын бөрйөмөн исследуйтөм 803 вөралысьлөн овмөсысь 62,1 процентyslөн вося доходыс вөлі 15 шайтысь этшаджык, 23,9 процентyslөн — 15—25 шайт, 12,5 процентyslөн — 25—50 шайт, 0,9 процентyslөн — 50—70 шайт, 0,6 процентyslөн — 75 сайб шайт.

Печорскöй уездын унаөн кыйісны чери, кыскалісны пруз, вөралісны. 1903 воын тайö уездса Усть-Кожвинскöй, Красноборскöй, Усть-Цилемскöй да Пустозерскöй вөлөстясын чери кыйысысь вөлі 4919 морт, пруз кыскалысысь — 4140 морт да вөралысысь — 954 морт.

Первой мирөвөй война водзвылын Усть-Сысольскöй уездын неземледельческöй промысельяс помысь вердчисны 25 000 кымын морт, Яренскöй уездын — 10 000 сайб морт, Печорскöй уездын — 13—15 тысяча кымын морт. Став неземледельческöй промысельяс вылын, кызди и вөр лэдзөм вылын, коми крестьянинөс нарпитісны, юисны сылысь вирсө купечьяс, кулакьяс, скупщикьяс, подрядчикьяс, приказчикьяс, десятникьяс да көзайскöй надсмотрщикьяс.

Коми крестьяналы торйөн сьөкыд вөлі овнысө сы вөсна, мый царизм нуөдіс посни народьясөс нарпитан, пөдтан политика. Россия вөлі, кызди образнөя шуліс В. И. Ленин, народьяслы тюрьмаөн. Уджалысь йөзөс тані нарпитісны быд ног — экономическөя, политическөя, национальнөя. Коми край территория вылын сэки вөлі олөны комияс да ненецьяс. Царскöй чиновникьяс серавлісны налысь сёрнисө, эз пьдди пуктывылыны налысь обы-

чайяссö, культурасö. Уездной учреждениясын пукалісны роч чиновникъяс. Роч буржуазиякөд да местной кулачествокөд öтвылысь найö веськөдлісны крайöн.

1897 вося перепись серти Коми муын грамотной йöзыс мужичöйяс пöвстын вöлі 27,15 процент, а нывбабаяс пöвстын — 4,26 процент. Средней образования йöзыс крестьяна пöвстын вöлі 36 мужчина да 66 нывбаба. Сиктьясын вöліны медясö церковно-приходской школаяс да грамотаö велöдан школаяс, кодъясöн веськөдліс Святейшой Синод. 1905 вося революция пöдтöм бöрын Коми крайын торйöн активной удж заводитісны нуöдны миссионерской обществояс—«Стефано-Прокопьевской братство» да «Православной палестинской общество»— вывті реакционной организацияяс. Усть-Сысольскын да Яренскын вöліны «Стефано-Прокопьевской братстволöн» отделениеяс. Таысь кындзи, быд уездын вöліны «Православной палестинской обществолöн» да «Во имя Спаса православной братстволöн» инструкторъяс. 19-öд нэм помаситöн став церковно-приходской школаяс да грамотаö велöдан школаяс вöлі сетöма «Стефано-Прокопьевской братстволы» надзор улö, и учителяяслы колö вöлі лоны тайö братствоса членъясöн.

Тайö миссионерской обществояссö да налысь филиалъяссö вöлі котыртöма сы могысь, медым «поддерживайтны инородецъяяслысь нравственной уровеньсö». Найö проповедуйтісны коми йöз пöвстын, чуксалісны найöс лоны покорнойöн да преданнойöн царлы да православной вичколы. Тайö миссионерской обществоясса членъясыс нуöдлісны религиозно-нравственной беседаяс, разöдлісны религиозной да монархической содержаниеа литература, котыртлісны крестной ходъяс да молебеньяс, лыддьылісны лекцияяс да сэк жö петкөдлісны религиозной темаяс вылö светöвой картинаяс.

Тайö вöлі ичöt народъясöс да национальной меньшинствоясöс нарпитан реакционной, великодержавной политика, кодöс нуöдіс царизм. Но роч народ збыльысь вок моз относитчис странаын олысь став народъяс дінö, на лыдын и коми народность дінö. Роч да коми уджалысь йöз костын важöнсянь вöлі крепид братской дружба.

1914 воын заводитчöм империалистической война ещö на ёнджыка сьöктöдіс коми уджалысь йöзлысь олöмсö. Крайса кум уездысь война вылö босьтісны 30 086 мортöс, либö уджалан арлыда мужичöйяс пöвстысь 53,5 про-

центсö. Уна семьяын эз лоны вердысьяс, уджалысьяс. Та вöсна ёна чинис кодза, чинис сідз жö вöвъяслөн да мөсьяслөн лыдыс. Усть-Сысольскöй уездын мөсьяслөн лыдыс, например, чинис 30 процент вылö. Ёна чинисны вөр лэдзöм да крайса мукöд неземледельческöй промыселъяс. Тöдчымөн донсяліс олöм, паськаліс спекуляция. 1915 во помасигкежлö нин сёян прöдуктаяслөн да первой коланлуна тöваръяслөн доныс содіс кык пöв. Война пыр ёнджыка омöльтчöдіс уджалысь йöзлысь олöмсö. Тайö чужтіс войналы да правительстволы паньд настроениеяс.

Хозяйственнöй да продовольственнöй кризис вöсна, кодöс кыпöдіс нюжалысь империалистическöй война, коми крестьяна пöвстын содіс царизмлөн политикаөн недовольствуйтчöм. Но тайö недовольствуйтчöмсö сэки некодлы вöлі веськöдны революционнöй тыш нуöдан туй вылö. Коми край вöлі бокын Россияса революционнöй, пролетарскöй центръясьяс. Пролетарскöй ядро тані эз вöв — 1917 воын крайын олысь 224 890 морт пöвстын вöлі сöмын 380—400 рабочöй. Сэк жö колö кутны тöд вылын, мый сысольскöй горнöй заводъясын да Сереговоса сов пуан заводын рабочöйясыс збыльысьсö эз вöвны пролетарийясөн: налөн вöлі му, гортса скöт, асланыс керкаяс да усадьбаяс. Асланыс идеология серти найö омöля торъялісны крайса мукöд крестьянаысь. Öткымын случайясын тайö полурабочöйясылөн, полукрестьянаыслөн видзöдласыс вöлі бөрö кольöм йöзлөн коды жö. Крестьянаöс революционизируйтöм вылö рабочöйяслөн тайö ичöтик прослойкаыс эз вермы кутшöмакö серьёзнöя влияйтны.

Вөр лэдзысьяслөн да кылöдчысьяслөн армияыс вöлі ыджыд — 10 тысячаысь унджык морт. Но асланыс идеология серти найö вöліны сійö жö крестьянаөн, сы вöсна мый вöлі крепыда йитчöмаöсь асланыс овмöскöд.

1917 вося Февральскöй революция водзвылын Усть-Сысольскöй да Яренскöй уездъясын эз вöв регистрируйтöма ни öти политическöй организация, партийнöй группа. Царскöй самодержавие дырйи кö найö олісны гусьөн, то Февральскöй революция бöрын долженöсь вöлі петкөдлыны асьнысö, веськөдлыны февральско-мартовскöй событиясөн. Но тайö эз ло.

Кызди тöдса, царизм дырйи Коми край вöлі политическöй ссылка местаөн. Татчö царскöй правительство мөдöдліс рабочöй классысь, интеллигенциялысь да крестьяналысь представительсöс налөн политическöй убежде-

нияссы да революционнӧй уджысь. Реакция воясӧ Яренскӧй, Усть-Сысольскӧй да Печорскӧй уездьясын быд во овлісны некымын сё ссыльнӧй. Қыдзи тыдалӧ отчѣтъяссысь, кодъясӧс мӧдӧдлісны полицейскӧй управленияс Вологодскӧй губернскойӧй жандармскӧй управлениӧ, 1909 во шӧрын Усть-Сысольскӧй уездын олісны 498 политссылнӧй, Яренскӧй уездын — 547 политссылнӧй. Но тани колӧ пасйыны, мый Коми крайын олысь ссыльнӧйяс пӧвстын вӧліны не сӧмын большевикъяс, но сідз жӧ эсеръяс, меньшевикъяс, анархистъяс, бундовецъяс, весиг кадетъяс да мукӧд политическӧй партиясса представителъяс. Вӧліны на пиын и беспартийнӧйяс, а сідз жӧ неграмотнӧй крестьяна, кодъясӧс мӧдӧдлӧмаӧсь 1905—1907 воясын апрарнӧй движениеын да помещикъяслысь имениеяс жуглӧмын участвуйтӧмысь.

1905 воӧ Усть-Сысольскын политссылнӧйяслӧн социал-демократическӧй группа разӧдліс карын олысь салдатъяс да крестьяна пӧвстын некымын прокламация, кӧні чуксаліс крестьянаӧс да салдатъясӧс путкыльтны самодержавиеӧс да дугӧдны Япониякӧд панӧм империалистическӧй война. Татшӧм возванияеясыс, дерт, кутшӧмакӧ воздействуйтісны коми крестьяна да салдатъяс вылӧ.

Қыв шутӧг, политссылнӧйяслӧн Коми крайын олӧмыс кутшӧмакӧ влияйтіс крестьянскӧй массаяслысь сознаниесӧ кыпӧдӧм вылӧ. Империалистическӧй война вылӧ мобилизуйтӧдз на пиысь ӧткымынъяс вӧліны йитчӧмаӧсь ссылкаын олысь большевикъяскӧд да налӧн воздействуйтӧм улын бӧрынджык активнӧя участвуйтісны Советскӧй власть лӧсьӧдӧмын да сійӧс ӧнмӧдӧмын.

Первой мирӧвӧй война заводитчӧм бӧрын пӧшти став политссылнӧйясыс мунісны Коми крайысь, а война воясӧ выль ссыльнӧйясӧс сӧсся эз нин вайлыны. Яренск да Усть-Сысольск каръясса уезднӧй исправникъяс Вологодскӧй губернскойӧй жандармскӧй управлениӧ мӧдӧдан асланыс отчѣтъясын 1915 восянь пыр ӧткодя юӧртісны: «Уездын политическӧй ссыльнӧйяс абуӧсь». Коми крестьянаӧс, кодъяс вӧліны йитчӧмаӧсь большевикъяскӧд, нуисны война вылӧ.

Сійӧ, мый Коми крайын эз вӧвны пролетарскӧй ядро да политическӧй партияс, ӧна тӧдчис 1917 вося революционнӧй событияс кежлӧ коми крестьянаӧс гӧтӧвитӧмын.

Петроградын 1917 вося февраль 23 лунсянь заводитчисны уличной демонстрацияс да забастовкаяс, сэсса рабочойяс да салдатяс кыпöдчисны восстание вылö да путкыльтисны самодержавиеöс. Важ стиль серти февраль 27 луно Россияын самодержавно-монархической строй лон бырöдöма, но победа шедöдыс пролетариат эз вермы босьтны властьö аслас киö. Сöветьяскöд орччöн, кодьяс вöлины пролетариатлөн да крестьянстволөн революционно-демократической диктатураөн, лонис Временной правительство, кодi вöли буржуазиялөн диктатураөн. Тадзи странаын артмис двоевластие: Временной правительство да рабочей да салдатской депутатяслөн Сöвет.

Петроградын лоом переворот да самодержавиеöс путкыльтöм йылысь юөр Коми крайö воис тöдчымөн сёрмöмөн. Февраль 28 лунсянь март 6 лунодз Усть-Сысольскö да Яренскö эз во некутшöм юөр столичной карьясын мунысь событияес йылысь. Сöмын март 6 (19) луно öтпырiö воис куим телеграмма. Первой телеграммаыс вöли Карьяслөн всероссийской союза Вологодской губернской комитетысь председателсянь. Сийö юөртiс, мый самодержавиеöс путкыльтöма да власть сетöма Государственной думаса Временной комитетлы, көни председателыс Родзянко. Мөд телеграммаыс вöли сысянь жö. Сийö юөртiс Временной правительство котыртöм йылысь да чуксалiс признайтны сийöс законнойөн. Қоймөд телеграммаыс вöли Вологодской губернской временной комитетсянь, кодi тшöктiс котыртны быд уездной центрын временной уездной комитетяс.

Местной полицияöс да чиновникьясöс тайö юөрыс суис виччысьтөг. Усть-Сысольской уездын исправник Дядик да воинской начальник Қолпаков көсийсны йөзöдны тайö телеграммаясö коркө сөрөнджык, но гусьөн видзны найöс эз удайтчы. Аски асывнас карса да матысса сиктясысь олысыс тöдiсны нин самодержавиеöс путкыльтöм йылысь. Та вылö медводз шыöдчисны Усть-Сысольской мужской гимназияса велөдчысыс. Гимназияса начальник зiлис лөнөдны найöс, но весышөрö: март 7 (20) лунся асылö гимназияс эновтiсны занятияес, петкө-

дісны ывла выlö женскöй гимназияын да приходскöй училищевын велöдчысыясöс да накöд öтвымысь сьылгтыр-ий мунісны карса уличаяс кузя. Велöдчысыяс дінö öтла-сисны карса да сиктъясса олысыяс. Карса дума да ис-правник Дядиклөн квартира дорын вöлі манифестация. Сійö висьталіс столичнöй каръясын мунысь революционнöй событияслөн тöдчанлун йылысь. Карса уличаясті мунöм бöрын демонстрантъяс разöдчисны портаныс.

Тайö виччысьтöм манифестацияыс дзикöдз повзьöдіс полицияөн веськөдлысыясöс да местнöй чиновникъясöс. Сійö жö лунö вöлі чукөртöма Усть-Сысольскöй городскöй думалысь заседание, көні вöліны сідз жö исправник да воинскöй начальник. Думаөн веськөдлысыяс чайтісны, мый карын да сиктъясын заводитчасны беспорядокъяс. Заседание вылын вöлі видлалöма да примитöма кар да общественинöй безопасность видзан план.

Усть-Сысольскöй городскöй дума көсийс нуöдны уезд-нöй временнöй комитетö бöрйысьöмъяс сөмын чиновникъ-яс пöвстын. Та могысь март 7 лунö специальнöй пöвест-каөн сійö корис учреждениеясса да организацияясса ру-ководительясöс карса управаö бöрйысьöмъяс выlö. Но бöрйысьöмъясын участвуйтны локтісны чайтöм серти ёна унджыкөн. Бöрйысьöмъяс кузя собрание ковмис вуджөд-ны народнöй керкаö. Собрание вылын вöлі 322 морт — чиновникъяс, интеллигенциялөн да карса мещаналөн представительяс. Вөлөстьясысь да рабочöйяс пöвстысь эз вöв ни öти морт. Уезднöй чиновникъяс тэрмасисны öдйö-джык сетны народлы «выль власть», медым сійö эз удит бура тöдмасыны лоöм событиясөн. Собрание вылын лыд-дисны центрысь воём телеграммаяс, а сөсся заводитісны бöрйысьны. Уезднöй временнöй комитетö вöлі бöрйöмэ 15 мортöс. Сэтчö веськалісны медсясö вöвлөм чиновникъ-яс, кодъяс веськөдлісны важ режим дырйи уезднöй уч-реждениеясөн.

Яренск карын уезднöй временнöй комитет бöрйисны март 6 (19) лунö. Сэтчö бара жö веськалісны вöвлөм чиновникъяс да карса интеллигенциялөн представитель-яс — ставыс 12 морт. Вөлөстьясысь крестьяналөн пред-ставительяс сідз жö эз вöвны.

Важ волостнöй администрация лыдди 1917 вося мар-тын да апрельын вөлөстьясын вöлі котыртöма волостнöй временнöй комитетъяс, кытчö пырисны медсясö сиктъ-

ясысь озыра олысьяс, попъяс да сиктса интеллигенциялөн представительяс.

Апрель 17(30) лунö Усть-Сысольской уездной временной комитетлысь составсö вöли неуна содтöма — сэнi лои 21 морт. Май 29 лунö вöли неуна вильмöдöма Яренской уездной временной комитетлысь составсö да членьяслысь лыдсö вайöдöма 15-öдз. Но тайö ставыс ньöти эз веж уездной временной комитетъяслысь политической чужöмсö.

Временной уездной комитетъяс босьтисны ас кианыс уездъясын административной да полицейской власть, та могысь используйтисны став важ чиновничöй аппаратсö, весиг полицияса чиньясöс. Март 12(25) лунö Вологдасянь воис индöд бöрийны Временной правительстволысь уездной комиссарöс да пыр жö котыртны уездной милиция бырöдöм полиция пыдди, а март 29 (апрель 11) лунö Вологодской губернской временной комитет тшöктис бырöдны земской начальникъяслысь должностьяс да бöрийны временной судьясöс.

Яренской уездной комиссарөн бöрийсны К. Е. Добряковс, а Усть-Сысольской уездной комиссарөн — лесной ревизор Н. И. Митюшевс. Временной правительстволөн комиссарлы подчиняйтчисны став уездной учреждениеяс: уездной земской управа, продовольственной управа, воинской присутствие, волостной управаяс. Временной судьясөн вöли индöма важ царской судса представительясöс да вöвлöм земской начальникъясöс. Уездной милиция котыртгöн Усть-Сысольской уездной временной комитет медводз индiс милициялөн управлениеö вöвлöм уездной исправник А. Л. Дядикс да исправниклы отсасьыс Н. С. Одинцовс. Сöмын сы бöрын, кор местной гарнизонса салдатъяс апрель 20 (май 3) лунö суитчисны тайö делöас, ковмис вöтлыны найöс милицияса руководитьяс лыдысь, а мукöд полицейскойяссö, кодьясöс вöли босьтöма милицияö, вöтлисны сöмын местной гарнизонса салдатъяслөн мöд да коймöд выступлениеяс бöрын — май тöлысьын.

Уездной временной комитетъяс вöчисны ставсö, мый тшöктисны Временной правительство да Вологодской губернской временной комитет, кадысь кадö принимайтисны Временной правительстволы верность йылысь резолюцияяс. Уездной временной комитетъяс медся ёна полисны беспорядокъяс лöбмысь, сыысь, мый карса да сиктса на-

селение кутас торкавны общественной пöрадок. Эз прöста усть-сысольской уездной воинской начальник подполковник Колпаков март тöлысь помын уездной временной комитетлөн öти заседание вылын заявит, мый сылы «сьöкыд видзны карлысь безопасность». Но 1917 вося февральско-мартовской лунъясö ни Яренскын, ни Усть-Сысольскын, а сідз жö сиктъясын некутшöм беспорядок да тöдчана массöвой выступлениеяс эз вöвны.

Неуна сёрнджык, 1917 вося апрель 19 (май 2) лунö, вöлі Нювчимской чугунолитейной заводса рабочöйяслөн вель бурной демонстрация, кодöс вöлі котыртöма заводоуправлениелы паныд. Тайö демонстрация бöрын вöлі вештöма удж вывсьыс управляющей А. Гастунскийöс, а сэсса вокыскöд да чойыскöд тшöтш вöтлöма сійöс Нювчимысь. Заводөн веськöдлыны кутісны бöрийöм йöз. Апрель 15 (28) лунö татшöм жö выступление вöлі Сереговоста сов пуан заводын. Сэтчöс рабочöйяс потребуитісны вештыны удж вывсьыс да вöтлыны Сереговоысь заводса управляющей И. Г. Осетровöс. И кöть эськö заводлөн көзяин П. Д. Гурьев зільліс кыдзкö ладмöдны тайö делöсö, рабочöйяс век жö заставитісны вöтлыны заводысь лёк управляющейöс.

1917 вося май 30 лунö вöлі забастовка Печорской уездын вөр пилитан заводса рабочöйяслөн да мастерöвöйяслөн. Тайö забастовкаыс заводитчис сы вöсна, мый рабочöйяслысь уджалан лунсö нюжöдісны 10 часöдз.

Рабочöй посёлокъясын тайö событиеясыс вöліны Февральской революция бöрын Коми крайын первойя массöвой выступлениеясөн.

Февральской революция лунъясö коми уджалысь йöз эз на вöвны дасьöсь самостоятельной политической выступлениеяс кежлö, налөн эз вöв политической организация, коді эськö вермис котыртны массаясöс да веськöдлыны наён. Та вöсна гөгөрвоана, мый революция бöрын Яренскын, Усть-Сысольскын да Усть-Цильмаын уездной учреждениеясөн веськöдлысьяснас бара лоины вöвлöм чиновникъяс. Коми крайын сэки эз вöвны большевистской организацияяс, эз вöв рабочöй влияние, пролетарской центръясöдз вöлі ылын. Таын основной помкаыс сылы, мый коми крестьянстволөн пасыкыд массаяс эз шыödчыны колана ног 1917 вося Февральской революция вылö. Самодержавиеöс путкыльтöм бöрын крестьяна надейтчисны, мый лоö бырöдöма сійö пöрадокъясö, кодъясöс

лөсьодліс царизм. Но надейтчисны весьшөрө. Вөвлөм чиновникъяс водзө веськөдлісны важ моз. Та вөсна «выль власть» эз кыпөд карса да сиктса гөль йөзлысь некутшөм сочувствие. Мөдарө, аслас олан первой лунсянь жө сійө чужтіс трудөвөй крестьянство пөвстын тревога. Временнөй правительствө да уезднөй комитетъяс дзик нинөм эз вөчны и эз көйыны вөчны сы могысь, медым бырөдны вөрөн да муөн пөльзуйтчан. важ пөрадокъяс. А тайө вөлі коми крестьяналы медся важнөй вопросөн.

## ПОЛИТИЧЕСКӨЙ ОЛӨМ 1917 ВОСЯ ФЕВРАЛЬСЯНЬ ОКТЯБРӨДЗ

**Ф**евральскөй революция бөрын первой лунъясө Коми край территория вылын эз вөвны оформитчөм политическөй организацияяс, партийнөй группаяс. Та вөсна 1917 вося мартын Яренскын, Усть-Сысольскын да Усть-Цильмаын уезднөй учреждениясын веськөдлысьяснас лоисны вөвлөм чиновникъяс. Но временнөй комитетөс, уезднөй комиссарөс, временнөй судьясөс, уезднөй милицияөс бөрийөм бөрын төлысь мысти нин Усть-Сысольск карса интеллигенциялөн представительяс кутісны шуасыны, мый уезднөй власть ставнас босьтісны асланыс киө вөвлөм царскөй чиновникъяс. Местнөй интеллигенциялөн группа специальнөй обращенииын заявитіс, мый «окраинаясса, сы лыдын и Усть-Сысольскөй уездса, трудөвөй да крестьянскөй население эз сет ас пөвстсьыс сэтшөм йөзөс, кодъяс вермисны эськө пөлучитны намы лөсялана места выль олөм стрөитөмын».

Апрель 30 (май 13) лунө А. М. Мартюшевлөн, В. Ф. Поповлөн да А. Н. Вешняковлөн водзмөстчөм серти Усть-Сысольскын вөлі котыртөма партийнөй группа, коді шу-сис «Усть-Сысольскөй уездса крестьянскөй да трудөвөй населениелысь местнөй олөм вильмөдан обществоөн (партияөн)». Тайө жө лунө вөлі примитөма «обществольсь» программа да бөрийөма исполнительнөй комитет. Татшөм нимсө сетісны сы могысь, медым не тойыштны ас дінсьыныс крестьянскөй массаясөс. Тайө интеллигентскөй организацияяс, коді примитіс эсерьяслысь программа, вөлі сөмын 26—30 член.

«Олөм вильмөдысьяс» асланыс медводдза могөн сувтөдлісны босьтны асланыс киө Временнөй правительствө-

лысь уездной аппарат, медым бõрынджык веськõдлыны крайса став социально-экономической оломõн. «Общество» шуис лõсьõдны ассыс печатной юрган да май 18(31) лунõ лэдзис «Известия» газетлысь первой номер, кõнi вõли йõзõдõма «обществолысь» программа да организационной вопросяс кузя сылысь медводдза постановлениеяс. Газеткõд тшõпш петис уездса население динõ обращение, кодõс вõли гижõма коми кыв вылын. Сõнi индыссис, мый Усть-Сысольск карса уездной учреждениеясын служебной постыяс водзõ занимайтõны югыд кизыяса важ чиновникыяс, а трудовõй крестьянстволысь представительясõс уездõн веськõдломõ эз кыскыны. Временной уездной комитет да уездса правительственной комиссар донъялысны тайõс кызди зильõм чинтыны выль властьлысь рольсõ да бырõдны сылысь авторитетсõ, та вõсна май 24(июнь 6) лунся заседание вылын запретитисны разõдны тайõ воззваниесõ. «Обществоõн» веськõдлысьяс первойсõ протестуйтисны, но сõссия сõгласитчисны временной комитеткõд да печатайтõм листовкаяс эз разõдны. Уездной властьса представителяскõд тайõ «столкновение» бõрын «олõм выльмõдысьяс» воштисны став надеясы вылõ, мый сетасны средствояс налысь газет водзõ лэдзõм вылõ. Та вõсна коймõд номер бõрын «местной олом выльмõдан обществолõн» «Известия» газет эз кут петны. «Олом выльмõдысьяс» зильлысны босьтны асланыс киõ Усть-Сысольской уездса крестьянской депутатяслõн Сõветяслысь съезд чукõртõмõн веськõдлом (съездсõ вõли индõма чукõртны 1917 вося август 6 лунõ), но Временной правительстволõн уездной комиссар õткажитис налы и таын. Сийõ шуис, мый съездсõ чукõртас земство.

Та бõрын регыд мысти «обществоõн» веськõдлысьяс аддзисны коланаõн распуститны ассыныс организациясõ сы вõсна, мый «обществоõ» выль членыяс эз пырны, а «олõм выльмõдысьяс» пõвстысь унджыкыслы сетисны Временной правительствоса уездной учреждениеясын руководящей постыяс. 1917 вося октябрь 18(31) лунõ комтõм выльмõдан общество» тупкыссис. Аслас олан квайт тõлысь чõжõн «общество» примитис вель уна резолюция, кõнi ошкис Временной правительстволысь уджсõ да ёна кулитис большевистской партиядысь да сыõн веськõдлысьяслысь уджсõ. «Общество» тупкõм бõрын сымõн вель уна член вуджисны эсеряслõн партиядõ.

Яренскöй уездын первойя политическöй организацияыс вöли эсеровскöй. Май 6(19) лунö Яренск карын котыртчис эсеровскöй группа, кодön веськöдлис Артемий Черепанов. Регыд мысти тайö группаыс босьтис ас вылас партиалөн уезднöй комитетлысь обязанностьяс да котыртис эсеровскöй ячейкаяс весиг уездса öткымын матысса вöлöстьясын. Организация котыртöм бöрын первой лунъясас жö яренскöй эсеръяс выдвинитисны ассыныс представительясöс уезднöй управлениеса став учреждениесö да общественнöй организацияясö. Крестьянскöй депутатъяс Советъяслөн уезднöй съездъяс вылын, кодъяс вöлины май 30 лунö да август 6 лунö (важ стиль серти), сöмын эсеровскöй организациялөн öтнаслөн вöли партийнöй фракция. 1917 вося август 2(15) лунö вöли индöма чукöртны Яренскöй уездса эсеровскöй организациялысь первой съезд, медым выдвинитны Учредительнöй собраниеö ассыс кандидатöс, но збылысьсö съезд вöли нуöдöма август 6(19) лунö вöлöстьса сийö представительяскöд тшöтш, кодъяс воисны крестьянскöй депутатъяс Советъяслөн мöд уезднöй съезд вылö.

Яренск карса эсеровскöй организация котыртис ассыс печатнöй орган — «Яренскöй газет», кодлөн первой номерыс петис июнь 20 (июль 3) лунö, а ставыс петис 40 номер. Газет петис эсеровскöй девиз улын — «Тöдöмлунын да тышын — право да вын». Сэни йöзöдсисны статьяяс, кодъяс чуксалисны крестьянаöс быд ног поддеживайтны Временнöй правительствöс, а сідз жö статьяяс да юөръяс, кодъяслөн авторъясыс усыласисны большевистскöй партия да сылөн вождыяс вылö.

Самодержавиеöс путкыльтöм бöрын активизируйтчисны став общественнöй прослойкаяс. Интеллигенция, вöвлöм посни чиновникъяс, кодъяс царизм дырйи омöля вермисны участвуйтны общественно-политическöй олöмын, а сідз жö велöдчысь том йöз заводитöны выдвигайтны ассыныс требованияс, сувтöдны могъяс, копыртны организацияяс да профессиональнöй союзъяс, медым дорйыны ассыныс правояс да интересъяс.

Май 16(29) лунö Яренск карын котыртчис «Земскöй служащöйяслөн союз». Тайö профессиональнöй союзыс сувтöдлис могөн «дорйыны служащöйяслысь нравственнöй да материальнöй интересъяс, регулируйтны учреждениеясса веськöдлысьяскöд налысь отношениеса, отсавны öтамöдлы да выль строй ёнмöдöмын».

Усть-Сысольск карын татшом профсоюзыс котыртчис 1917 вося апрель 6(19) лунö. Сийö шусис «Усть-Сысольскöй земствоса служащöйяслön союзон».

Июнь 17(30) лунö Яренскын котыртчис «Правительственной учреждениясса служащöйяслön союз». Усть-Сысольскын правительственной да общественной учреждениясса служащöйяслön союз котыртчис 1917 вося декабрь 9(22) лунö.

Таысь кындзи, Усть-Сысольскын котыртчисны «Усть-Сысольск карса да Усть-Сысольскöй уездса велöдысьяслön союз», «Среднöй учебнöй заведениеясса велöдчысьяслön Усть-Сысольскöй союз», «Судоходствоса служащöйяслön союз», «Казначейскöй служащöйяслön союз», «Потребительяс обществоса служащöйяслön союз», «Почтово-телеграфнöй служащöйяслön союз», «Врачьяслы отсасысьяслön общество», «Духовенстволön да миряналön союз», «Фельдшерско-акушерскöй персоналлön союз», «Вöрын уджалысь служащöйяслön да рабочöйяслön союз».

Но тайö став профессиональной союзьясыс да обществоясыс, кодьяс котыртчисны Февральскöй революция бöрын, эз вермыны петкöдлыны самостоятельность, налön эз вöв политической тыш кузя опыт, эз вöв и рабочöй влияние. Асланыс решениеясын да резолюциясын 1917 во чöж да сёрöнджык найö копируйтисны уезднöй временнöй комитетлысь да уездса правительственной комиссарлысь решениеяссö, ошкисны буржуазнöй Временнöй правительстволысь уджсö, висьталисны сылы асланыс преданность йылысь. Февральскöй революция бöрын первой тöлысьяссö тайö профессиональной союзьясыс эз вермыны петкöдлыны асьнысö кыдзи активнöй общественной вын.

Сöветьяс, кыдзи властёлön органьяс, Коми крайын чужисны эз 1917 вося февральско-мартовскöй событиеяс дырйи, а тöдчымön сёрöнджык. Медводз найö чужисны уезднöй центрьясын — Усть-Сысольскын (местнöй гарнизонса салдатскöй депутатьяслön Сöвет) да Яренскын, а сэсся тöдчымön сёрöнджык — вöлөстьясын. Но тайö первой Сöветьясыс вöлины мелкобуржуазнöй партияслön влияние улын да 1918 вося мöд джынийöдз вöлины сöмын ширмаön местнöй эсерьяслы уджалöм вылö.

Крестьянскöй депутатьяслысь Яренскöй уезднöй Сöвет вöли бöрийöма крестьянскöй депутатьяс Сöветьяслön

первой съезд вылын 1917 вося май 30 лунö. Тайö съезд вылын вöліны 45 делегат. Сы вöсна, мый съездсö чукöртöмын водзмöстчысьнас вöлі эсеръяс партиялөн яренской организация, Яренской уездса Советъяслөн первойя учредительной съезд ставнас примитис эсеровской платформа да аслас решениеясын ошкис буржуазной Временной правительстволысь уджсö. Съезд бöрийис крестьянской депутатъяслөн уездной Советлысь исполнительный комитет, кытчö веськöдлысьяснас веськалісны яренской эсеровской организацияса руководительяс. Крестьянской депутатъяслөн уездной Советö председателён вöлі бöрийöма С. П. Гулынинöс — эсеровской партиялөн уездной комитетысь председателёс, а исполкомса членъясөн — эсеровской организацияса активысь членъясöс.

Июнь 23 лунö (важ стиль серти) Яренскын котыртчис салдатской депутатъяслөн карса Совет, но куим лун мысти тайö Советыс öтлаасис «Яренск карса рабочійяслөн да служащійяслөн союзкöд» да кутис шусьыны «Яренск карса салдатской да рабочей депутатъяслөн Советөн». Яренской городской Совет аслас олан первой лунъясянь заявитис, мый сійö аслас став вынъясөн кутас поддержи-вайтны Временной правительствоöс. Водзö уджалігөн салдатской да рабочей депутатъяслөн Яренской городской Совет нинöмөн асьсö эз петкöдлы, аслас решениеясын сöмын копируйтис крестьянской депутатъяслөн Яренской уездной Советса исполкомлысь постановленияяссö.

1917 вося август 6(19) лунö вöлі чукöртöма Яренской уездса крестьянской депутатъяс Советъяслысь мöд съезд. Сэні сёрнитанторнас вöлі Учредительной собраниеö бöрийысьöмъяс кежлö лöсьöдчöм йылысь вопрос. Тайö жö кадö чукöртчис эсеровской организациялөн уездной съезд. Яренской уездса крестьянской депутатъяс Советъяслөн мöд съезд гöлöсуйтис Учредительной собраниеö эсеровской партиясянь кандидат Питирим Сорокин вöсна.

Советъяслөн мöд уездной съезд вылын эсеровской организациялөн фракция выдвинитис Яренской уездной Советлысь выль состав, а председателънас — В. А. Исаковöс. Уездной съезд сетис вылысь бöрийöм уездной Советлы индöд: признавайтны сöмын Временной правительстволысь да Учредительной собраниелысь власть, не лэдзны пырны уездö большевистской идеяслы. Та вöсна крестьянской депутатъяслөн Яренской уездной Совет нуöдис

большевицкѡй партіялы да сылѡн руководительяслы паныд враждебнѡй политика, йѡзѡдѡс «Яренскѡй газетын» центральной эсеровскѡй газетгьясысь босьтѡм медся клеветнической статьяяс, кодыясѡс вѡлі веськѡдѡма большевикгьясы паныд.

Усть-Сысольск карын Сѡвет первойсѡ котыртчис местнѡй гарнизон бердын 1917 вося апрель тѡлысь шѡрын. Сійѡ шусис «Усть-Сысольскѡй гарнизонса салдатскѡй депутатгьяслѡн Сѡветѡн». Председательнас сѡні вѡлі военнѡй кадся чиновник И. С. Соколов. Июль 10 (23) лунѡ Сѡветлысь составсѡ вѡлі неуна вежѡма. Председательнас лоис А. И. Новлянский — гарнизонса офицер, а 1917 во помын салдатгьяслѡн Сѡветѡ вѡлі пыртѡма выль йѡзѡс.

Усть-Сысольскѡй гарнизонса салдатскѡй депутатгьяслѡн Сѡвет аслас состав серти вѡлі зѡв умереннѡй, сійѡ сотрудничайтѡс уезднѡй временнѡй комитеткѡд, Временнѡй правительствоса уезднѡй комиссаркѡд, уезднѡй земскѡй управакѡд. Местнѡй гарнизонса Сѡвет да Временнѡй правительствоса уезднѡй учреждениеяс костын сѡмын некымын пѡрйѡ вѡліны ичѡтик разногласиеяс.

Усть-Сысольскѡй гарнизонса салдатскѡй депутатгьяс Сѡветлѡн политическѡй чужѡмыс тыдалѡ сылѡн постановлениясысь да резолюциясысь, кѡні дорйысьсѡ «победнѡй помѡдз война» нуѡдѡм кузя Керенский правительстволѡн политика.

Крестьянскѡй депутатгьяслѡн Усть-Сысольскѡй уезднѡй Сѡвет котыртчис тѡдчымѡн сѡрѡнджык Яренскѡй уездын серти. Усть-Сысольскѡй уезднѡй Сѡветлысь учредительнѡй съезд вѡлі индѡма чукѡртны 1917 вося август 6 (19) лунѡ, кор Яренскын тайѡ кадѡ вѡлі нин крестьянскѡй депутатгьяс уезднѡй Сѡветлѡн мѡд съезд. Усть-Сысольскын съезд муніс август 7 лунсянь август 10 лунѡдз. Основнѡй сѡрнитанторнас вѡлі Учредительнѡй собраниеѡ бѡрйысьѡмгьяс жежлѡ лѡсьѡдчѡм да сѡтчѡ уездсянь кандидатѡс выдвинитѡм йылысь вопрос. Съезд шуис став вынгьясѡн поддерживайтны Временнѡй правительствѡс да ошкис «война победнѡй помѡдз» нуѡдѡм кузя Керенскийлѡн правительстволысь политика. Усть-Сысольскѡй уездсянь Учредительнѡй собраниеѡ кандидатѡн съезд выдвинитѡс эсер Питирим Сорокинѡс. Уезднѡй Сѡветѡ вѡлі бѡрйѡма 20 мортѡс. Уезднѡй Сѡветса исполнительнѡй комитетѡ веськалісны С. О. Латкин (председатель),

А. Н. Вешняков (председательс вежысь), А. В. Старцев, М. Д. Кузьбожева, В. Ф. Попов.

Усть-Сысольской уездной Советлысь политической чужомсö петкөдлö исполнительный комитетса веськөдлысьяслөн составыс. Уездной Советса председательлөн лонс Советской властылөн медся лёк врагъясысь öти, коми народлөн палач, правöй эсер Степан Латкин. Сийö вöли уездной Советса председательлөн 1917 вося ноябрь 16 (29) лунöдз, а сэсся сийöс вежис А. Вешняков.

Печорской уездын 1917 воö Советъяс кызди уездной центрнын, сидзи и вöлöстыясын, эз вöв котыртöма.

Яренскын да Усть-Сысольскын, крестьянской депутатяслысь уездной Советъяс котыртöм бöрын, двоевластие (кык власть) эз ло. Уездной Советъясөн веськөдлысьяс мирнöя сотрудничайтисны Временной правительствоса уездной учреждениясысь да уездной земской управаясысь руководительяскөд, сэк жö занимайтисны руководящей должностяс Временной правительствоса учрежденияясын, а öтувъя заседанияяс вылын принимайтисны буржуазной Временной правительствоса став мерясөн поддерживайтöм йылысь резолюцияяс. Уездной Советъясөн веськөдлысьяс асыныс лыддылысны уездной Советъяссö уездной временной комитетяслы да уездса правительственной комиссарлы временной отсасысьясöн. Уездын политической властысь Советъясөн веськөдлысьяс öтказывайтчисны.

Но гöль крестьяна да салдат-фронтöвикъяс пöвстын Советъяс пöльзуйтчисны нин пыр ыджыдзык сочувствиеөн. Та вöсна Усть-Сысольской уездса öткымын вöлöстыясын Советъяс чужисны уездной Совет котырттöдз на. Сидз, 1917 вося июнь тöлысын волостной Советъяс котыртисны Ношульской да Шиловской вöлöстыясын, июль тöлысын — Маджской, Вомынской, Пожегодской вöлöстыясын, август тöлысся первой луньясö — Визингаын, Зеленечын.

Усть-Сысольской уездса крестьянской депутатяс Советяслөн съезд эз сет некупшöм директива уездной Советлы волостной Советяс котыртöм йылысь. Усть-Сысольской уездной Совет лыддис, мый быд вöлöстын эм нин кык исполнительный орган — волостной временной комитет да волостной земельной комитет, та вöсна абу коланлун котыртны волостной Советяс. Но Советяслөн уездной съезд бöрын некымын лун мысти вöли котыртöма

ещё куим волостной Совет — Койгородской, Кочергинской да Читаевской волостьясын. Сэж Усть-Сысольской уездной Советлы август 21 лунё быть лои сетны индод местаяс выло: население ко косяо, колё и волостьясын котыртны Советьяс, но налы оз ло лэдзома ассигнованиеяс. Та бёрын Усть-Сысольской уездын волостной Советьяс вёлі котыртёма и мукөд волостьясын.

Көть Усть-Сысольской уездной Совет разрешитис котыртавны местаяс вылын волостной Советьяс, но лыддис тайос временной мероприятиён.

Яренской уездса Советьяслон модод съезд вылын август 7-од лунё сідз жё вёлі шуёма котыртны волостной Советьяс, но кодыр воис индод, мый 1917 вося октябрын заводитчасны волостной земствоясё бөрйысьомьяс, Яренской уездной Совет шуис нөрөвитлыны волостной Советьяс котыртөмөн. Лооны ко волостной земствояс, дзик по нинөм сэж лоё вёчны волостной Советьяслы, — тадзи толкуйтисны Яренской уездной Советса руководительяс. Та вёсна Яренской уездын 1917 воын волостной Советьяс эз вёв котыртёма.

1917 вося октябрь первой джыныйн Яренской да Усть-Сысольской уездьясын мунисны волостной земствоясё бөрйысьомьяс. Волостной центрьясын вёлі котыртёма волостной земской управаяс, а октябрь помын кыкнан уездас вёлі нуодома чрезвычайной земской собраниеяс, коні бөрйисны уездной земской управаяс.

Уездной да волостной земствояс котыртөм бёрын Усть-Сысольской уездной Совет ноябрь төлысьын сетис распоряжение бөр бырөдны волостной Советьяс, а став властьсё местаяс вылын сетны волостной земствояслы. Татшөм распоряжение бёрын Усть-Сысольской уездса унджык вёлөстьясын местной Советьяс вёлі бырөдома, но консюрө найө колины да кутисны уджавны волостной земской управакөд орччөн. Откымынлаын найө шусисны «волостной Советөн», а мукөдлаас — «крестьянской депутатьяслон волостной исполнительный комитетөн».

Февральской революция бёрын первой төлысьясас ко Қөми крайса крестьяна мыйкө дыра спокойной виччысисны крестьянской вопрос разрешитөм, эскисны на уездной комиссарлөн да уездной временной комитетлөн косясьомьяслы, то 1917 вося июнь — июль төлысьясын нин крестьяналөн кыптис активностьс, найө конкретнойджыка кутисны сувтөдны ассыныс могьяс да требованиеяс

уездной да волостной учреждениям водзё. Сиктыясын общественно-политической оломон сэж веськөдлiсны волостной временной комитетяс, кытчö первой кадас кыз-выннас пырлiсны купечьяс, кулакьяс, вичкоса служительяс да местной интеллигенция. Крестьянской бедноталон активностыс медводз тыдовтчис сыын, мый 1917 вося май — июль толысыясын унджык вöлөстьясас волостной временной комитетясслыс составсö вöли выльмөдöма, пыртöма сэтчö мыйкö мында демобилизуйтчöм салдатьясöс да бедноталыс представительясöс. Көтö ас наукон нуодом татшöм бöрийсыömьясыс эз воны сьöлөм выланьс яренской да усть-сысольской уездной комиссарьяслы, но быть лоис миритчыны такöд да утвердитны выльмөдöм волостной временной комитетясслыс состав. Дерт, и выльмөдöм волостной временной комитетяс эз вермыны могмөдны сиктса гöль крестьяналыс могьяссö да корöмьяссö, эз вермыны лоны сиктса гöль крестьяналон политической руководительясөн.

1917 вося июльын Яренской да Усть-Сысольской уездьясын вöли котыртöма волостной земельной комитетяс, а Усть-Сысольской уездса öткымын вöлөстьясын, кыдзи ми висьтавлiм нин вылынджык, июнь — август толысыясын вöли котыртöма и волостной Советяс. Медым пöртны оломö ассыныс могьяссö, сиктса гöль крестьяна кутiсны котыртчыны волостной Советяс да земельной комитетяс гөгөр. Сийö вöлөстьясас, кöни эз вöвны местной Советяс, крестьяналон руководительяснас вöлины волостной земельной комитетяс. 1917 воын коми сиктыясын волостной земельной комитетяс ворсiсны тöдчана роль крестьянской массаясöс котыртöмын. Земельной комитетясслон требуйтöм сerti волостной временной комитетясслы быть ковмывлiс ходатайствуйтны уездной комиссар водзын крестьяналон сэтшöм требованиеяс йылыс, кодьясöс найö лыддисны оломö пöртны позьтöмөн.

Кутшöм конкретной требованиеяс сувтöдлiсны крестьяна уездной комиссар да уездной временной комитет водзё? Крестьяна требуйтiсны сетны позянлун свободнöя пöльзуйтчыны вөрөн да ваөн, мырддьыны казналыс обрöчной муяс да сетны найöс крестьяналы, мырддьыны муяс налыс, кодьяс оз занимайтчыны крестьянской уджон, восьтыны школаяс да фельдшерской пунктяс, разрешитны выльыс междуйтны торья вöлөстьяс костын видз-му, выль ног юклыны волостной да сельской земель-

ной общинае сын му-видз, вольны сельской земельной общинае сын арендатор-частновладелец сын; откымын вольностьясса крестьяна весиг корисны мырддыны вичкояслысь да монастырьяслысь муяс. Медся еся земельной вопрос сулаліс сложной земельной общинао пыран вольностьясын, коні частновладельческой муяс клинён пырлісны сельской общинае слён му массивьясё, мый вёсна сё вояс чо́ж нин кыссисны спорьяс крестьяна да частновладелецяс костын. Шошешкой, Онежской, Туринской, Ляльской вольностьясса крестьяна требуйтисны, медым Сереговоста сов пуан заводса козьяиньяс весаясны налён сельской общинае территория вылысь, а заводлысь видзяс сетасны крестьяналы. Пажгинской, Гарьинской, Шошкинской, Койгородской, Ужгинской вольностьясса крестьяна требуйтисны пыр жё сетны крестьяналы пользуйтём вылё Нювчимской да Кажимской заводьяслысь видз-муяс, кодьяс находитчоны крестьянской общинае территория вылын. Эжва катыдса откымын вольностьясса крестьяна корисны репыдджык разрешитны земельной спор Ульяновской монастыркөд.

Татшөм конкретной могьясөн шыодчылісны крестьяна уездной комиссар дінө, уездной временной комитетө, уездной земельной комитетө, уездной Советө. Тайө учреждениеяс ним вылё воисны сиктьясысь пыр унджык прошениеяс, мирской приговорьяс. Но крестьяналён коромьяс вылё уездной учреждениеясса руководительяс вочавидзлісны, мый став татшөм вопросьясё да земельной спорьясё вермас разрешитны сомын Учредительной собрание, колө терпеливоя виччысьны сійөс чукөртөм, а не решайтны земельной вопросьяс ас наукөн.

Ставыс тайө висьталө сы йылысь, мый Февральской революция бөрын крестьяна эз кольны пассивнойөн: 1917 вося пожөмын нин коми сиктьясын паськыда заводитчис революционной брожение, төдчымөн кыптис крестьяналөн активностьс.

Первой кадас земельной вопрос разрешитөмын крестьяна ыджыд надея пуктылісны уездной Советьяс да уездной земельной комитетьяс вылё, но чорыда пöрьясисны. Яренкса да Усть-Сысолькса уездной Советьясын да уездной земельной комитетьясын пукалісны эз голь крестьяналысь интересьяс дорйысьяс, а буржуазной партиялөн представительяс, кулакьяслөн агентьяс — эсерь-

яс. Усть-Сысольско́й да Яренско́й уездно́й Со́ветъяс асланыс практическо́й уджын примитисны эсеровско́й программа да мирно́я сотрудничайтисны Временно́й правительстволон уездно́й учреждениеяско́д. 1917 воын найо́ эз на вoвны пролетариатлон диктатура органъясон, а во́лыны со́мын местно́й эсеръяслы уджалом выло́ ширмаон.

Эсеровско́й организация, ко́ть сийо́ 1917 воын и лыддис асьсо́ Коми крайын господствующо́й политическо́й партиаон, членъяс лыд серти некутшо́ма эз вермы лоны массово́й политическо́й организацияон. Яренско́й да Усть-Сысольско́й уездъясын тайо́ кадас эсеровско́й организациясын членъяслон лыдыс эз вoв 100 мортысь уджык, но уездлон политическо́й оло́мын век жо́ ыджыдалисны эсеръяс, найо́ диктуйтисны асьыныс воля карса бедноталы да сиктса го́ль крестьяналы. Эсеръяслон ыджыдалом кыссис сийо́ кадодзыс, кытчодз Усть-Сысольско́й да Яренско́й уездъясын эз ло котыртoма Коммунистическо́й партиалысь организацияяс.

## ОКТАБРЛОН ПОБЕДАО́ ТУИ

**П**етроградса пролетариат, кодо́н весько́дліс большевистско́й партия, 1917 вося октябрь 24 луно́ кыпо́дис вооружённо́й восстание буржуазиялон властылы паныд. Восстание мунис о́дйо́ и организованно́я. Октябрь 25 луно́ асывнас нин Петроградын решающо́й пунктъяс вуджисны революционно́й народ кио́, Временно́й правительствоздебсис Зимньо́й дворецо́. Октябрь 26 лунылы паныда войнас во́лі штурмон бoсьто́ма Зимньо́й дворец да арестуйто́ма буржуазно́й Временно́й правительствоо́с. Октябрь 26 луно́ Со́ветъяслон мо́д съезд вылын во́лі примитoма да вынсьoдо́ма мир йылысь да му йылысь декретъяс. Сийо́ жо́ лунас съезд создайтис медводза Со́ветско́й правительствo — Нарoдно́й Комиссаръяслысь Со́вет В. И. Ленин весько́длом улын. Ноябрь 2 луно́ Со́ветско́й правительствo йoзoдис «Россияса народъяслон правояс йылысь декларация».

Ноябрь 2 луно́ московско́й пролетариат жугoдис буржуазиялысь водзсасьомсо́ да установитис Со́ветско́й власть Москваын, Петроградын да Москваын революциялон победа бо́рын Со́ветско́й власть во́лі установитoма Россияса центрально́й промышленно́й районъясын, Эсто-

нияын, Уралын, Донбассын, Белоруссияын. Неуна сёрөнджык Сöветскöй власть установитчис и ылі национальной окраинаясын.

Коми крайö Октябрьскöй революциялөн гыыс воис сёрмыштöмөнджык. Помкаыс талы вöлі сыын, мый уезднöй учреждениеясын пукалысь эсерьяс да соглашательскöй элементьяс ёна прöтивляйтчисны Сöветскöй власть установитöмлы. Кор воисны Усть-Сысольскö, Яренскö да Усть-Цильмаö медводдза юөрьяс Петроградын революционнöй пролетариатлөн победа йылысь, уезднöй центрьясса руководительяс — эсерьяс да мукöд соглашательскöй элементьяс — öтказитчисны признайтны Сöветскöй правительствоöс, шуисны прöтивляйтчыны Сöветскöй властылы.

Октябрьскöй революция заводитчытöдз некымын лун водзджык, важ стиль серти октябрь 22 лунö, Усть-Сысольскöй городскöй дума аслас заседание вылын видлалис вопрос сы йылысь, кутшöм мераяс примитны, выступитасны кö большевикьяс. Тайö вопроссö вöлі сувтöдöма центральной печатьын йöзöдöм юөртöмьяс серти.

Октябрьскöй революция йылысь да Керенскийлысь правительствосö путкыльтöм йылысь юөр Усть-Сысольскö воис октябрь 27 лунö (важ стиль серти). Телеграммасö вöлі вайöма уезднöй земскöй собраниелөн заседание вылö, кодi восьтiс ассыыс чрезвычайнöй сессия октябрь 23 лунö. Большевикьясөн власть босьтöм йылысь юөр кылöдiс земскöй собрание вылын участвуйтысьяслысь зэв ыджыд скөрлун. Земскöй собрание шуис: «Не лöсьöдны большевикьяскöд некутшöм йитöд да действуйтны налөн индöдьяслы паньд». Октябрь 27 лунö вöлі чукөртöма карса учреждениеясөн да общественнöй организацияясөн веськөдлысьяслысь пленарнöй заседание (собрание), кöни участвуйтисны уезднöй Сöветса, земскöй собраниеса, городскöй думаса, уезднöй земельнöй комитетса да профсоюзнöй организацияясса представительяс. Собрание вылын большевистскöй партия вылö да Сöветскöй правительство вылö чорыда усъласисны Д. Я. Попов, С. О. Латкин, В. Ф. Попов. Собрание сiдз жö шуис не подчиняйтчыны Сöветскöй правительствовлы.

Октябрь 28 лунö (важ стиль серти) Временнöй правительствоöс чöвтöм йылысь телеграммаяс видлалис Усть-Сысольскöй гарнизонса салдатскöй депутатьяслөн Сöвет да шуис не признайтны большевистскöй правительствоöс.

Большевикьясөн власть босьтём да столичной карьясын событияс йылысь юорьяс октябрь 29 лунё видлалис Усть-Сысольской городской дума духовенствокөд отвылысь да шуис бөр лосьодны Временной правительство, а сийёс восстановиттөдз временно подчиняйтчыны Родина да революция спаситём кузя комитетлы, некутшом йитөдьяс не кутны большевистской правительствокөд.

Вөлі нуөдөма практической мероприятияяс, медым изолируютны Усть-Сысольской уезд большевикьяслөн влияниемеысь. Земской управа Степан Латкин юрнуөдөм улын сетис Усть-Сысольской почтово-телеграфной контролы индөд сотны почта вылын став большевистской газетьяс да журнальяс, кодьяс вооны центрысь, да бырөдалис Совнаркомлысь да ВЦИК-лысь декретьяс да распоряжениеяс, найёс йөзөдлытөг. Таысь кылдзи, Латкин сетис став земской станцияяслы индөд не сетны вөвьяс большевистской агитаторьяслы, кодьяс вооны уездö Москвасысь да Петроградасысь.

Усть-Сысольской городской дума йитчис Москва да Петроградса городской думаяскөд, Родина да революция спаситём кузя Вологодской да Ярославской комитетьяскөд да пырис «Войвыв крайса земствояслөн да карьяслөн союзö». Медым не лэдзны карын большевистской выступлениеяс, городской дума декабрь 10 да 11 луньясся аслас заседание вылын шуис котыртны Усть-Сысольскын боевой дружина, кыскыны сэтчө местной парнизонса салдатьясöс. Дума шыөдчис та кузя и карса олысьяс динö. Но дружина сидз и эз ло котыртöма: карса олысьяс дружинаö эз пырны, а местной гарнизон откажитчис участвовать сэнi, сийö шуис «действуютны самостоятельной».

Октябрьской революция йылысь да Временной правительствөс путкыльтём йылысь юөр враждебной встретитисны и Яренск карса уездной учреждениеясысь веськөдлысьяс. Уездной Советлөн, городской думалөн, уездной земской да продовольственной управаяслөн, земельной комитетлөн, эсеровской партияса уездной комитетлөн отувья заседание вылын октябрь 28 лунё вөлі примитöма решение не подчиняйтчыны центральной большевистской правительстволы, «признайтны большевизм революциялы да рөдиналы врагөн».

Тадзи Усть-Сысольск да Яренск карьясса уездной руководительяс противляйтчисны Советской власть установитöмлы.

Октябрьской революция борын 1917 вося ноябрын да декабрын Яренской, Усть-Сысольской да Печорской уездьясын важ моз водзö уджалісны став уездной учреждениеяс, кодъясöс котыртліс Временной правительство, уездной да волостной временной комитетьяс кындзи. Борьяссö 1917 вося октябрын на бырöдіс Временной правительство. Сы вöсна, мый крестьянской депутатьяслөн уездной Советьясын ыджыдалісны эсерьяс да соглашательской элементьяс, кодьяс эз петкөдлыны некутшöм водзмöстчöм хозяйственно-политической олöмын, уездьясын збыль кöзьяванас вöліны земской собраниеяс да земской управаяс. Яренской да Усть-Сысольской уездьясса руководителььяс пыр на зілісны дзебын массаясыс буржуазной правительствоос путкыльтöм да Россияын Советской власть лöсьöдöм йылысь юр.

1917 вося август тöлысынь заводитісны воавны салдат-фронтöвикьяс. 1917 во помасигөн демобилизуйтчöм салдатьяслөн лыдыс ещö ёнджыка содіс. Гортö воём салдатьяс пöвстысь унаён активнöя участуйтісны революционной тышьясын, кодьяс мунісны Россияса центральной карьясын да областьясин. Кодсюрöяс участуйтісны ротной, полкөвöй комитетьясын да салдатской секциясын, босьтісны политической удж нуöдöм кузя опыт, закалитчисны. Откымын демобилизуйтчöм салдатьяс воисны гортаныс весиг большевистской партияса членьясөн. Бурегш демобилизуйтчöм салдат-фронтöвикьяс медводз вайисны Коми крайö Октябрьской революция да Советской власть йылысь правда.

Салдат-фронтöвикьяс заводитöны требуйтны, медым вöлі решитöма земельной да продовольственной вопросьяс Советской властьюлөн законьяс серти, бырöдöма путкыльтöм Временной правительстволысь учреждениеяссö, бырöдöма земство да сетöма уездьясын да вöлөстьясын став властьюсö рабочöй, крестьянской да салдатской депутатьяслөн Советьяслы. Тайö подув вылын 1917 во помасигөн торья вöлөстьясын частö вöліны конфликтьяс. Местаяс вылын демобилизуйтчöм салдатьяс да крестьяна эз кутны пыдди пуктыны волостной земской управаялысь власть, уездной комиссарлысь да уездной земской управалысь индöдьяс. Салдат-фронтöвикьяс воём борын коми сиктясын революционной брожение ёнмис. Массаяс кутісны требуйтны, медым вöлі бырöдöма Временной правительстволысь учреждениеяссö да котыртöма местаяс

вылын збыльсь Сöветьяс, кодьяс дорйöны гöль йöзлысь интересьясö.

Сйöс, мый крестьянство эз кут лыддысьны земство-кöд, признавайтлісны весиг асьныс эсеровскöй Сöветьясöа руководительяс. Яренскöй уезднöй Сöветса председатель крестьянскöй депутатьяс Сöветьяслöн коймöд съезд вы-лын аслас отчётнöй докладын веськыда заявитіс: «Уезд-нöй Сöветлы ковмис нуöдны сьöкыд да сложнöй удж — тышкасьны торъя йöзлöн самочиннöя выступайтöмьяс-кöд, кодьясöс веськöдöма вöлі волостнöй земстволы па-ныд. Уезднöй Сöветлы уна внимание ковмис сетны насе-ление да волостнöй земствояс костын конфликтьяс лад-мöдöмлы». Вöлöstьясын положение йылысь пöшти тадзи жö докладывайтіс уезднöй земскöй собрание вылын Вре-меннöй правительстволöн усть-сысольскöй уезднöй ко-миссар. Сйö тöдчöдліс, мый вöлöstьяс нöти эз кутны пыдди пуктыны Временнöй правительстволысь учрежде-ниеяссö. «Онi, кажитчö, абу ни öти вöлöstь, кöни эськö эз вöв торкöма мирнöй олöм, — шуис уезднöй комиссар. — Тайö тыдалö волостнöй да земскöй собраниеяслöн поста-новлениеясысь да сельскöй приговорьясысь. Кор талы ставыслы воас пом, кор сиктын лöө пöрадож, миян пöв-стысь некод оз вермы висьтавны».

Волостнöй да уезднöй властьяслы повинуйтчы-тöмсö зэв бура пелкöдлö Помоздинскöй вöлöstьса вөр лэдзысьяслöн стачка, кодi заводитчис 1918 вося ян-варь первой луньясö. Вөр лэдзысьяс, кодьяс медасисны «Шалит» иностраннöй фирмалы лэдзыны вөр, эз воны öти кывйö фирмаса дöвереннöйкöд дон кузяыс да шуисны нуöдны стачка. Но стачкасö торкисны штрейкбрехерьяс. Сэки стачечникьяс нöйтисны стачка орöдöмын веськöд-лысьясöс, мырдöн заставитисны дугöдны удж да нель штрейкбрехерöс арестуйтисны. Тайö делöас суитчисны По-моздинскöй земскöй управа, 3-öд участокса милицияысь начальник да Временнöй правительстволöн уезднöй ко-миссар. Арестуйтöмьясöс мездисны. Но стачечникьяс грö-зитисны арестуйтны волостнöй земскöй управаса предсе-дательöс да милицияса начальникöс, выльысь арестуйтис-ны стачка орöдöмын мыжаясöс да вель дыр пукöдисны найöс. Волостнöй да уезднöй властьяс нинöм эз вермыны вöчны, налöн эз тырмы выныс.

Уездьясöн веськöдлысьяс пöвстысь öткымынъяс гö-гөрвоисны, мый колö вежны восьсöн сопротивляйтчан-

тактика, колё признайтны центральной большевистской правительствос да приспособитчыны вель власть дін. Советской властьюс юридическя признайтсны водзджык Яренской уездын. Временной правительстволон комиссар К. Добряков откажитчис аслас обязанностьясыс да петис отставкао. 1917 вося ноябрь 30 луно (важ стиль серти) вёли чукортма Яренск карса олысьяслыс да Софроновской вёлостьса крестьяналыс общой собрание, медым выдвинитны вель уездной комиссарос. Но тайо жо собрание вылын вёли признайтма, мый Временной правительстволыс комиссарос борйыны оз нин ков, сы вёсна мый тайо правительствос абу нин. Собрание шуис: признайтны центральной большевистской правительствос да портны оломё Народной Комиссарьяс Советлыс распоряжениеяс. Та могыс вёли шуома котыртны уездной центрны военно-революционной комитет, корны тайо комитето быд вёлостьянь кык представительон, рабочойясянь да местной гарнизонса салдатясянь — оти представительон, карсянь да Софроновской вёлостьянь — нель представительон.

Уездной военно-революционной комитет борйом могыс вёли котыртма торья комиссия, кытчо веськалысны Чувашия, К. Кузнецов, А. Зубов да И. Крюков. Декабрь 3 луно тайо комиссияс мододис быд вёлостю специальной письмо да корис, медым вёлостьяс выдвинитсны асыныс представителясос военно-революционной комитето да мододисны найос декабрь 16 луно Яренско пленарной заседание вёло. Борынджык вёли признайтма, мый военно-революционной комитетлон аппаратыс зев ыджыд да сйос видзомыс сувто вывти дона. Та вёсна вельон котыртм военно-революционной комитетлыс функцияссё вёли сетома крестьянской депутатяслон Яренской уездной Совет исполкомлы.

Татшом ногон, 1917 вося декабрь заводитчигон Яренской уездной Совет шуис признайтны центральной большевистской правительстволыс власть да портны оломё Народной Комиссарьяслон Советлыс распоряжениеяс. Но збыльысё тайо вёли сомын формальной актон. И та борын Яренской уездной Совет аслас печатной органын — «Яренской газетын» вель часто выступайтис большевистской партиалон да Народной Комиссарьяс Советлон меропрятнеяслы паныд. Тайо торйон ёна петкодчис Гер-

маниякōд мирнōй сёрнитчōмъяс да Учредительнōй собрание распуститōм йылысь вопросъясн.

Усть-Сысольскōй уездын Сōветскōй власть вōлі признатōма неуна сёрнджык Яренскын серти. Временнōй правительстволōн уезднōй комиссар, крестьянскōй депутатъяслōн уезднōй Сōвет, уезднōй земскōй да продовольственнōй управаяс, городскōй дума да уезднōй земельнōй комитет, кодъяс гōгōр отувтчисны уездса основнōй антисōветскōй вынъяс, эз кōсийны энōвтны ассыныс позицияснысō тыштōг. 1917 вося декабрын Усть-Сысольскын лоис зэв напряжённōй политическōй положение. Городскōй дума нуōдис некымын заседание да видлалис военнōй дружина котыртōм йылысь вопрос, медым лоны дасьōн, карын кō выступитасны большевистскōй вынъяс. Уезднōй земскōй управа сетис начальнōй да среднōй учебнōй заведениеясса да библиотекаясса заведующōйяслы индōд — бырōдны вōлōстьясō воысь большевистскōй литература дастав мераясōн мешайтны большевикъяслы босътны власть.

Усть-Сысольск карса да уездса веськōдлысьяс эз весьшōрō повны: карын матысмисны серьёзнōй событияс. Декабрын Усть-Сысольскын котыртчис «военнослужащōйяслōн союз», кодī отувтис ас гōгōрыс демобилизуйтчōм салдат-фронтōвикъясōс. Декабрын жō карō воисны Московскōй Сōветса салдатскōй секцияысь квайт салдат-фронтōвик М. Ф. Зайков юрнуōдōм улын. Москваысь воōм ёртъяс отсалисны «военнослужащōйяслōн союзлы» котыртны тыш уезднōй учреждениясō позтысьōм антисōветскōй элементъяслы паныд. «Военнослужащōйяслōн союз» аслас котыртчан первой лунсянъ жō сувтис сийō мероприятиеяслы паныд, кодъясōс нуōдисны городскōй дума, продовольственнōй да земскōй управаяс, мыжалис найōс местнōй буржуазиялы отсасьōмын, критикуйтис крестьянскōй депутатъяслōн уезднōй Сōветōс да местнōй гарнизонса салдатскōй депутатъяслōн Сōветōс сыысь, мый найō нинōм оз вōчны.

1917 вося декабрь 19 (январь 1) лунō «военнослужащōйяслōн союз» веськōдлōм улын вōлі чукōртōма карса 8-нан десятиаын олысьяслысь общōй собрание, кытчō волисны и местнōй гарнизонса откымын салдатъяс. Собрание пасйис, мый земствоса руководителъяслōн контрреволюционность вōсна, а сидз жō крестьянскōй депутатъяс уезднōй Сōветлōн да местнōй гарнизонса салдатскōй де-

путатъяс Сöветлөн бездйствуйтöм вöсна Усть-Сысольскöй уездын положениеыс лоис зэв сьöкыд. Собрание шуис выльысь бöрйыны Сöветъяс, бырöдны земство да сетны став властьсö рабочöй, крестьянскöй да салдатскöй депутатъяслөн Сöветъяслы. Тайö жö собрание вылын вöли бöрйöма Усть-Сысольск карса рабочöй, салдатскöй да крестьянскöй депутатъяслысь Сöвет.

Усть-Сысольскöй городскöй Сöвет аслас мероприятиеяс лыдын медводз индйс чукöртны Сöветъяслысь уезднöй съезд, медем оформитны выль уезднöй власть, кодй видзис эськö Октябрьскöй революциялысь завоеваниеяссö. Та могысь сйö мöдöдйс вöлöстьясö специальнöй обращение да корис бöрйыны делегатъясöс Сöветъяслөн уезднöй съезд вылö, кодöс шуис чукöртны 1918 вося январь 15 (28) лунö.

Салдатъяслөн да карса гражданалөн общöй собрание вылын примитöм решение йылысь кывлöм бöрын Усть-Сысольскöй земствоса служащöйяслөн собрание шуис не подчинитчыны земство бырöдöм йылысь карса гражданалөн постановлениелы. Декабрь 20 лунö (важ стиль серти) уезднöй земскöй управа тэрмасигтырйи мöдöдйс вöлöстьясö циркулярнöй предписание да тшöктйс вöчны ставсö сы могысь, медем большевикъяс эз вермыны босьтны власть. 1917 вося декабрь 22 (январь 4) лунö татшöм жö циркулярнöй письмö волостнöй Сöветъяслы да волостнöй земскöй управаяслы мöдöдйс крестьянскöй депутатъяслөн уезднöй Сöветса исполком. Аслас письмöын сйö юöртйс, мый Усть-Сысольскын котыртчис самозваннöй Сöвет, кодöс некод оз признавайт, та вöсна оз ков подчиняйтчыны тайö Сöветыслы, оз ков пöртны олöмö сылысь индöдъяссö да распоряжениеяссö. Земскöй управалөн да уезднöй Сöветлөн тайö провокационнöй мероприятиеяс вылö видзöдтöг 16 вöлöсть сöгласитчисны участвуйтны Сöветъяслөн уезднöй съезд вылын да мöдöдны съезд вылö ассыныс делегатъясöс.

Усть-Сысольскöй городскöй Сöветлөн мöд öчереднöй мероприятиеөн вöли сйö, мый уезднöй милиция да гарнизонса öткымын салдатъяс öсöгөн тупкис городскöй думаöс, купечьяслысь магазинъяссö, реквизируйтйс дзебöм продовольственнöй тöваръяс. Уезднöй земскöй управаса председателйлөн корöм серти местнöй гарнизонса салдатскöй депутатъяслөн Сöвет заводитйс дугöдны купеческöй керкаясын шобсьöм да городскöй дума тупкöм,

но городской Советса членъяскод увгыштѳм бѳрын бѳр ѳткажитчис тайѳ делѳѳ сунтѳѳмысь.

Тупкѳм городской думаса членъяс да городской голова январь 15 луно шыѳдчисны карса население да местной гарнизонса салдатъяс дѳно (шыѳдѳѳмсѳ вѳлі печатайтѳма типографыян) да требуйтѳсны йѳзѳдны карын осадной положение, тупкыны городской Советѳс. Уездной земской управаса членъяс председатель Степан Латкин юрнуѳдѳм улын сѳдз жѳ некымынысь официально шыѳдчылісны местной гарнизонса салдатской депутатъяслон Советѳ, медым салдатъяс вооружѳнной вынѳн бырѳдѳсны городской Советѳс, но эз удайтчы провоцируйтны местной гарнизонѳс.

Январь 10 луно городской Совет юалис местной гарнизонса Советлысь, кутас-ѳ сѳйѳ сотрудничайтны городской Советкѳд, но салдатской депутатъяслон Совет ѳткажитчис сотрудничайтѳмысь.

1918 вося январь 15(28) лун кежлѳ Усть-Сысольскѳ войсны делегатъяс 16 вѳлѳстысь. Январь 16 луно городской Совет кѳсйис восьтыны учредительной съезд Народной керкаын, корис тайѳ съезд вылѳ гарнизонса Советсянь делегатъясѳс, но найѳ эз локны, орѳдѳсны съезд восьтѳмсѳ. Местной гарнизонса Совет юѳртѳс, мый учредительной съезд должен воссыны январь 17 луно гарнизонса Совет веськѳдлѳм улын. Гарнизонса Совет первойсѳ кѳсйыліс корны учредительной съезд вылѳ служащѳйясянь, крестьянасянь, рабочѳйясянь да мешанасянь 15 делегатѳн (быд групасянь), но сѳсся договоритчис земской собраниеса юрнуѳдысьяскѳд да шуис корны выль уездной власть котыртѳм могысь учредительной съезд вылѳ ставнас земской собраниеѳс да продовольственной съездѳс, кодъяс заседайтѳсны тайѳ кадѳ Усть-Сысольскын.

1918 вося январь 17(30) луно Усть-Сысольскын восис уездын выль власть котыртѳм могысь учредительной съезд, кѳні вѳлі 179 морт. Сы пыдди, медым лоны тайѳ съезд вылас кѳзьянѳн, городской Совет пѳлучитѳс сѳмын 9 места. Медся уна делегатъяс вѳліны уездной да волостной земствоясянь да земской учреждениеясянь. Учредительной съезд вылын туй визьсѳ индалысьясѳн лѳины Временной правительствоса учреждениеясысь руководитѳяс да уездной земствоын юрнуѳдысьяс: Д. Я. Попов, Н. И. Митюшев, И. П. Петроканский, В. Ф. Попов, А. М. Мартюшев, А. Н. Вешняков, Л. А. Ленин, А. В. Вей-

линг, А. Харьюзов. Көть эськө съезд вылын вöліны унджыкыс антисöветскöй элементъяс, век жö съезд формальнöя признайтис Сöветскöй власть. Медым бырöдны уездыи многовластие, вöлі шуöма лöсьöдны öти верховнöй власть. Кольны власть дзыкöдз обанкротитчöм земство киö эз нин позь. Тайöс гөгөрволісны и земствоын уджалысыяс. Со мый шуліс та кузя Усть-Сысольскöй земствоса вожакъясысь öти: «Власть, коді вöлі öнöдз, воштис авторитетсö, а сытөг вермас лоны анархия. Воштисны авторитетсö земскöй да городскöй самоуправленияяс, а авторитеттöм власть кыпöдас ставыслысь недоверие да вражда». Тайö вопроссö бурнöя обсудитöм бöрын став делегатъяс воисны öти кывйö, мый выль уезднöй власть должен шусыны «рабочöй, крестьянскöй да салдатскöй депутатъяслөн Сöветөн», кодлы колö подчинитны уездысь став учреждениеяс да организацияяс.

Съездлөн сёрнитанторйын мöд вопросөн вöлі центральной большевистскöй правительство дінö относитчöм йылысь вопрос. Неуна вензьыштöм бöрын вöлі век жö решитöма юридическöя признайтны центральной большевистскöй правительствоöс — Народнöй Комиссаръяслысь Сöвет, но татшöм важнöй оговоркаөн: «Пыдди пуктыны центральной властьюсь индöдъяс, найö кө кутасны сетны пöльза местнöй населениелы». Тайö принцип серти позьö вöлі не признайтны либö ревизуйтны Сöветскöй правительстволысь любöй декрет, любöй распоряжение. Сыкöд йитöдцын, мый съездвылса öткымын делегатъяс сувтисны центральной большевистскöй правительствоöс признайтöмлы паныд, земскöй гласнöй Д. Я. Попов предложитис съездлы — Малороссия да Финляндия моз Коми крайлы торйöдчыны автономнöй единицаö. Но сылысь предложениесö тайö заседание вылын эз видлавыны.

Учредительнöй съездлөн январь 17(30) лунся заседание вылын, уезднöй власть котыртöм кузя основнöй решенияяс примитöм бöрын, крестьянскöй депутатъяс уезднöй Сöветлөн исполнительнöй комитет да городскöй Сöветлөн исполнительнöй комитет сетисны властьюсь функцияяс выльöн котыртöм уезднöй Сöветлы. Учредительнöй съезд рекомандуйтис ассыс кандидатъясöс — 14 мортöс — временнöй уезднöй Сöветлөн исполкомö, а сесся помалис ассыс уджсö. Мукöд организационнöй вопросъяссö съезд тшöктис решитны временнöй уезднöй Сöветлы. Та бöрын земскöй собраниеса да продовольственнöй

съездывса представителъяс разодчисны, медым водзо нуодны ассыныс сессияс.

1918 вося январь 18(31) лунö вöлі бөрйöма временнöй исполнительнöй комитет 14 мортысь, председателънас индöма уезднöй земствоса гласнöй А. М. Мартюшевöс. Тайö жö заседание вылын вöлі формируйтöма временнöй уезднöй Советлысь состав 57 мортысь. Сэтчö веськалісны карса уна учреждениясысь да организациясысь представителъяс, на лыдын важ режим да Временнöй правительство кадся уезднöй учреждениясысь да организациясысь пöшти став вöвлöм руководителъяс да духовенстволөн представителъяс.

Усть-Сысольскöй временнöй уезднöй Советлөн организационнöй заседаниеяс вылын, кодъяс мунісны куим лун чöж, вöлі видлалöма уезднöй управление да местаяс вылын власть котыртöм йылысь вель уна вопрос. Январь 22(февраль 4) лунö вöлі бырöдöма путкыльтöм Временнöй правительстволысь кольöм учрежденияяс: земскöй начальникъяслысь уезднöй съезд да Временнöй правительстволысь уезднöй комиссарöс. Уезднöй комиссар Н. И. Митюшев эз кöсйы пöртны олöмö тайö решениесö, та вöсна сылысь канцеляриясö февраль 4(17) лунö комис весавны мырдөн. Временнöй Совет признайтіс, мый местнöй управлениелөн первичнöй ячейкаөн кольöны волостнöй земскöй управаяс, кодъяс подчиняйтчöны веськыда уезднöй земскöй управалы. Волостнöй Советъяс котыртöм йылысь вопрос эз вöв видлалöма. Уезднöй милиция важ моз коліс уезднöй земство кыын.

Суд да судебнöй учрежденияяс котыртöм йылысь вопрос кузя вöлі шуöма кольны сійö судебнöй учреждениеяссö, кодъяссö лöсьöдліс Временнöй правительството,— мирöвöй суд, мирöвöй съезд да судебнöй следовательяссö. Временнöй уезднöй Советлөн заседаниеяс вылын делегат Д. Я. Попов выльысь сувтöдіс автономнöй единицаö торйöдчöм да Усть-Сысольскöй уезднöй Советлы законодательнöй функцияяс сетöм йылысь вопрос, сж жö сійö быд ног зіліс пöльтны националистическöй страстьяс. Но сылысь предложениесö эз вöв примитöма.

Половинчатöй решениеяссыс, кодъяссö примитіс временнöй уезднöй Совет, петкөдлöны сылысь классöвöй чужöмсö. Ни учредительнöй съезд, ни временнöй уезднöй Совет некутшöм мера эз примитны Степан Латкины да мукөдъяслы паныд, кодъяс восьсөн мешайтісны Советскöй

власть признайтöмлы. Латкин важ моз колис уездной земской управаса председательöн да веськөдлiс öчередной уездной земской собраниеöн, кодi заседайтiс 1918 вося январь 28 лунсянь февраль 23 лунöдз. Городской думаöс да городской управаöс, кодьясöс бырöдлiс городской Совет январь 9 лунö, вöли пыр жö бөр восьтöма. Сэни заводитiсны уджавны сийö жö йöзыс, кодьяс уджавлiсны войдөр.

1918 вося март 7 лунö временной уездной Советлөн исполком юörtiс Внутренней делöяс кузя Народной Комиссариатлы, мый январь 17 лунсянь (важ стиль серти) Усть-Сысольской уездын власть вуджис Совет киö, кодi примитiс Советьяслөн мöд Всероссийской съездлысь платформа, юörtiс уездлөн сьöкыд финансöвой положение йылысь да корис восьтыны уездлы кредитьяс. Кредитьяс восьтöм йылысь уездисполком шыödчылис Внутренней делöяс кузя Народной Комиссариатö февраль 1 лунö на, сы вöсна мый уездын финансöвой положениеыс вöли зэв сьöкыд: служащöйяслы удждон эз сетлыны кык тöлысь чöж, а казначействоö некутшöм доходьяс эз воны. Уездлысь финансöвой положениесö нарошнö сьöктöдiс аслас антисоветской политикаөн земской управаса председатель С. Латкин, кодi эз көсйи пöлучитны Советской правительстволысь ассигнованиеяс да эз используют 1917 воын бөръя кварталса кредитьяс.

Кöть эськö Яренскын да Усть-Сысольскын лои котыртöма рабочей, крестьянской да салдатской депутатьяслысь уездной Советьяс да признайтöма центральной большевистской правительствöс, тайö уездьясын Советской властыс збыльысьсö эз на утвердитчы. Уездной Советьяс эз на вöвны пролетариатлөн диктатура органьясөн. Уездной Советьясын важ моз унджыкыс вöлины эсерьяс, земствоса работникьяс да мукöд соглашательской элементьяс, кодьяс Советской правительстволысь был декрет да распоряжение босьтlсны сомнение улö: либö дзикöдз вештылiсны сийöс, либö примитlсны частичнö. Яренской да Усть-Сысольской уездной Советьяс, кöть найö формальнö и признайтiсны Советской властыс да лыддiсны асьнысö уездьясаныс дзик öти верховной властыөн, збыльысьсö эз босьтны уездьясын став властысö асланыс киö. Уездса овмöсөн веськөдлöм да населениеöс продовольствиеөн снабжайтöм колисны земской да продовольственной управаяс кыын, весиг уездной милиция

вѳлі уездной земство кыин. Первой какас уездной Сѳветьяс збылысьсѳ нинѳмѳн эз веськѳдлыны, уездисполкомъяслѳн эз вѳв ни ѳпи отдел. Уездьяслѳн став овмѳсыс вѳлі уездной земельной комитетьяс, продовольственной да земской управаяс кыин. Усть-Сысольской уездын тадз вѳлі 1918 вося март тѳлысьѳдз, ѳчередной уездной съезд чукѳрттѳдз. Местаяс вылын жѳ властыс вѳлі волостной земской управаяс кыин, кодьяс подчиняйтчисны эз уездной Сѳветлы, а уездной земской управалы.

1918 вося март 23 лунѳ Усть-Сысольскын чукѳртчис рабочѳй, крестьянской да салдатской депутатяс Сѳветьяслѳн первой уездной съезд, кодѳ уджалѳс апрель 2 лунѳѳдз. Земской управаса председатель Степан Латкин да управаса служащѳй А. В. Старцев, кодьяс тѳдѳсны, мый тайѳ съезд вылын кутас видлавсьыны земство бырѳдѳм йылысь вопрос, мѳдѳдѳсны вѳлѳстьясѳ письмѳяс сы йылысь, мый столичной карьясын большевистской власть бырѳдѳма нин, та вѳсна нинѳмла локны Усть-Сысольскѳ съезд вылѳ. Тайѳ провокационной письмѳѳ мѳдѳдѳмысь Латкинѳс да Старцевѳс вѳлі арестуйтѳма да, земской гласнойяслѳн да земской служащѳйяс профсоюзлѳн протестуйтѳм вылѳ видзѳдтѳг, сетѳма судѳ. Суд шуис пуксьѳдны Латкинѳс тюрьмаѳ, а уездной земствоѳн веськѳдлѳм могысь уездисполком индѳс земствоса комиссарѳн Д. Я. Попѳвѳс.

Первой съезд видлалѳс центральной Сѳветской власть дѳнѳ относитѳм йылысь вопрос да утвердитѳс учредительной съездлысь январь 17 лунся решение: «Пыдди пуктыны центральной властылысь индѳдьяс, найѳ кѳ кутасны сетны пѳльза местной населениелы». Съезд век жѳ примитѳс уездѳн веськѳдлан структура, кодѳс рекомѳндуйтѳс Народной Комиссарьяслѳн Сѳвет. Уездисполком бердын вѳлі котырѳма продовольственной, народной овмѳс кузя, земельной, народной просвещение кузя, финансѳвой, военной, судебной, удж кузя, призрение кузя, дорожно-технической, врачебно-санитарной, почтово-телеграфной отдельяс, кодьясѳн юрнуѳдѳны комиссарьяс либѳ отдельясса заведующѳйяс. Кѳтъ эськѳ торья делегатьяс эз сѳглашайтчыны, но век жѳ земельной комитетѳс, уездной земской управаѳс да продовольственной управаѳс, кыдзи самостоятельной учреждениеясѳс, вѳлі бырѳдѳма да реорганизуйтѳма уездной Сѳветлѳн соответствующѳй отдельясѳ. Съезд бырѳдѳс сѳдз жѳ волостной



пуксьодома тюрьмао. Март 27 лунö уездной сьезд амнистируйтис Латкинöс да лэдзис тюрьмаысь. Но омоль поступокьясысь март 29 лунö сьездлөн индод серти Латкинöс вöли выльысь арестуйтома да сийö жö лунö бөр мездöма. Местной контрреволюцияөн веськөдлысь динö татшöм небыда, благодушной относитчöмыс вывти дона сувтис коми народлы. Та бöрын 19 тöлысь мысти Латкин вайодис Архангельскысь белогвардеецьяслысь вооружитчöм отряд да лыйлис либö ловьяөн сюйис Эжва вывса юкмöсьясö некымын сё коми крестьянинöс.

1918 вося апрель да май тöлысьясö Усть-Сысольской уездса став вöлөстьясын вöли котыртöма волостной Советяс, бырöдöма земской управаяс. Но сы вöсна, мый Коммунистической партиалөн организацияяс эз на вöсны, тайö Советьясыс эз на тырвыйö сулавны Советской властылөн платформа вылын. Откымын вöлөстьясын сöмын вежисны земской управалысь вывескасö Советлөн вывескаөн, а земской управаса вöвлöм членьяс пырисны волостной Совет составö.

Май 15 лунö тупкөм городской дума пыдди Усть-Сысольскын вöли котыртöма рабочей, крестьянской да солдатской депутатьяслысь городской Совет.

Яренской уездной Совет, кодi юридическöя признайтис центральной большевистской правительствöс 1917 вося декабрь 12 лунö, аслас практической уджын заводитö саботируйтны центральной властылысь декретьяс да распоряжениеяс, критикуйтны да выльысь виллавны быд выль распоряжение, кодi воö центрысь торъя Народной Комиссариатьясысь. Тайö и гөгөрвоана, öд сэнi унджыкыс пукалисны эсерьяс да соглашательяс. Советской правительстволөн мероприятияяслы паныд Яренской уисполком частö выступайтис и местной газетын. 1918 вося январь 11 (24) лунö «Яренской газетын» вöли йöзöдöма статья, кодi ёся критикуйтис большевикьяслысь политикасö Брестын заводитчöм мирной сёрнитчöмьяскöд да Учредительной собрание распуститöмкöд йитöдын.

Большевикьяслысь власть признайтöм бöрын куйм тöлысь мысти 1918 вося март 5 лунö Яренскын вөссис крестьянской депутатьяс Советьяслөн öчередной коймод уездной сьезд, кодi уджалис март 14 лунöдз. Сьезд первой заседаниеясынь жö петкөдлис ассысь политической чужöмсö. Кыдзи страналөн текущей политической положение кузя докладчик, сиди и уездной Советса членьяс,

кодъяс выступайтисны прениеясын, зэв ёся да восьсои критикуйтисны большевистской правительстволысь политикасö, мыжалисны Народной Комиссарьяслысь Советос да большевикьяслысь партияос сын, мый найö вайодисны странаос тшыгыяломодз, разрухаодз да гражданской войнаодз. Выступайтысяс требуйтисны вештыны большевикьясöс власть бердысь да пыр жö чукортны Учредительной собрание. Кор съезд вылын выступитис большевик Иван Коинов да критикуйтис усполкомса членьяслысь позициясö, индис, мый Учредительной собраниеос вöтлис народ ачыс, да требуйтис, медым съездывса делегатьяс тырвыйö дöверяйтисны Советской правительстволы, съезд унджык гөлөсөн лишитис сийос решающей гөлөсысь.

Текущей политической положение кузя съезд примитис резолюция, кони шуис не дöверяйтны Советской правительстволы да требуйтис пыр жö чукортны Учредительной собрание. Коинов вöзйис резолюция — «став власть крестьянской, солдатской да рабочей депутатяслөн Советьяслы да Народной Комиссарьяслы», но сы вöсна гөлөсуйтисны сöмын 15 делегат.

Мукöд вопросьяскöд тшöтш крестьянской депутатьяс Советьяслөн коймод уездной съезд март 7 лунö видлалис му йылысь основной закон, кодос примитис ВЦИК, да шуис, мый тайö законөн позьö пользуйтчыны сöмын сы бöрын, кор лоö содтöма сэтчö законлысь проект, кодос лöсьодис Учредительной собраниеын эсерьяслөн фракция.

Кöть эськö центральной власть важөн нин тшöктис бырöдны земство да земской учреждениеяс, сетны уездын став хозяйственно-политической власть Советьяслы, уездной съезд шуис кольны земство. Уездной земской управа, уездной продовольственной управа колисны кызди самостоятельной учреждениеяс, кодьяс веськöдлисны уездын хозяйственной да продовольственной делöясөн. Уездной управлиенелысь структура, кодос лöсьодис Советской правительство, съезд эз примит. Крестьянской депутатяслөн уездной Совет важ моз колис отделястöг, конкретнö сылы нинöмөн вöли веськöдлынысö. Продовольственной вопрос кузя съезд ни öти кыв эз шу сёян прöдуктаясөн спекулируютысь кулакьяслы да скупщикьяслы паныд чорыл мераяс йылысь. Март 14 лунö вöли бöрийöма уездной Совет исполкомлысь виль

состав. Сэни унджыкыс бара лоисны эсерьяс да соглашательскöй элементьяс.

1918 вося апрель — июнь тöлысьясö Яренскöй уездын положениеыс вöли зэв напряжённöй. Уездлысь хозяйствен-но-финансöвöй смета, кодöс мöдöдлис Яренскöй уезднöй земскöй управа Совнаркомö, медым сийö восьтис уездлы кредитьяс, Совнарком бергöдис бөр да индис, мый хозяйственнöй смета должен лöсьöдны уезднöй Совет, а земствоöс колö пыр жö бырöдны. Татшöм индöд жö сетисны И. Митрошинлы, кодöс мöдöдлисны апрель тöлысьын Москваö, медым корны средствояс 1918 вося смета серти. Совнарком тшöктис пыр жö бырöдны земскöй, продовольственнöй управаяс да лöсьöдны уисполком бердын кола на отдельяс. Яренскöй уездисполком эз сöгласитчы такöд. Сэки Совнарком дугдис финансируйтны уездöс. Уездса руководительяслөн упорствуйтöмыс, медбöрын, вайöдис сэтчö, мый земскöй служащöйяс квайт тöлысь чöж эз вермыны босьтны удждон.

Торья вöлöстьясын ёсьмисны население да волостнöй земскöй управаяс костын отношеениеяс. Население пыр ёнджыка требуйтис бырöдны уезднöй да волостнöй земствояс. Уездисполком зилис дорйыны асьсö, ыстысис сы вылö, мый земство бырöдöм йылысь индöд центрсянь эз на во, кöть эськö татшöм индöдыс вöли нин, сöмын эз йöзöдлыны сийöс, видзисны гусьöн. Весиг местнöй газетын 1918 вося апрель 27 луно Яренскöй уезднöй Совет йöзöдис татшöм лöжнöй информация: «Откымын вöлöстьясын, кызди, например, Айкинскöйын, Ленскöйын, Иртовскöйын, волостнöй собранияяс вылын решитисны бырöдны волостнöй земствояс да вежны найöс Советьясöн. Земство бырöдöм йылысь Яренскöй уезднöй Совет некымынысь нин торья письмöясöн да телеграммаясöн шыöдчылис губернскöй Советö да Совнаркомö, но некутшöм öтвет öнöдз эз волю. Таысь кындзи, колö индыны, мый уездса торья вöлöстьяс оз вермыны сувтöдны ставнас уездысь управление вежöм йылысь требованиеяс. Тайö делö ставнас уездлөн, а не торья вöлöстьяслөн. Медым уездын эз ло разнöй сикас управление, предлагайтам тайö вопроссö кольыны решиттöг, кытчöдз оз лоны индöдьяс вылыссаджык инстанциясянь». Яренскöй уезднöй Совет явö пöрьясис, ылöдлис народнöй массаясöс.

1918 вося тулысын да гожöмын Сöветскöй Россиялөн лоис зэв сьöкыд положение продовольствие да фабрик-

заводьяслы сырьё тырмытём вёсна. Украинаын, Белорусияын, Прибалтикаын кёзьяйничайтисны немецкёй оккупантыяс, тёдчанаджык мукөд продовольственнöй районьяс сідз жö захватитисны иностраннöй интервентьяс. Продовольствие да сырьё вайны лои некытысь. Кулачество, код кийн вöліны пырысь нянь запасьяс, сувтис Сöветскöй властью паныд, зилис тшыглунөн пöдтыны сійöс. 1918 во шöрын Сöветскöй правительство водзын сувтис кыдзи главнöй вопрос — продовольственнöй вопрос. Колö вöлі мездыны тшыглы кулöмысь рабочöй классöс да сиктса гöль йöзöс. Тайö обстановкаас вöлі петан туйыс öти — босьтны нянь кулакьяслысь, мырддьыны на кийсь продовольственнöй ресурсьяс. Кутшöм должен лоны рабочöй класслөн политикаыс Сöветскöй власть устанавливайтан кадö? В. И. Ленин та кузя индыліс: «Медся топыд союз да öтувтчöм сиктса беднотакöд; уступкаяс шöркюдя олысь крестьянинлы да сикöд соглашение; беспощаднöй тыш кулакьяскöд, тайö вир юысьясыскöд, вампирьясыскöд, народöс прабитысьясыскöд, спекулянтьясыскöд, кодьяс нажöвитчöны йöзлөн тшыглун вылын; — со кутшöм программаыс сознательнöй рабочöйлөн»<sup>1</sup>.

В. И. Ленинлөн чукöстчöм серти большевистскöй партия решитис мөдöдны сиктьясö рабочöйяслысь продовольственнöй отрядьяс, медым судзöдны тшыгьялысь рабочöй класслы нянь да мукöд сикас продовольствие. 1918 вося май тöлысын Сöветскöй правительство йöзöдис декретьяс продовольственнöй отрядьяс котыртöм йылысь да кулакьяслы паныд тышын Наркомпродлы чрезвычайнöй полномочияс сетöм йылысь. Некымын тысяча рабочöй мунисны сиктьясö перйыны кулакьяслысь нянь, котыртны сиктса гöль крестьяналысь кулакьяслы паныд тыш, пыртны сиктьясö социалистическöй революциялысь идеяс. Продовольственнöй рабочöй отрядьяс кыпöдисны сиктса бедноталысь активность, отсалисны паськöдны сиктьясын социалистическöй революция.

1918 вося июнь 11 лунö ВЦИК да СНК примитисны «Сиктса беднотаöс котыртöм йылысь» декрет. Тайö декрет сертиыс котырталисны сиктса бедноталысь волостнöй да сельскöй комитетьяс (комбедьяс), кодьяс лоины сиктын пролетариат диктатуралөн чрезвычайнöй органьясөн, помещикьяслы, купечьяслы, кулакьяслы паныд

<sup>1</sup> В. И. Ленин, Соч., т. 28, стр. 40.

тышын голь крестьяналон революционнӧй органъясон. Комбедъяс котыртӧм сетис сиктса бедноталы позянлун жугӧдны кулачествоос да отсалис завершитны сиктъясын социалистическӧй революция. Комбедъяс отсӧгӧн Наркомпродлы 1918 воын удайтчис заготовитны 95 миллион кымын пуд нянь да спаситны рабочӧй классӧс, сиктса беднотаос тшыглы куломьсы.

Усть-Сысольскӧй да Яренскӧй уезднӧй Советъяс, кӧнӧ век на ыджыдалисны эсеръяс да соглашательскӧй элементъяс, эз примитны продовольственнӧй отрядъяс да комбедъяс котыртӧм йылысь декретъяс, кӧть индӧм уездъясын продовольственнӧй положениеыс вӧли зэв сьӧкыд.

Продовольственнӧй отрядъяс котыртӧмысь ӧткажитчӧм бӧрын Яренскӧй уезднӧй Совет примитис татшӧм половинчатӧй решение: уездлы колана мында нянь заготовитны вольнӧя ньӧбӧмӧн, нянь вылӧ твӧрдӧй донъяс лӧсьӧдӧмӧн. Татшӧм соглашательско-предательскӧй политикаыс вайӧдис сьӧ, мый 1918 во шӧрын Яренскӧй продовольственнӧй управа складъясын эз вӧв и 1000 пуд нянь, а во кежлӧ колӧ вӧли заготовитны 225 сюрс пуд гӧгӧр.

Усть-Сысольскӧй уезднӧй Совет продовольственнӧй вопросын 1918 вося тулысын да гождӧмын руководствуйтчис Советъяслӧн первой уезднӧй съездлӧн март 24 лунся постановлениеӧн, кодӧ вӧли кивыв кулакъяслы, а эз карса да сиктъясса тшыгъялысь йӧзлы. Кулакъяс дзблалисны нянь да кутисны гусьӧн вузасыны спекулятивнӧй донӧн.

1918 во первой джынйын Усть-Сысольскӧй уезднӧй Совет вермис заготовитны сӧмын 28 136 пуд нянь, а во кежлӧ самӧй дзескыд норма серти колӧ вӧли заготовитны няньсӧ 365 000 пуд. 1918 вося май тӧлысь помын нин Усть-Сысольскӧй уездса 130 000 олысь лыдысь ӧна тшыгъялисны 11 843 морт, а джынвийӧ тшыгъялисны 86 062 морт. Торйӧн ӧна тшыгъялисны йӧз Кажим, Нювчим, Нючпас посӧлокъясын, Вишераын, Эжва катыдса вӧлӧстьясын. Татшӧм сьӧкыд положениеыс лой сы вӧсна, мый Усть-Сысольскӧй уезднӧй Совет эз примит продовольственнӧй отрядъяс да комбедъяс котыртӧм йылысь Совнаркомлысь да ВЦИК-лысь декретъяс, эз кӧсйы обидитны кулак-спекулянтъясӧс реквизициясӧн.

Сйӧ кадас, кор Яренскӧй да Усть-Сысольскӧй уезднӧй учреждениясӧ суйсьӧм эсеръяс да соглашательскӧй

элементъяс быд ног зілісны корсьны лазейкаяс да помкаяс сы могьсь, медым не пёртны олёмö Сöветскöй властьлысь основнöй законъяс, медым ревизуйтны Сöветскöй правительстволысь директиваяс, — крестьянскöй масаяс да карса беднота ас ногыс решайтисны общественно-политическöй вопрьяс.

Крестьяна требуйтисны бырöдны частновладельческöй имениеяс. Татшöм имениеясыс Усть-Сысольскöй уездын вöлі 34, кодъяслөн вöлі 5200 гөгөр десятина му, а Яренскöй уездын — 3 имение 1956 десятина муöн. Крестьяна корисны сетны налы манастырскöй муяс, кодъяс лыддыссисны Яренскöй уездын 2500 десятина, Усть-Сысольскöй уездын — 815 десятина, а сідз жö церковнöй да причтöвöй муяс. Крестьяна корисны мырддыны казна кийсь став оброчнöй муяс да сетны найöс пöльзуйтчыны крестьяналы дон босьттöг.

Сöветскöй законъяс серти крестьяналөн вöлі право тайö частновладельческöй муяс вылас, но Яренкса да Усть-Сысолькса уезднöй Сöветъяс эз кöсийны вөрзьöдны частновладельческöй муяс.

Та вöсна коми сиктъясын кыптис ыджыд недовольство уезднöй власть вылö — уезднöй Сöвет, уезднöй земскöй управа, уезднöй продовольственнöй управа да уезднöй земельнöй комитет вылö. Уезднöй власть дзыкөдз воштис асьыс авторитетсö сиктса гöль крестьяна да карса беднота водзын. Медся нин ёна население кутис недовольствуйтчыны земствоön.

1918 вося тулысын да гожöмын коми сиктъясын вöліны тöдчана выступлениеяс, кодъясöс веськөдöма земстволы да эсеровскöй уезднöй Сöветъяслөн мероприятияяслы паньд. Керчомскöй вöлөстын 1918 вося январсянь апрель тöлысьöдз орччөн уджалісны волостнöй Сöвет да волостнöй земскöй управа. Волостнöй земскöй управа гөгөр котыртчисны озыръяс, а Сöвет гөгөр — сиктса гöль йöз. Земскöй управа зіліс бырöдны волостнöй Сöветöс, а волостнöй Сöвет — земскöй управаöс. Делöыс воывліс гырысь зыкъясöдз. Керчомьяса волостнöй Сöвет весиг шыöдчыліс Усть-Сысольскöй уезднöй Сöветö, пребуйтис бырöдны уезднöй да волостнöй земствояс, корис ыстыны Керчомьяö винтовкаяс да патронъяс, медым нуöдны тыш земствокөд да местнöй кулакьяскөд.

1918 вося апрель помын Троицко-Печорскöй вöлөстьса крестьяна примитисны постановление: не сетны кылöдны

заготовитом вөр «Стелла-Поларе» да «Уильсен-Стампе» лесофирмаяслы, а тайо вöрсö используйтны общественной нуждаяс выло. Крестьяна ыстысисны сы выло, мый капиталистьяслы государственной вөр оз позь сетны. Вöрсö вöлі век жö кылөдöма: вөр фирмаса дöверенной сёрнитчис почта контораса начальниккод, öтвылысь пижисны подложной телеграмма быттьокö Ленин нимсянь, мый вөр кылөдны разрешайтö Совнарком.

1918 вося гожöмын уездной Совет тшöктытöг Шошкаса крестьяна ытшкисны «Пурты» да «Лемью» дачаясысь видзяс, кодъяс лыддыссисны Бутлеровлөн — Ньючим заводса көзяинлөн.

1918 вося апрельын Палевицкой вöлөстьса голь крестьяна вөтлісны озыръяс дор сулалась земской управаос да бөрйисны выль земской управа, кытчö пыртисны голь йöзöс, а спекулянт-купечьяслысь печатайтисны лавкаяссö. Яренской уездной Совет тшöктис бөр восстановитны вөтлөм земской управаос, но крестьяна эз подчинитчыны сылы.

Апрель төлысьын Айкинской, Ленской да Иртовской вöлөстьясса крестьяна вөчисны мирской приговор: бырөдны вöлөстьясысь земской управаяс да на местаö котыртны волостной Советьяс, а сідз жö требуйтисны бырөдны уездной земской управа.

Май төлысьын Айкинской да Палевицкой вöлөстьясын мырддисны вичкоса служительяслысь да вичколысь муяс. Яренской уездной Совет тшöктис бөр сетны попьяслы, дьякөнъяслы да псаломщикьяслы мусö, но тайо распоряжениесö крестьяна эз пöртны олөмö.

Май төлысьын Яренской уездной Совет мөдөдис уездной земской управаясь да уездной земельной отделысь специальной комиссия Сереговоо, медым прöверитны заводлысь уджсö да лөсьöдны сэнi рабочей контроль. Но тайо комиссиясö весиг эз лэдзлыны заводской дворөдз да бөр вөтлісны Сереговоысь. Комиссиялы висьталисны, мый сов пуан завод уездной Советлы оз подчиняйтчы.

1918 вося гожöмын Веслянаса, Турьяса, Онежьеса да Шошкиса крестьяна ытшкисны Сереговской заводлысь видзяс, кодъяс вöліны тайо сельской общинаяс территория вылын. Уездной Совет шуис тайос незаконнойөн, самовольной захватөн, а крестьяна лыддисны, мый тайо видзясыс — найо дедьяслөн да прадедьяслөн, кодъясöс мырддылісны сов пуан заводлөн көзяиньясыс.

1918 вося тулысын да гожом заводитчигон унаысь волісны уездной Совето Удораса вольстьясысь делегацияяс, кодьяс требуйтисны тшыгыялысь йозлы нянь, мыжалісны уездной Советлысь президиумсо сыысь, мый сийо ньоти оз тождысь тшыгыялысь голь йоз всна. Удораса делегатьяс весиг прозитчисны петны Яренской уезд подчинениесь да вуджны Архангельской губернияо.

1918 вося тулысын, кор вывти ена дзескодис тшыглун, Усть-Сысольской уездной Совето немынысь волісны Вишераса вольстьясысь делегацияяс. Найо сидз жо мыжалісны уездной Советос гольяс всна тождысьтөмысь, Ыбса да Межадорса кулак-спекулянтьясос дорйомысь. Вишераса делегатьяс весиг требуйтисны уездной Советлысь мандат, медым нянь да правда корсьны мунны веськыда Москвао.

1918 вося тулысын жо волины тодчана конфликтьяс карса беднота да Слободской вольстьяса крестьяна костын, отарсянь, да Усть-Сысольской уездной Совет костын, модарсянь. Карлон земельной территория да Слободской сельской община территория вылын воли 14 частновладельческой имение Чов, Емваль, Дырнос юяс полон. Слободаса крестьяна да карса беднота требуйтисны быродны частновладельческой имениеяс, а налысь видз-мусо сетны голь йозлы пользуйтчом выло. Усть-Сысольской уездной Совет сулаліс частновладельческой имениеяслон козяиньяс дор, та всна нюждодис тайо спорной вопрос решитомсо.

1918 вося тулысын уна вольстьяс требуйтисны уездной Советьясянь распоряжение общой либо частной земельной передельяс нудом выло, но уездной руководительяс эз тшоктыны термасыны тайон, рекомандуйтисны виччысьны ародз, урожай идралом бородз. Татшом индодьяс, дерт, эз воны сьоллом выланыс голь крестьяналы. Откымын вольстьясын уездной Советьясянь разрешениетог вочисны частной земельной передельяс.

Сиктын лоом татшом конфликтьяссо крестьянской олөмысь позьо вайодны зэв уна, но мянлы кажитчо, мый и тайо примерьясыс тырмымонось, медым петкодлыны крестьянской массалон требованиеяс да эсеровской уездной Советьяслон политика костын торьяломсо да ладмытомсо. Коми крестьяна ньожйоникон модисны мездысьны мелкобуржуазной иллюзиясысь да эсерьяслон влияние улысь. Найо кутисны требуйтны быродны непопулярной

земство да став властьсö сетны Сöветьяслы, сэтшöм Сöветьяслы, кодьяс эськö дорйисны гöль крестьяналысь да карса бедноталысь классöвöй интересьяссö. Гöль крестьяналöн да карса бедноталöн вежöрыс кутис воссыны, найö мöдисны гөгөрвоны, мый налöн водзö мунан туйыс абу эсерьяскöд, а большевистскöй партиакöд.

Сы йылысь, мый земство дзикöдз воштис уджалысь йöз водзын авторитетсö, висьталис и Яренскöй уезднöй Сöветса председатель Сöветьяс сьездлöн июнь 8 лунся заседание вылын. Сийö шуис: «Уисполкомö частö воöны вöлöstьясысь решениеяс сы йылысь, мый колö дзикöдз бырöдны земскöй учреждениеяс, но уезднöй Сöветлöн эз вöвны крестьянскöй депутатьяс Сöветьяслöн коймöд сьездсянь та кузя некутшöм директиваяс... Та вöсна уисполком шуис земство бырöдöм йылысь вопрос кольны видлавтöг крестьянскöй депутатьяс Сöветьяслöн нельöд сьездöдз, да и тöд вылын кутис сийöс, мый губернскöй да öткымын уезднöй земствояс уджалисны на».

1918 вося июнь 8 лунö воссис Яренскöй уездса крестьянскöй депутатьяс Сöветьяслöн нельöд сьезд, кодi уджалис июнь 20 лунöдз. Сьезд вылын вöлины решающöй гöлöса 78 делегат. На пöвстын вöлины уна эсерьяс да беспартийнöйяс. Сьезд уджын участвуйтисны и большевикьяс, но найö вöли омöля на котыртчöмаöсь, и налысь гöлöсьяссö пöдтисны мелкобуржуазнöй партияслöн представительяс.

Текущöй политическöй положение йылысь вопрос обсуждайтигөн эсеровскöй делегатьяс бара заводитисны лёкысь услясны Сöветскöй правительство да большевистскöй партия вылö, требуйтисны пыр жö чукöртны Учредительнöй собрание, вештыны большевикьясöс власть бердысь. Вопрос бурнöя обсудитöм бöрын вöли сетöма кык резолюция — большевистскöй да эсеровскöй. Большевистскöй резолюция вöсна гöлöсуйтисны 46 делегат, эсеровскöй вöсна — 32. Сьезд дыр видлалис земство бырöдöм йылысь вопрос, но медбöрын век жö сөгласитчис бырöдны земство да сетны сылысь функцияссö уисполкомлöн народнöй овмöс кузя отделлы. Вöли бырöдöма сiдз жö уезднöй продовольственнöй управа, а сылысь функцияссö сетöма уисполкомлöн продовольственнöй отделлы. Июнь 15 лунö сьезд шуис бырöдны волостнöй земскöй управаяс да котыртны городскöй да волостнöй Сöветьяс. Вöли сiдз жö дзикöдз решитöма вопрос уездын частнöй

вузасьом тупкөм йылысь. Көть эськө тайö вопрос кузя колана решение вöлі примитлöма тöдчымöн водзджык, но сийö эз пöртсьыв олöмö.

Такöд тшöтш съезд примитис вель уна решение, кодъяс оз лöсьявны сöветскöй законодательстволы, дзугöны сийöс. Местнöй продовольственнöй органъяс йылысь положение, кодöс утвердитис ВЦИК 1918 вося май 27 лунö, вöлі примитöма сэтшöм оговоркаөн, мый «продовольственнöй вопрос кузя центрлысь став распоряжениеяссö колö видлавны да утверждайтны крестьянскöй депутатъяс Сöветъяслөн уезднöй съездлы места вылын». Съезд эз примит большевикъясөн сетöм резолюция, кöни вöлі висьтавьсö, мый «продовольственнöй уджын колö ставнас пöртны олöмö ВЦИК-лысь 1918 во май 27 лунся декрет».

Сиктса бедноталысь комитетъяс котыртöм йылысь декрет видлалис секция аслас заседание вылын да признайтис сийöс Яренскöй уездса населениелы шогмытöмөн. Съездлөн пленарнöй заседаниелы видлалöм вылö декретсö эз и сувтöдлыны. Продовольственнöй отрядъяс котыртöм йылысь Сöветскöй правительстволысь распоряжение сідз жö вöлі признайтöма примитны шогмытöмөн да эз жö вöв видлалöма съездлөн пленарнöй заседание вылын. Вылынджык казтылöм декретсö да распоряжениесö эз вöв йöзöдöма весиг местнöй газетын. Сöмын июнь 20 лунö крестьянскöй депутатъяс Яренскöй уезднöй Сöветлөн «Известия» газетын петис явö клеветническöй статья, кодi петкөдлö продовольственнöй отрядъясöс кызди вооружитчöм прабительяслысь бандаясöс. Общöй да частнöй реквизицияяс съезд шуис нуöдны сöмын исключительнöй случайясын.

Бöрйысян право йылысь вопрос кузя съезд эз примит РСФСР-са Конституциялысь основнöй статьясö, кöни индысьсö лишитны бöрйысян правоысь найöс, кодъяс пöльзуйтчöны меда уджөн, а примитис избирательнöй система, кодöс лöсьöдліс Временнöй правительство земскöй гласнöйясöс бöрйигөн. Съезд примитис резолюция, кодi осуждайтö выльöн котыртан Северо-Двинскöй губернияö Яренскöй уездöс пыртöм. Съезд эз примит бедноталысь комитетъяс котыртöм йылысь декрет, а сетис уезднöй Сöветлөн выль составлы индöд: пöльзуйтчыны продовольственнöй уджын инструкцияөн, кодöс лöсьöдис съездлөн продовольственнöй секция, мöд ногөн кö, уездлы нянь ньöбны чорыд донъяс серти.

Сы выlö видзöдтöг, мый уездын нянь эз тырмы да йöз заводитсны ёна тшыгъявны, крестьянскöй депутатъяс Сöветъяслөн нельöд уезднöй съезд эз аддзы артмём положениеысь петан туй. Июнь 10 лунö съезд уджалан кадö заседаниеяс залö пырисны Жешартскöй вöлöстьса крестьяна — 200 кымын морт да корисны асланыс вöлöстьлы нянь. Крестьяналы ёна эз кажитчы съездлөн уджыс, найö скöрмисны да сэк жö нöйтисны Жешартскöй вöлöстьса делегатöс. Кöсийсны нöйтны и уисполкомса председательöс, но сийö чеччыштис öшинь пырыс да пышйис. Тайö ещё öтчюд петкöдлö, мый Яренскöй уездса крестьянскöй депутатъяс Сöветъяслөн нельöд съезд, кöни унджыкыс вöлины эсеръяс да сиктса озыр йöз, эз зиль примитны колана мераяс сы могысь, медым решитны продовольственнöй вопрос.

Съезд вылын öткымын делегатъяслөн явö антисöветскöй выступлениеясыс да эсеровскöй ораторъяслөн зев развязнöй тоныс мыйтакö объясняйтсьöны сийөн, мый Яренскö съезд мунан кадö воис яренскöй эсеръяслөн шеф Питирим Сорокин — эсеровскöй центрса вожакъясысь öти, Временнöй правительствоса вöвлём глава Керенскийлөн личнöй секретарь. Июнь 13 лунö съездывса делегатъяслы да карса интеллигенциялы Сорокин кык час чöж висьталис антисöветскöй речь, клеветайтис Сöветскöй правительство да большевистскöй партия выlö, вöсьсөн висьталис сы йылысь, мый союзнöй войска босьтасны Войвыв да большевикъяслөн власть киссяс матысса кадö. Сорокин речлысь тезисъяссö уисполком йöзöдис весиг местнöй газетын кызди руководящöй, агитационнöй материал.

Большевистскöй делегатъяс кöть и шедöдисны съезд вылын частичнöй победа, но эз вермыны закрепитны сийöс. Уезднöй Сöветлөн исполкомö членъясöс да сылөн отделеясö веськöдлысьясöс бöрйигөн бара жö унджык гөлöсьяссö пöлучитисны эсеръяс, трудовикъяс, анархистъяс.

Уисполкомлөн выль состав эз тэрмась пöртны олёмö сийö организационнöй вопросъяссö, кодъясöс сувтöдис сы водзö Сöветъяслөн нельöд уезднöй съезд. Уезднöй земскöй да продовольственнöй управаясöс уездисполкомлөн отделеясö реорганизуйтöмыс кыссис тöлысь чöж. Сэк жö тайö управаясыс асланыс став важ аппаратнаныс вуджисны уисполкомлөн выльöн котыртём отделеясö — народнöй овмöс кузя да продовольственнöй отделеясö. Уезд-

нõй земскõй управа бырõдõм водзвылын вõлї спровоци-  
руйтõма земскõй служащõйяслõн профсоюзлысь забас-  
товка кыдзи земскõй учреждениеяс тупкõмлы паньд про-  
тест. Но тайõ эз отсав. Земство вõлї бырõдõма, сылысь  
эмбурсõ сетõма уездисполкомлы.

1918 вося июль да август тõлысьясõ Яренскõй уездын  
вõлї бырõдõма волостнõй земствояс да котыртõма волост-  
нõй Советъяс, но найõ эз на вõвны пролетариатлõн дик-  
татура органъясõн. Вильõн котыртõм вель уна волостнõй  
Советъясõ суйсисны кулакъяс да волостнõй земскõй  
управаясса вõвлõм веськõдлысьяс. Откымын волостнõй  
земскõй управаяслы вõлї сõмын механическõя сетõма во-  
лостнõй Советъяслысь виль ним. Уезднõй Совет видзõ-  
дїс та вылõ веськодя, нинõм эз вõч сы могысь, медым ве-  
савны волостнõй Советъясõс кулацкõй элементъясысь.  
Тайõ и гõгõрвоана, õд уисполкомын да сылõн отделясын  
основнõй руководящõй постъяс вылын вõлїны кулачество-  
лõн агентъяс — эсеръяс. Удорскõй вõлõстьясын — Важ-  
гортскõйын да Чупровскõйын — волостнõй земскõй упра-  
ваяс олісны 1918 вося сентябрь тõлысь помõдз.

Тайõ кадõ Яренскõй уездын заводитõны тшыгъявны  
пыр унджык йõз. Уисполкомса продовольственнõй отдел-  
лõн нянь запасъяс эз вõвны. Кулакъяс да купечъяс дзе-  
бисны ассыныс запасъяснысõ, няньõн вузасьõм дзикõдз  
кусї. Нянь заготовитан планъяс продотдел эз тырт, кула-  
чество эз кõсїы вузавны нянь чорыд донъяс серти, кодъ-  
ясõс лõсьõдїс крестьянскõй депутатъяс Советъяслõн нё-  
льõд съезд.

Август 13 лунõ Яренскõй уисполком аслас заседание  
вылын вылысь видлалїс сиктса бедноталõн комитетъяс  
йылысь декрет, кодї бара кыпõдїс заседание вылын уча-  
ствуйтысьяслысь вензьõм. Дыр сёрнитõм да вензьõм бõ-  
рын век жõ вõлї примитõма решение: «Поручитны продо-  
вольственнõй отделса комиссарлы заводитны котыртны  
сиктса бедноталысь комитетъяс».

Тайõ постановление серти продовольственнõй отдел-  
лõн статистическõй подотдел юалїс волостнõй Советъяс-  
лысь, колõ-õ котыртны вõлõстьясын бедноталысь коми-  
тетъяс. Тайõ формальнõя юалõмыс вылõ Сергеевскõй да  
Шошечкõй волостнõй Советъяс, например, сїдз жõ фор-  
мальнõя и вочавидзисны, мый абу некушõм коланлун  
котыртны татшõм комитетъясõс. Комбедъяс котыртõм  
кузя удж тайõн и помасис.

Сөмын төлысь мысти уездной Совет төд вылас уськө-  
дис комбедьяс йылысь асьыс постановлениесө. 1918 вося  
сентябрь 16 лунө Яренской продовольственной комитет  
бердын вөлі котыртөма сідз шусяна «организационно-  
контрольной комиссия», кодлы поручитисны разработайт-  
ны комбедьяс котыртөм кузя план да инструкция. Сен-  
тябрь 20—25 луньяс кад коластын вөлі ысталөма вө-  
лөстьясө комбедьяс йылысь декрет да найөс котыртөм  
кузя инструкция.

Эсеровской уездной Совет да беднота костын столк-  
новениеяс да ёсь конфликтяс водзджык пансисны Усть-  
Сысольской уездын. Кыдзи ми индылім нин вылынджык,  
1918 вося май 15 лунө, городской дума тупкөм бөрын,  
вөлі котыртөма Усть-Сысольскын городской Совет, кытчө  
веськалісны демобилизуйтчөм салдатяс пөвстысь боевой  
ёртяс.

Горсовет котыртчөм бөрын первой луньясас жө лоис  
конфликт уездной Совет да горсовет костын частновла-  
дельческой имениеяс мырддьөм йылысь вопрос кузя. Гор-  
советлөн земельной отдел 1918 вося май 26 лунө шуис  
мырддьыны купеч Аифал Кузьбожевлөн наследникьяс-  
лысь Човьюса имение, көні вөлі 10 десятина көдзан му да  
унакодь видзяс. Май 30 лунө уездной земельной отдел  
отменитис горсоветлөн земотделлысь решениесө, тшөктис  
Кузьбожевлөн наследникьяслы важ моз пөльзуйтчыны  
имениеөн да муөн. Уездной Советлөн исполком утверди-  
тис уземотделлысь решениесө. Уездной земельной отдел  
да уездной Советлөн исполком явө дорйисны местной  
купеч-арендаторьясөс, нуөдісны соглашательской поли-  
тика и мукөд вопросяс кузя. Горсовет шуис мырддьыны  
Кузьбожевлөн наследникьяслысь имениесө уездисполко-  
мөн санкционируйттөг. Июнь 13 лунө Тентюковоса (Улыс  
помса) вит гражданин локтисны Човьюса имениеө да  
висьталісны Аифал Кузьбожевлөн наследникьяслы, мый  
гражданалөн собрание шуис выселитны найөс. Кузьбо-  
жевлөн зять Е. Горовой заводитис лёкысь видны гражда-  
налысь представительясөс, и найө нөйтисны сійөс. Кузь-  
божевьяс юөртисны уездисполкомө, мый Тентюковоса  
праждана жуглөны, грабитөны имение. Уездисполком  
пыр жө мөдөдіс Човьюө асьыс членөс, уездной мили-  
цияса начальникөс да милиционерьясөс. Кузьбожевьяс-  
лысь семьясө вайисны карө, медым сійөс видзис уездис-  
полком, а Човью имениеө колисны милицейской пост,

медым не лэдзны Тентюковоса гражданалы конфискуйтны именисö. Сэк жö милицияса начальник арестуйтис Тентюковоса граждана пöвстысь вит мортöс да нуöдис найöс карö, медым сетны судö.

Вит мортöс арестуйтöм йылысь кывлöм бöрын 7-öд да 8-öд десятаясса гражданалөн ыджыд чукöр воис карö, разоружитис милицияöс, мездис арестуйтöм йöзöс да заводитис корсыны уездисполкомса председатель А. Мартюшевöс да милицияса начальник И. Евтушенкоöс, медым кыскыны найöс кыв кутöмö купеческöй семьяяслы покровительствуйтöмысь. Уездисполкомса членъяс дзевбисны да кутисны виччысьны, мыйöн тайö ставыс помасяс. Тайö кадö карса пристаньö воис пароход, көнi вöли военнöй отряд. Сийö мунис Архангельскысь Печораö. Уездисполкомса членъяс котöртисны пристаньö да висьталисны архангельскöй отрядса командир Степан Ларионовлы, мый Усть-Сыольскын заводитчис анархическöй выступление Сöветскöй властью паныд. Ларионовлөн отряд чеччис карö, кытшалис чукöртчöм гражданаöс да тшöктис милициялысь мырддьöм оружие пыр жö сдایتны местнöй военкоматö.

Йöз сдایتисны оружиесö да разöдчисны гортаныс. Но горсоветса руководителъяс шуисны не бöрынътчыны, не сетчыны соглашательскöй уездисполкомлы. Городскöй земельнöй отделса заведующöй Харлампий Кудинов веськöдлöм улын некымын морт мунисны Човьюса купеческöй имениеö, медым снимитны сэтысь милицейскöй пост да вöтлыны имениеысь Кузьбожевлысь наследникъясöс. Милиционер, кодi видзис Кузьбожевъяслысь керкасö да эмбурсö, кутис лыйлыны матыстчысь йöз кузя да виис городскöй Сöветса член Кудиновöс.

Медым карса граждана эз выступитны горсоветса член Харлампий Кудиновöс виöмкөд йитöдын, уездисполком июнь 14 лунö асывнас объявитис карын военнöй положение да сетис карын став властью архангельскöй отрядса начальник С. Н. Ларионовлы. Такöд тшöтш уездисполком сетис Ларионовлы список 19 мортлысь, кодъясöс колö арестуйтны. Тайö спискас вöли гижöма медясö горсоветса да горземотделса членъясöс.

Делöөн бура тöдмасьтöг уездисполкомса председателылөн индöд серти Ларионов первойсö арестуйтлис горсоветса да горземотделса руководителъяс пöвстысь куим мортöс, но ассъыс öшыбкасö гөгөрвоём бöрын пыр жö

лэдзис найӧс. Июнь 13—14 лунъясса событияысын мыж-  
яснас вӧліны эз городскӧй Сӧветса членъяс, а уезднӧй  
исполком, кодӧ босьтӧ аслас покровительство улӧ мест-  
нӧй буржуазиялысь представительясӧс. Уезднӧй Сӧветса  
руководительяслӧн соглашательскӧй политикаыс вӧлі  
ставлы тыдалӧ. Уездисполком гӧгӧрвоис, мый Ларионов  
оз ошкы уезднӧй Сӧветлысь мероприятиеяссӧ, а дорйӧ  
июнь 13—14 лунъясса выступлениеяссӧн веськӧдлысьясӧс.  
Та вӧсна июнь 15 лунӧ уездисполком мездӧ Ларионовӧс  
гарнизонса начальниклӧн обязанностьясысь да тшӧктӧ  
сылы мунны карысь аслас отрядкӧд тшӧтш. Но Ларио-  
нов эз сӧгласитчы энотны кар, кытчӧдз уезднӧй Сӧветӧс  
оз ло весалӧма соглашательскӧй элементъясысь.

Июнь 15 лунся рытӧ Ларионовлӧн да Дубровинлӧн  
водзмӧстчӧм серти вӧлі чукӧртӧма уезднӧй Сӧветлысь да  
городскӧй Сӧветлысь ӧтувъя заседание, кӧні вӧлі тӧдма-  
лӧма збыль помкасӧ сылысь, мыйла карса граждана вы-  
ступитисны июнь 13—14 лунъясӧ. Ларионов эрдӧдӧ  
уездисполкомса веськӧдлысьяслысь мыжсӧ, а сэсса пред-  
ложитӧ весавны уезднӧй Сӧветлысь исполком соглаша-  
тельскӧй элементъясысь.

Ӧтувъя заседание примитӧ уездисполком реоргани-  
зуйтӧм йылысь татшӧм решение: «Июнь 13 лунся собы-  
тиеяс йылысь уездисполкомлысь да городскӧй Сӧвет-  
лысь докладъяс кывзӧм бӧрын ӧтувъя собрание шуис:  
1) Не дӧверяйтны уисполкомлӧн президиумлы, 2) реор-  
ганизуйтны исполкомлысь президиум, 3) стрӧга рассле-  
дуйтны исполкомлысь действиеяссӧ да, сюрасны кӧ мы-  
жаяс, сетны найӧс революционнӧй трибуналлы судитӧм  
вылӧ, 4) поручитны реорганизуйтӧм исполкомлы пыр жӧ  
чукӧртны Сӧветъяслысь уезднӧй съезд».

Ӧтувъя собрание унджык гӧлӧссӧн шуис вӧтлыны ис-  
полкомлӧн президиумысь А. Мартюшевӧс, В. Қонановӧс,  
А. Чеусовӧс, И. Евтушенкӧс. Индыны реорганизуйтӧм  
исполкомӧ членъяссӧн В. И. Сорвачевӧс, Д. И. Розановӧс,  
М. М. Фроловӧс, И. П. Андриановӧс; Сӧветъяслысь уезд-  
нӧй съезд чукӧртгӧдз индыны тайӧ йӧзсӧ уездисполкомса  
президиумӧ, съездлы предложитны бӧрйыны президиум-  
лысь выль состав; назначитны Андриановӧс городскӧй  
милицияса начальникӧн. Ӧтувъя заседаниелысь тайӧ ре-  
шениесӧ вӧлі пӧртӧма олӧмӧ сійӧ жӧ лунӧ.

Усть-Сысольскысь мунтӧдз Ларионов да Дубровин  
1918 вося июнь 16 лунӧ чукӧртисны организационнӧй соб-

рание, кōні вōлі котыртōма Коммунистическōй партия-  
лысь Усть-Сысольскōй городскōй организация — Усть-  
Сысольскōй уездын медводза коммунистическōй пар-  
тийнōй ячейка. Тайō мероприятияессō нуōдōм бōрын  
Ларионов пыр жō муніс аслас отрядкōд Печорскōй уез-  
дō, медым ёнмōдны сәні Сōветскōй власть да бырōдны  
кулацкōй бандаясōс. Эжва йывса вōлōстьяс пыр мунігōн  
сйō сетіс Керчомскōй волостнōй Сōветлы индōдъяс, кы-  
дзи тышкасыны кулачествокōд да антисōветскōй эле-  
ментъяскōд.

Июнь 13—14 лунъясса событияс бōрын эсеровскōй  
да соглашательскōй элементъясōс вōлі вōглōма Усть-Сы-  
сольскōй уезднōй Сōветлōн президиумысь, но эсеровскōй  
клика ещō отчюд босьтчыліс бōр шедōдны ассьыс пози-  
цияссō Усть-Сысольскōй уезднōй Сōветлōн органъясын.  
Июль 4 лунō воссис Усть-Сысольскōй уездса Сōветъяс-  
лōн очереднōй съезд, коді уджаліс июль 10 лунōдз. Съезд  
муніс зэв бурнōя. Сәні ёна вензисныкык зэв важнōй воп-  
рос кузя: сиктса бедноталōн комитетъяс йылысь декрет  
примитōм да июнь 13—14 лунъясса човскōй событияс  
донъялōм кузя. Комбедъясō котыртōм сиктса гōль йōз  
вōліны эськō дзик оти реальнōй вынōн, коді вермис вен-  
ны сиктса буржуазиялысь организованнōя водзсасьōмсō.  
Комбедъяс отсōгōн позьō вōлі правильнō решитны про-  
довольственнōй вопрос, коді вōлі зэв сьōкыд Усть-Сы-  
сольскōй уездын. Но съезд вылын унджыкыс вōліны  
эсеръяс да на дор сулалысьяс, и комбедъяс котыртōм  
йылысь декрет эз ло примитōма. Тайō лон сәтшōм кадō,  
кор уездын гōль йōз ёна нин тшыгыялісны.

Съезд вылын тыш ещō ёнджыка ёсьмис човскōй со-  
бытияс да Усть-Сысольскōй уезднōй исполнительнōй ко-  
митетлысь аппарат реорганизуйтōм донъялігōн. Уезднōй  
Сōветлōн президиумысь Мартюшевōс, Конановōс, Че-  
усовōс, Евтушенкōс вōглōм да уездисполком составō  
выль членъясōс кооптируйтōм съезд признайтіс незакон-  
нōйōн.

Съезд видлаліс 45 кымын вопрос да примитіс поло-  
винчатōй решенияс. Видлалōм вопросъяс лыдысь колō  
индыны сйōс, мый съезд могмōдіс Щугорскōй, Савино-  
борскōй да Троицко-Печорскōй вōлōстьясса граждана-  
лысь ходатайство тайō вōлōстьяссō Чердынскōй уездō ву-  
джōдōм йылысь. Тайō вопроссō печорасаяс кыпōдлісны  
нин 1918 вося январь тōлысьын уезднōй продовольствен-

ной съезд вылын. Советьяслон тайо жо съезд вылын, торъя делегатьяслон кором серти, воли котыртёма УЧК—контрреволюциякод, спекуляциякод да саботажкод тышкасьом кузя уездной чрезвычайной комиссия, коди борынджык ворсис зэв ыджыд роль Усть-Сысольской уездын Советской власть ёнмодан делойн. УЧК-лы воли сетёма уисполкомса отделлысь правояс.

Советьяслон мод уездной съезд вылын ещо отчыл шедодисны победа антибольшевицской вынъяс. Июль 17 луно уездисполкомлон выль состав шыодчис население дино, чукостис сиктысь озыра олысьясос отсавны голя йозлы петны сьокыд положениеысь, спаситны найос тшыглы куломьысь, сэк жо зилис янодыштны кулакьясос няньон вывти ёна спекулируютомысь, сыысь, мый найо эз вузавны няньсо уездисполкомон лосьодом доньяс серти, чукостис голя олысьясос да озырьясос «отувтчыны братской чувствоясон». Продотрядьяс да комбедьяс йылысь Совнаркомлысь декрет примитомысь откажитчом борын Усть-Сысольской уездной Советлы колис сомьин гижны татшом воззванияяс да обращенияяс.

Котъ эсько соглашательской элементьяс ещо отчыл шедодисны победа Советьяслон мод уездной съезд вылын, но важ моз козяйничайтны уездисполком аппаратын найо эз нин вермыны. Тайо кадэ Усть-Сысольскын воли кык организация, кодьяс сюся видзодисны антисоветской элементьяслон удж борся. Тайо организацияснас карын волины Коммунистической партиалон ячейка (сэни воли 50-ысь унджык член) да контрреволюциякод, спекуляциякод да саботажкод тышкасьом кузя чрезвычайной комиссия. Москваын левой эсерьяслон выступлениекод да найос правительство составысь вотломкод йитодын Усть-Сысольск карса коммунистьяслон партийной организация июль 21 луно примитис решение — реорганизуитны уездисполком, вотлыны сэтысь эсерьясос да найос, кодьяс оз сулавны Советской властьюллон платформа вылын. Партийной собраниелон решениеын воли индома: 1) пыр жо реорганизуитны уездной Советлысь исполком, 2) пыр жо вотлыны кыв кутана постьяс вылысь ставсо, кодьяс оз сулавны Советской властьюс признайтан платформа вылын, 3) служащойясос удж выло босьтигон руководствуйтчыны Усть-Сысольской партийной комитетон сетом рекомендацияон, 4) разоружитны карын да уездын олысь став левой эсерьясос, 5) выльон котыртём уездисполкомлы мед-

водз пёртны оломё сиктса бедноталён комитетъяс йылысь декрет, 6) пыр жё расследуйтны уджсё пристань контро-раса да местной кооперативъяс союза служащейяслысь, кодъяс веськыда заявитисны, мый мунёны Советской властылы паньд, 7) вётлыны йёзёс, кодъяс эз коланатор выло рёскодуйтны уездлы продовольствие нёобём выло лэдзём деньга.

Тайё жё лунё контрреволюциякөд, спекуляциякөд да саботажкөд тышкасьём кузя чрезвычайной комиссия шуис вётлыны уездисполкомлөн президиум составысь В. Кона-новёс, В. Королёвёс, С. Рочевёс, А. Богдановёс Советъяс-лөн мод уездной съезд вылын бедноталён комитетъяс йы-лысь декретлы паньд восьсөн агитируйтёмысь, на пөв-стысь первойя куимсё сетны революционной судё. Июль 22 лунё Усть-Сысольской уездисполкомлөн заседание вы-лын, кытчө волісны и партийной комитетса да чрезвычай-ной комиссияса членъяс, Конановёс, Королёвёс да Рочев-ёс вөлі вөтлөма уездисполкомлөн президиумысь да арес-туйтёма. Некемын лун мысти вөлі вештёма удж вывсьыс и уездисполкомса президиумысь председатель А. Богда-новёс. Вөтлөм членъяс пыдди уездисполкомё вөлі коопти-руйтёма местной партийной организацияысь нель комму-нистёс. Уездисполкомса вөвлөм членъяс Конанов да Ко-ролёв босьтчылісны дзугны тайё делёсё. Найё сетісны Вологодской губвоенкомлы явё ложной телеграмма. Сэні висьтависис, мый Усть-Сысольскын анархической элементъ-яслөн выступление бёрын реорганизуйтёма уездисполком, население терроризируйтсьё. Но тайё телеграммаыслы Во-логдаын эз яскыны.

Уездной Советлөн президиумысь эсеръясёс вөтлөм бёрын реорганизуйтөм уездисполком телеграфируйтіс Народной Комиссаръяслөн Советлы да партиялөн Цен-тральной Комитетлы: «Талун большевистской партияса Усть-Сысольской организациялөн постановлениеён реор-ганизуйтёма уездной исполком, вөтлөма сэтысь нель членёс, кодъяс дорйисны кулацкой интересъяс». Июль 25 лунё местной газетын вөлі йёзөдөма реорганизуйтөм уездисполкомлысь Усть-Сысольской уездса население діно обращение. Сэні индөма помкаяссё сылысь, мыйла реорганизуйтёма уисполкомёс, кодъясёс да мыйла вөтлө-ма уисполкомысь, кодъясёс кооптируйтёма вөтлөм членъ-яс пыдди. Реорганизуйтөм исполкомё веськалісны М. Фро-лов, И. Юрьев, М. Молодцова, В. Сорвачёв.

Реорганизуйтём уисполком аслас первойя заседаниеяс вылын жё сувтөдіс мог: котыртны вөлөстясын да гырысь сиктъясын волостной да сельской комбедъяс, медым найо отсөгөн жугөдны сиктса буржуазиялысь организованноя водзсасыомсо, босьтны стрөг учёт выло став продовольственной запасьяс, спаситны тшыгыялысь голь йөзөс, весавны волостной да сельской Советьяс кулакъясысь да налөн агентъясысь. Реорганизуйтём уездисполком да сылөн отдельяс нуөдісны та кузя ыджыд удж, петкөдлісны збыльысь оперативность. Уездса население дінө аслас обращениясын уездисполкомлөн продовольственной отдел сетіс вылөн котыртём комбедъяслы индөд: пыр жё босьтны стрөг учёт выло став нянь, коді эм вөлөстясын, босьтны учёт выло урожай веськыда му вывсьыс да юклены население пөвстын сеян прөдуктаяс лөсьөдөм норма серти.

Реорганизуйтём уездисполкомса протделлы удайтчис төдчымөн бурмөдны продовольственной делө да лөсьөдны пөрадок карса да сиктса голь йөзөс продовольствиеөн снабжайтөмын, көть положениеыс та кузя вөлі зэв на сьөкыд. Уездной Совет реорганизуйтём бөрын төдчана активность петкөдліс и военной комиссариат. Тайо кадөдз кө Красной Армияө доброволецъясөс босьтөмлы эз сетсьывлы колана внимание, то 1918 вося августын да сентябрын Усть-Сысольской уездвоенкомат формируйтис некымын добровольческой отряд да команда Вологдаө, Котласө да Печораө мөдөдөм могысь.

Уездной продовольственной отдела комиссар Е. Мишарин 1918 вося октябрь 30 лунө докладывайтис уездной Совет президиумлы, мый Усть-Сысольской уездын тайо кад кежлас котыртөма нин 88 комбед, на лыдын — 58 волостной, 22 сельской комбед да 8 — карын. Та бөрын общественно-политической положение Усть-Сысольской уездын лои устойчивөйджык.

Тайо кадас Яренской уездын общественно-политической обстановка лои вывті сложной. Сыкөд йитөдын, мый Архангельск босьтисны интервентьяслөн войска да белогвардейской отрядьяс, а орчча уездьясын — Усть-Вашскойын, Мезенскойын да Печорскойын — Советской власть вөлі бьрөдөма, Яренской уезд лоис прифронтөвой полосаөн. Август 9 лунсянь, войвывса мукөд уездной центрьяс лыдын, Яренск карын вөлі объявитөма осадной положение. Колө вөлі серьёзной мөвпыштны местаяс вылын Сө-

ветско́й вла́сть ё́нмо́дом йылысь да дорйыны уезд пытшкёсса да ортыса контрреволюциялөн усьласьомъясысь. Уисполком, ко́ни пукалісны соглашательско́й элементъяс, эз вермы портны оло́мо тайо́ мопсо́. Коло́ во́лі пыр жо́ реорганизуйтны уездисполкомос, весавны сійос соглашательско́й да неустойчиво́й элементъясысь.

Меды́м ё́нмо́дны тыло́вой уездъясын политическо́й положение, Котласско́й полево́й штаб мо́до́діс Яренско́й уездо́ агитаторъяслысь группа да прифронтво́й полосаса ЧК-лысь летучо́й отряд. Агитатор (Станислав Жавнер, ко́дос мо́до́діс Котласско́й штаб, то́дмасис Яренск карын политическо́й положениеон да 1918 вося сентябрь 1 луно́ нуо́діс коммунистьяслысь организационно́й собрание, коты́ртіс Коммунистическо́й партиялысь Яренско́й городско́й организация — Яренско́й уездын ме́дводдза коммунистическо́й ячейка. Вит лун мысти партийно́й организацияын во́лі нин 50 сайо́ член. Уездса население дінө аслас шыо́дчомын Яренско́й партийно́й организация гижліс: «Тайо́ лунъясо́ Яренскын коты́ртчис коммунистьяс (большевикъяс) партиялөн да Коммунистическо́й партиялы сочувствующо́йяслон группа. Вермас кажитчыны странно́йон, мый миян татшом дыр эз во́в тайо́ организацияыс. Колис по́шти во сійо́ кадеянь, кор власть босьтісны коммунистьяс, по́шти во чо́ж оло́мыс перестраивайтсис налөн принципъяс серти, а миян уездын эз во́в ни оти коммунистическо́й ячейка. Миян оно́дз на эз во́в Октябрьско́й революция, эз во́вны октябрьско́й настроениеяс. Ми олім асланым пемыд пельо́со йоршитчомо́н. Дерт, водзо́ помто́г тадз лоны эз вермы. Корко́-некорко́ оло́мыс должен во́лі во́чны мияно́с коммунистьясо́н либо́ налы паны́д решительно́я мунысьясон. Татшом кадыс воис, оло́мыс ёся сувто́діс вопрос: овны кутас коммунистьяслон власть али оз? Коло́ вочавидзны аслы́д определённо́я: либо́ да, либо́ оз. Коді честной, коді оз пов — сійо́ вочавидзас веськыда. Ми шуим определённо́я. Да, коммунистьяслон власть должен овны, ми долженось дорйыны сійос ме́дбо́рря лолыштомо́дз. Со́мын коммунистьяслон власть эм уджалысь йозлөн власть. Со́мын коммунистьяслон власть вермас пыр кежло́ жуго́дны эксплуататоръяслысь власть, со́мын сійо́ вермас вайо́дны социализмо́... О́ни ми отувтчим, коты́ртчим. И ко́ть эсько́ коммунистьяслон ячейкаыс ичо́т на, сійо́ ён аслас идеяон. Тайо́ залог сылы, мый сійо́ ёна бы́дмас, со́дас».

Сентябрь 6 лунö Котласысь Яренскö воис прифронтö-  
вöй полосаса чрезвычайнöй комиссиялөн летучöй отряд да  
котыртис Яренскын контрреволюциякöд тышкасьöм кузя  
чрезвычайнöй комиссия, кытчö воём ёртъяс лыдысь пы-  
рисны Вороновский (председатель), Фёдоров, Алябышев,  
Хупонен-Мурзин.

1918 вося сентябрь 9 лунö вöлі Яренскöй коммунисти-  
ческöй организацияса да уезднöй чрезвычайнöй комиссия-  
са членъяслөн собрание, коді примитис татшöм решение:  
«...1) Признайтны, мый уездын положение грöзитö Сö-  
ветскöй властылы. Колö пыр жö выльмöдны öнiя уездис-  
полком, коді мунö уездса гöль йöзлөн требованиеяслы  
паныд. Народлөн враг ни öти здук кежлö не должен  
кольны власть бердын. 2) Арестуйтны исполкомса пред-  
седатель Д. И. Козловöс, секретарь С. И. Митрошинöс,  
финансъяс кузя комиссар А. А. Соколовöс, народнöй об-  
разование кузя коллегияса член Е. М. Едимскийöс, продо-  
вольственнöй отделса заведующöй И. П. Митрошинöс да  
земельнöй отделса заведующöй А. А. Айбабинöс. 3) Ин-  
дыны исполкомса председателён Павел Покровский  
ёртöс, земельнöй отделса заведующöйөн Жданов ёртöс,  
народнöй образование отделса заведующöйөн Степан  
Покровский ёртöс, финансöвöй отделса заведующöйөн  
Егоров ёртöс». Тайö жö собрание вылын вöлі шуöма чу-  
кöртны Яренскöй уездса Советъяслысь витöд чрезвычай-  
нöй съезд 1918 вося октябрь 1 лунö.

Сентябрь 14 лунö тайö постановлениесö вöлі пöртöма  
олöмö: президиумса 6 членöс вöтлöма уездисполком  
составысь да арестуйтöма, исполкомлөн важ составысь  
колины сöмын нель член (Н. Димов, Ф. Коковкин, Г. Ва-  
сев, В. Волк). Вöтлöм членъяс пьдди вöлі кооптируйтöма  
местнöй организацияса коммунистьясöс. Некымын лун  
мысти реорганизуйтöм уисполком шыöдчис уездса насе-  
ление дiнö да висьталис сылысь помкаяссö, мыйла реоргани-  
зуйтöма уезднöй Совет. Тайö шыöдчöмас юöртсис:  
«...Яренск öнöдз вöлі дiөн, көнi спасайтчис коалиционно-  
соглашательскöй власть. Уисполкомын эз вöвны комму-  
нистьяс, но вöлины анархистьяс, трудовикьяс, народникья-  
яс. Найö нуöдисны неопределённöй политика. Сöветскöй  
властылысь декретъяс принимайтлисны сы серти, кутшöма  
найö лöсявлисны «местнöй условиеяслы». Тадз вöлі, напри-  
мер, бедноталысь комитетъяс котыртöм йылысь декрет-  
кöд. Сийöс первойысь видлалiгөн исполком некутшöм опре-

делённой решение эз примит, сэки сёрнитисны сы йылысь, мый тайо выльторйыс лоо «дыш йозлон организацияон».

Советьяслон чрезвычайной уездной съезд кезло лёсьодчигон реорганизуйтём уездисполком нуодис зэв ыджыд удж местаяс вылын бедноталысь комитетьяс да Коммунистической партиалысь ячейкаяс котыртём кузя. Та могысь быд вёлөстьё вөлі модөдөма агитатор-организаторьясөс. Сентябрь төлысся медбөрья декадаын заводитоны воны юбрьяс комбедьяс котыртём йылысь, а нель вёлөстьын — Иртовскойын, Гамскойын, Айкинскойын да Усть-Вымскойын — котыртисны Коммунистической партиалысь ячейкаяс.

1918 вося октябрь 2 лунсянь октябрь 9 лунөдз уджалис Яренской уездса Советьяслон витөд чрезвычайной съезд. Съезд восьтём водзвылын вөлі котыртөма коммунистьяслысь фракция. 67 делегатысь коммунистической фракцияын вөліны 58 морт. Съезд вылын участвуйтис большевистской партиаяс важ член Розалия Самойлова (Землячка), кодi вөчис текущей политической момент кузя доклад. Кыдзи Петроградской областной партийной организациялон представитель съезд вылын участвуйтис Тарасова ёрт. Съезд осудитис уездной Советса воддза составьяслысь соглашательской политикасө да сувтөдис медводдза мөгөн — котырлны бедноталысь комитетьяс, продовольственной отрядьяс, мобилизуйтны кулакьясөс тыловөй уджьяс вылө, ёнмөдны уездлысь обороноспособность, медым дорйысьны пытшкөсса да ортсыса врагьясысь. Большевистской решениаяс вөлі примитөма сідз жө продовольственной да военной вопросьяс кузя. 1918 вося октябрь 9 лунө вөлі бөрийөма уездисполкомлысь выль состав, кытчө веськалисны сөмын коммунистьяс. Местаяс вылө мунөм водзвылын делегат-коммунистьяс пöлучитисны задание котырлны быд вёлөстьын Коммунистической партиалысь ячейкаяс. Советьяслон витөд чрезвычайной съезд лоеис Яренской уездлон общественно-политической оломын переломной событиеон. Та йылысь вөлі правильно пасйөма местной газетын съезд помасьом бөрын мод лунас.

1918 вося октябрь-декабрь төлысьясын Яренской уездса сиктьясын вөлі котыртөма Коммунистической партиалысь 23 ячейка, 21 волостной комбед. Коммунистической партиалон ячейкаяс веськөдлөм улын бедноталон волостной да сельской комитетьяс жугөдисны кулачестволысь да антисоветской элементьяслысь организованноя

водзсасьомсö, весалисны Сöветьясöс кулацкöй элементьясысь. «1918 вося октябрöдз Яренскöй уездса сиктьясын комбедьяс эз на вöвны, а став властьюс вöли сэтшöм Сöветьяс киын, кöни ыджыдалісны кулакьяс,— тöдчöдліс аслас отчётнöй докладын Яренскöй уисполкомса председатель П. Покровский.— Колö вöли фильтруйтны тайö учреждениеяссö. Ковмис нуöдны ыджыд организационнöй удж. Ковмис чукöстны власть бердö сиктса гöль йöзöс бедноталөн комитетьяс пыр». Сöветьяслөн витöд уезднöй съезд вылын бöрйöм Яренскöй уезднöй Сöвет справитчис тайö могьяснас.

### **КОММУНИСТИЧЕСКÖЙ ПАРТИЯЛӨН ЯЧЕЙКАЯС, СÖВЕТЬЯС ДА КОМБЕДЬЯС ГРАЖДАНСКОЙ ВОЙНА ЗАВОДИТЧАН КАДÖ**

Усть-Сысольскöй да Яренскöй уездьясын уезднöй да волостнöй Сöветьяс 1918 вося арын вöли весалöма кулацкöй агентьясысь да соглашательскöй элементьясысь, и Сöветскöй властьюлөн декретьясыс да распоряжениеясыс кутісны пöртсыны олöмö ставнас да кыв шутöг. Öчереднöй мог вöли сыын, медым ёнмöдны местаяс вылын Сöветскöй власть, ёнджыка тышкасыны местнöй контрреволюциялөн проискьяслы паныд. Интервентьяслөн да белогвардеецьяслөн войска, кодьяс босьтісны Онега да Архангельск, заводитісны наступайтны Вöлөгдалань да Котласлань. Такöд йитöдын Яренск да Усть-Сысольск карьясын, кыдзи и Войвывса мукöд карьясын, вöли объявитöма осаднöй положение. Вражескöй войскалөн наступайтöмыс сувтöдіс Сöветьяс водзö выль могьяс — ёнмöдны крайлысь обороноспособностьсö да пöдтыны местнöй кулачестволысь выступайтöмсö.

Сійö кадö, кор Архангельскö пырисны интервентскöй войска, Яренскöй, Усть-Сысольскöй, Сольвычегодскöй, Устюжскöй да Никольскöй уездьяс вöли торйöдсьöны Вологодскöй губернияысь самостоятельнöй Северо-Двинскöй губернияö, кодлөн центрыс вöли Великöй Устюгын. 1918 вося июльын да августын, Северо-Двинскöй губерния да губернскöй учреждениеяс котыртан кадö, Яренскöй да Усть-Сысольскöй уездьясөн губернскöй центрсянь веськöдлöмыс мыйкö дыра кежлö слабмыліс. Организационнöй кадся тырмытöмторьясыс нюжалісны кутшöмакö и

Яренска да Усть-Сысольска руководителъслон мыж вѣсна. Первой кадас найѡ эз окога пырысь признавайтны выльысь котыртѡм Северо-Двинской губерниѡс да губернской центрысь воысь распоряженіеяс. Губернской учрежденіеяс котыртѡм да комплектуйтѡм неуна нюжаліс и сы вѣсна, мый 1918 вося август заводитчигон Устюгѡ эвакуируйтчисны Архангельскысь губернской учрежденіеяс да Архангельской губерниысь беженецъяс. Тайѡ чужтіс кар олѡмын суматока да весиг паника. Но найѡс регыд вѡлі бырѡдѡма. Устюгын заводитісны уджавны рабочѡй, крестьянской да салдатской депутатъяс Советъяслон губернской исполнительнѡй комитет да сылон отделъяс. Главнѡй тырмытѡмторнас вѡлі сійѡ, мый выльысь котыртѡм Северо-Двинской губерниын эз вѡв Коммунистической партияслон организация — Советской властвѡн руководящѡй да организующѡй вын.

РКП(б) ЦК, коді тѡдіс тайѡс, август 14 лунѡ сетіс Устюжской губисполкомлы индѡд чукѡртны матысса кадѡ Устюгын Северо-Двинской губернияс коммунистъяслысь организационнѡй съезд, котыртны губернской коммунистической партийнѡй организация.

Северо-Двинской губернияс коммунистъяслысь съезд чукѡртигкежлѡ Усть-Сысольской уездын вѡлі Коммунистической партияслон квайт ячейка — Усть-Сысольскын, Кѡрткерѡсын, Визингаын, Шошкаын, Межадорын, Гриваын. Яренской уездын Коммунистической партияслон ячейкаяс эз на вѡвны. Татшѡм жѡ серпас вѡлі и Северо-Двинской губернияс мукѡд уездъясын. Коммунистъяслысь организационнѡй губернской съезд вѡлі чукѡртѡма 1918 вося сентябрь 2 лунѡ Устюг карын. Сэтчѡ воисны быд уезднѡй Советсянь кык делегат да быд волостнѡй Советсянь — ѡти делегат. Съезд вылѡ унджык делегатъяссѡ вѡлі бѡрйѡма беспартийнѡйяс лыдысь вѡлѡстыясса гражданадон общѡй собраниеяс вылын, а Коммунистической партияс членъясон найѡ оформитчисны организационнѡй съезд вылын Устюгын. Северо-Двинской губернияс коммунистъяслон первой съезд вылын Усть-Сысольской уездсянь вѡлі 51 делегат, Яренской уездсянь — 6 делегат. Коммунистъяслон первой губернской съезд вылын Яренской уездсянь этша вѡлі делегатыс сы вѣсна, мый Яренск карса соглашательской уездисполком эз сет колана внимание коммунистъяслон губернской съезд вылѡ делегатъясѡс мѡдѡдѡмлы.

Коммунистъяслон первой Северо-Двинской губернской

съезд пуктис крепыд подув губернияын, торйон ко Усть-Сысольской да Яренской уездьясын, партийной ячейкаяс котыртом да налысь лыдсо содтом выло. Делегатьяс, кодьяслы сетисны съезд вылын партийной билетьяс, местаяс выло муном водзвылын получитисны задание котыртны став волостьясын Коммунистической партиалысь ячейкаяс. Съезд борын Яренской да Усть-Сысольской уездьясын Коммунистической партиао пырисны уна выль йоз, содис партийной организацияслон лыдыс. 1918 вося сентябрь 1 лун кежло ко Усть-Сысольской уездын воли квайт партячейка, то октябрь толысь шорын воли нин 19, декабрь толысь шорын — 52, а 1919 вося январь 1 лун кежло воли нин 59 партийной ячейка, кони лыддыссис 2344 коммунист да 954 сочувствующой. Яренской уездын Коммунистической партиалысь первой ячейка воли котырторма 1918 вося сентябрь 1 луно, первой губернской партийной съезд восьтом водзвылын. Тайо партячейкаас воли 9 член да 24 сочувствующой. А 1919 вося январь 1 лун кежло, не тыр даннойяс серти, уездса 23 ячейкаын воли нин 433 коммунист да 345 сочувствующой. Мод губернской партийной съезд воссигкежло — 1919 вося январь 27 лун кежло — Северо-Двинской губернияын воли нин 5846 коммунист да сочувствующой, на лыдысь Усть-Сысольской уездын — 3415, либо губернияса партийной составлон 58 процентис.

1918 вося декабрь 10 луно воли чукорторма Усть-Сысольской уездса коммунистьяслысь первой съезд да борйорма РКП(б)-лысь уездной комитет. Тайо кадодз партия укомлысь обязанностьяссю портис олмомо Усть-Сысольской городской партийной организация. Яренск карын коммунистьяслысь уездной фракция воли оформиторма 1918 вося октябрь 2 луно, а коммунистьяслысь первой уездной съезд нуодорма 1919 вося январь 20 луно, Яренской уездса Советьяслон квайтод съезд восьмом водзвылын.

Яренской да Усть-Сысольской уездьясын Коммунистической партиалысь организацияяс котыртом благотворнойо влияйтис местной Советьясос организационнойо еммодом да сиктса комбедьяс удж выло. Коммунистической партиалон организацияяс, кодьяс первойсо котыртчисны уездной центрясын — Усть-Сысольскын да Яренскын, везалисны уездной Советьясос да налысь отделяссю вражеской да соглашательской элементьясысь да босьтисны ас выланис партиалон уездной комитетьяслысь обязан-

носттас. А кор вѡлѡстьясын котыртчисны РКП(б)-лѡн волостной ячейкаяс да бедноталѡн комитетъяс, партиялѡн уездной комитетъяс да реорганизуйтѡм уездисполкомъяс веськѡдїсны местной партийной ячейкаяслысь да комбедъяслысь став вниманиесѡ волостной да сельской Сѡветъяс реорганизуйтѡм вылѡ, сы вѡсна мый вель уна Сѡветъясын пыр на пукалїсны кулацкой элементъяс да вѡвлѡм земской управайсѡн веськѡдлысьяс. Сѡветъяслѡн квайтѡд уездной съезд вылын Яренской уездисполкомлѡн отчетной докладын вѡлї тадз донъялѡма Сѡветъяслысь уджсѡ: «Витѡд съезд вылын бѡрїѡм исполкомлѡн главной могыс вѡлї сын, медым вуж выйѡныс вежны политикасѡ важ Сѡветъяслысь, кодъяс 1918 вося октябрѡдз вѡлїны Сѡветской властлѡн платформаысь зѡв ылынѡсь да сѡмын формально новлѡдлїсны сылысь вывескасѡ. Тайѡ объясняйтсѡ Сѡветъяслѡн составѡн... Волостной Сѡветъяс эз вѡвны нормальнойѡсь; найѡ эз пѡртны олѡмѡ весиг сїѡ ичѡтикторсѡ, мый вермим виччысыны насянь».

1918 вося сентябрьянь декабрѡдз кадколастѡ волостной Сѡветъясѡс да налысь отделъяссѡ вѡлї весалѡма кулацкой да соглашательской элементъясысь. Тайѡ делѡын зѡв ыджыд роль ворсїсны партийной ячейкаяскѡд тшѡтш волостной да сельской комбедъяс.

1918 вося декабрь тѡлысь помасигкежлѡ Усть-Сысольской уездын вѡлї 57 волостной, 17 сельской да 9 городской комбед, а Яренской уездын — 1 городской, 21 волостной да 137 сельской комбед. Асланыс олан дженьыд кадѡн, Коммунистической партиялѡн ячейкаяс веськѡдлѡм улын, комбедъяс вѡчисны сиктын ыджыд перелом кулачествокѡд да тшыгъялѡмкѡд тышкасьѡмын. Медым жугодны кулачестволысь организованной водзсасьѡмсѡ да слабѡдны сылысь хозяйственной вынїѡрсѡ, местной коммунистической ячейкаяс да комбедъяс мобилизуйтїсны купечьясѡс, трѡгѡвечьясѡс да кулакьясѡс тылѡвой уджъяс вылѡ — кодїныны окопъяс оборонительной рубежъяс вылын Вологда да Котлас районын. Усть-Сысольской уездын окопъяс кодьян уджъяс вылѡ вѡлї мобилизуйтѡма 150 кымын кулакѡс да Яренскойын — 152-ѡс. Окопной уджъяс вылѡ мобилизуйтѡм кыпѡдїс кулачестволысь чорыд отпор да сѡветской работникьяслы паныд восьса террор. Сентябрь 7 луно Граддорын кулакьяс виисны коммунист Арсентий Сивковѡс, сентябрь 9 луно Керчомьяын виисны волисполкомса секретарь Александр Гичевѡс, сентябрь

11 лунö местнöй кулакъяс бырöдисны Гарьинскöй волостнöй Сöвет, октябрь 22 лунö сийö жö Керчомьяын кулакъяс виисны ещö öти местнöй коммунист Василий Жикинöс, октябрь 29 лунö уськöдчылисны Лозымскöй волостнöй Сöветса секретарь Н. Макаров вылö. Белöй террорлы паныд вöли объавитöма краснöй террор да медся заядлöй контр-революционнöй элементъяссö арестуйтöма да УЧК-лөн да Котласскöй районса полевöй штаблөн приговоръяс серти лыйлöма.

Вöли национализируйтöма купеческöй, кулацкöй керкаяс, тöргöвöй помещениаяс, складъяс да сетöма обществояслы пöльзуйтчöм вылö. Уезднöй да волостнöй учрежденияслөн сьöкыд финансöвöй положение вöсна местнöй кулачестволысь да тöргöвечьяслысь вöли перйöма денежнöй контрибуция. Контрибуционнöй фондсысь средствояслысь юкөн вöли сетöма первöйа красногвардейскöй отрядъяслы, кодъяс мунисны Удораö да Печораö, медым бырöдны сэтысь белогвардейщинаöс.

Комбедъяс отсöгөн вöли мырддьöма причтöвöй, оброчнöй муяс, вичкояслысь да частнöй йöзлысь муяс да сетöма волостнöй земельнöй общинаяслы пöльзуйтчöм вылö. Вöли конфискуйтöма купечьяслысь да кулакъяслысь став лишнöй нянь запасъяс да сетöма волостнöй фондъясö.

Волостнöй комбедъяс отсöгөн вöли босьтöма стрöг учёт вылö 1918 вося урожай. Тайö сетис уезднöй продовольственнöй отделъяслы позянлун тöдмавны, уна-ö уездъясын эм нянь да уна-ö колö вайны бокысь. Волостнöй комбедъяслөн даннöйяс серти 1919 во кезлö Усть-Сысольскöй уездлы оз вöли тырмы 477 599 пуд нянь, а Яренскöй уездлы — 224 748 пуд. Усть-Сысольскöй уездса продовольственнöй комиссар Е. Мишаринлы, кодлөн вöлины тайö даннöйясыс, удайтчис корны Москваын наряд Курскöй да Воронежскöй губерниясысь 105 000 пуд нянь öчередьтöг пöлучитöм вылö. Комбедъяс отсöгөн Яренскöй да Усть-Сысольскöй уездъясын йöзлысь тшыгъялöмсö вöли тöдчымөн чинтöма.

Комбедъяс ёна отсалисны сідз жö судзöдны вöвъяс, сийöс-көлуй, додьяс, телегаяс, чукöртны шоныд паськöм да кöмкот первöйа красногвардейскöй отрядъяслы.

Такöд тшöтш колö пасйыны и сийöс, мый комбедъяс уналаын босьтлисны сиктъясын власть асланыс киö, лöсьöдлисны двоевластие, öткымынлаын дзикöдз парализуйтлисны волостнöй Сöветъяслысь уджсö, пöльзуйтчисны

унджык правоо сы серти, мыйта сетис налы декрет. «Комбедьяс паськөдісны асланыс мероприятиеяслысь сферасо, петисны декретлон рамкаясысь да Буретш тайон чужтисны местаяс вылын двоевластие» — тадз вөлі характеризуйтома комбедьяслысь уджсо Яренской уездса Советьяслон квайтод уездной съезд вылын. Яренской уездса откымын вөлөстясын комбедьяс найос котыртан первой луньясянь жө примитисны волостной Советьяслысь став делояссө, денежной документьяс да бырөдісны Советьясөс, а торъя вөлөстясын комбедьяс босьтисны ас выланыс волостной Советьяслысь обязанностьяс, эз кольны налы исполнительной властьюсь функцияяс, көть эськө Советьясыс и колисны.

Советьяслон квайтод Всероссийской съезд бырөдіс комбедьясөс да местаяс вылын став власть сетис волостной Советьяслы. Усть-Сысольской уездын комбедьяс реорганизуитны заводитисны 1918 вося декабрь 14 лунсянь, Советьяслон коймөд уездной съезд бөрын. Яренской уездын комбедьяс реорганизуитны заводитисны 1918 вося декабрь 16 лунсянь. 1918 вося декабрь төлысь мөд джынйын да 1919 вося январь первой джынйын Яренской да Усть-Сысольской уездьясын комбедьяс вөлі бырөдөма да вылысь нуөдөма бөрийсыөмьяс волостной Советьясө.

Сы вөсна, мый белогвардеецьяс да интервентьяс заводитисны паськыда наступайтны да прөзитисны босьтны Коми край, 1918 вося август 22 лунө Усть-Сысольск карын вөлі котыртөма военно-революционной совет, коді босьтис аслас киө уездын став административной да военной власть. Яренскын военно-революционной совет котыртчис 1918 вося ноябрь 3 лунө. Сийө кадө, кор крайын вөлі осадной да военной положение, военной советьяс портисны олөмө уездын высшой властьюсь функцияяс. Найө олісны 1919 вося март төлысь помөдз.

Белогвардейской бандаяслон активной действеяс да уездлы грөзитысь опасность вөсна Усть-Сысольской уездной военной советлы 1918 вося сентябрь төлысьын нин ковмис примитны военно-оборонительной характера вель уна мероприятие. 1918 вося август шөрын Печорской уездлон центрын — Усть-Цильмаын лоис кулацко-белогвардейской переворот, уездын Советьяслысь власть вөлі бырөдөма. Август 21 лунө кулацко-белогвардейской отряд лыйліс Усть-Цильма дорын красноармейской команда кузя, коді видзис «Уралоснабжениельсь» торгөвой экспе-

дицияос, а сентябрь төлысь шöрын тайö белогвардейскöй отрядыс катис пароходьяс вылын Щугорöдз да зилис босьтны Сибиряковскöй туй да Печора йылвса вöлöстьяс, кодьяс вöли пырöны Усть-Сысольскöй уездö.

Усть-Сысольскöй уезднöй военнöй совет да партиалöн горком 1918 вося сентябрь заводитчигöн формируйтисны 65 морта добровольческöй отряд да сентябрь 7 лунö мöдöдисны сийöс Печораö Мандельбаум да Андрианов командуйтöм улын. Печора бассейнö воöм бöрын Мандельбаумлöн отряд сентябрь 19 лунö босьтис Усть-Щугорь сикт да котыртис тані опорнöй база, медым водзö тышкасьны Печорскöй уездса белогвардейщинакөд. Кор Печораын положениеыс омöльтчис, октябрь 5 лунö Усть-Сысольскыс вöли мöдöдöма сэтчö 125 морта мöд добровольческöй отряд Ерофеевский командуйтöм улын. 1918 вося декабрь 8 лунö Печораö, первоя кык отрядлы отсөг вылö, вöли мöдöдöма В. Завялов командуйтöм улын 94 морта коймөд добровольческöй отряд, кодöс котыртöма Усть-Сысольскса, Помоздиноса да Керчомьяса доброволецьясыс. Тайö отрядьясыс некымыныс пыравлисны Печорскöй уездö, кыкыс восстанавитлисны сэнi Советскöй власть, а сөсся босьтисны Тобольскöй губернияын нянь заготовитан база — Ляпин сикт. 1918 вося сентябрь төлысьянь декабрь төлысьöдз печорскöй белогвардейщиналы паныд тыш Усть-Сысольскöй уезднöй военнöй совет нуöдис аслас вынъясöн да средствоясöн, бокиянь отсөгтөг. Тайö тышсö водзö нуöдисны Краснöй Армиялöн регулярнöй частьяс 6-öд армияса штаб веськөдлöм улын.

Татшöм жö военно-оборонительнöй мероприятиеяс нуöдисны Яренскöй уисполком да РКП(б)-лöн уком. Усть-Вашскöй уездын Советскöй власть бырöдöм бöрын сыхөд орчча Чупровскöй, Важгортскöй да Чернутьевскöй вöлöстьясын кулачество төдчымöн активизируйтчис, свободнöя ветлис Усть-Вашскöй да Мезенскöй уездьясö, кодьяс босьтисны белогвардеецьяс, нуисны сэтчö нянь да пушнина.

Чупровскöй да Важгортскöй вöлöстьяс 1918 вося тулысын да гожöмын унаыс ходатайствуйтлисны, медым найöс торйöдисны Яренскöй уездыс да пыртисны выльыс котыртан Усть-Вашскöй уездö. Во чöжөн тайö вöлöстьясыс некымыныс гижлисны Яренскöй уездыс торйөдчöм йылыс мирскöй приговорьяс да асьныс жö отменяйтлисны тайö постановлениеяссö. Тайö вöлöстьяслöн торйөдчöм

йымысь вопроссö торйөн ёся кыпöдiсны местной кулакъяс 1918 вося сентябрын-октябрын, кор Усть-Вашской да Мезенской уездъяс лоины белогвардеецъяслөн власть улын да Усть-Вашской уездос бөр вöли öтлаалöма Мезенской уездкöд. Чупровской да Важгортской вöлöстъясын населениелөн öти юкöныс лыддис асьсö Яренской уездса гражданаөн, а мöд юкöныс — Усть-Вашской уездса гражданаөн. Чупровской да Важгортской волостной управлениеяс заводитöны саботируйтны Яренской уисполкомлысь да сълөн отделяслысь индöдъяс да распоряжениеяс. Танi важ моз веськöдлiсны волостной земской управаяс. Чупровской вöлöстын 1918 вося июль 21 лунö волостной земской управалысь нимсö вöли механической вежöма — сийö кутiс шусыны волостной Сöветөн, но сентябрь тöлысь помын Чупровоын бөр бырöдiсны волостной Сöвет да котыртiсны временной земской комитет сийö земской комитетъяслөн образец серти, кодъясöс котыртiс Чайковскийлөн правительство орчча Мезенской уездын. Важгортын волостной земской управа уджалiс 1918 вося сентябрь 23 лунöдз. Сöмын агитатор Станислав Жавнерлөн требуйтöм серти земской управа вöли бырöдöма да котыртöма временной волостной Сöвет земской управаса вöвлöм председатель да секретарь веськöдлöм улын.

Октябрь 12 лунö Яренской уисполком ыстiс Чупровской вöлöстью стрöг индöд, медым пыр жö бырöдiсны временной земской комитет, бөр лöсьöдiсны волостной Сöвет да котыртiсны бедноталысь комитетъяс. Чупровской вöлöстъяса земской комитет эз пöрт олöмö тайö распоряжениесö, а шыödчис Мезень карса белогвардейской уездной комиссар дiнö да корис сылысь мöдöдны вооружение да инструкторъясöс, медым котыртны отряд яренской большевикъяскöд тышкасьöм могысь. Чупровской да Важгортской вöлöстъясса руководителъяс эз пöртны олöмö комбедъяс да продотрядъяс котыртöм йылысь, купечьяслысь да кулакъяслысь нянь запасъяс реквизируйтöм йылысь Яренской уисполкомлысь индöдъяс, кулакъясöс окопной уджъяс вылö, офицеръясöс да унтер-офицеръясöс Красной Армияö мобилизуйтöм йылысь уездвоенкоматлысь приказъяс.

Тадзи жö активизируйтчис Чернутьево сиктса кулачество. 1918 вося июль тöлысь помын Чернутьево сикт торйödчис Селибской вöлöстъясь самостоятельной сельской Сöветö, кöни збыль кöзьяннас лоис Леонид Марков —

Советса секретарь. Бөрүнджык тайо Марковис котыртис кулацкый восстание. Котъ эськө Селибскый волостной Совет унаысь олөдлис Чернутаевскый сельскый Советос, бөръяыс водзо покровительствуйтис кулакъясы, кутис йитөд Мезеньса вөлөстьяскөд, кони вөлины белогвардеецъяс. Та йылысь юөртсылыс и Яренскый уездисполкомлы.

1918 вося сентябрь 18 да 24 луньясо Яренскый уисполком аслас заседанияяс вылын видлалис удорскый вөлөстьясын артмом положение йылысь вопрос да модөдис Удорао 20 морта военный отряд Н. Ворсин командуйтом улын, медым нуодны военный контроль. Красноармейскый отряд матыстчөм йылысь төдмалөм бөрүн важгортскый да чупровскый кулакъяс корисны Усть-Вашкаысь белогвардейскый отряд, кодi октябрь 16 лунө босьтис Важгорт сикт. Белогвардеецъяс вөчисны Важгорт дорын засада да встретитисны Ворсинлысь отрядсо ружейной залпъясон. Белогвардеецъяскөд стычка дырйи куйм мортос воштөм бөрүн красноармейскый отряд бөрүньтчис Ертомаодз да кутис виччысыны Яренскысь содтөд вын.

Яренскый уисполком пыр жө формируйтис 40 морта мод экспедиционной отряд Епов да Князев өртъяс командуйтом улын да модөдис сийос Удорао Ворсинлы отсөт вылө. Еповлөн да Ворсинлөн сводной отряд зильлис наступайтны да весавны Важгорт да Чупрово белогвардеецъясысь, но тайо эз удайтчы: белогвардеецъяслөн выныс вөли ыджыдджык, найо заводитисны контрнаступление да заставитисны Еповлысь отрядсо бөрүньтчыны Ертомаодз. 1918 вося ноябрь 26 лунө Чернутаево сиктын лоис кулацко-белогвардейскый переворот Советса вөвлөм секретарь Леонид Марков веськөдлөм улын. Ноябрь 26 лунө Марковлөн бандаыс арестуйтис Селибскый волостной Советөн веськөдлысьясос. Ноябрь 28 лунлы паныда войын Марковлөн банда пырис Косланскый вөлөстьо да местной кулакъяс отсөгөн арестуйтис вөлөстьса советскый да партийной работникъясос, а декабрь 2 лунө белогвардеецъяс босьтисны Глотовскый вөлөсть. Мезень йывса вөлөстьясын кулацкый восстаниеяс лоөм вөсна Еповлөн красноармейскый отряд декабрь 2 лунө өновтис Ертома да Вендинга, бөрүньтчис Яренсклань Лоптюжско-Червинскый туй кузя.

Яренскый уездной военной совет, коды эз воны Еповлөн отрядсян некүтшөм юөръяс, тэрмасигтырйи формируйтис 80 морта коймөд экспедиционной отряд уездной

военной совета председатель Воробьев, уездвоенрук Ваганов командуют улын да ноябрь 30 луню мододис сийос Удораю Шежамско-Бутканской туй кузя. Декабрь 4—5 луньясю Воробьевлюн отрядлы удайтчис весавны белогвардеецьясы Буткан, Кослан, Глотова, Разгорт сиктъяс, но сы вылю, медым водзю нуодны белогвардейциналы паныд тыш, тайю отрядыслон выныс вולי этша. 1918 вося октябрь-ноябрь толысыясю ко партиялон Яренской уком, уездисполком да уездвоенкомат нуодисны белогвардейциналы паныд военной действиеяс сомын асланыс вынъясон да средствоясон, то водзю тышкасыны налон выныс эз тырмы, колю вולי Красной Армияса регулярной частьяслон отсөг. Белогвардеецьяс босьтисны квайт удорской вольость да эз вов некутшом гарантия, мый найю оз петны Эжва бердса вольостьясю. 1918 вося декабрь 3 лунсянь Яренской уездын вולי объявитома осадной положение.

1918 вося декабрь толысянь 1919 вося апрельодз Вашко-Мезенской да Ижмо-Печорской районьясын боевой операцияс водзю нуодисны Красной Армиялон регулярной частьяс. Найю успешной венисны тайю участокаясын белогвардеецьяслысь зыромсю. Но тайю ньюти эз чинты край дорйомын кыв кутюмсю уисполкомьяслысь, уездвоенкоматьяслысь, партиялон укомьяслысь, волостной Советьяслысь да волостной партийной ячейкаяслысь. Сы вюсна, мый 1918—1919 воясю Коми край вולי фронтювой полосаын, партийной, советской организацияс да гражданской население пыр чувствуйтисны напряжение. Фронтювой обстановка чужтис тырысь сьюкыл-луньяс, выль повинностьяс. Торйон сьюкюдюсю вюлины пужеювой повинность, турун, яй да овощи поставкаяс. Ковмывлис босьтлыны крестьяналысь вювьяс, додьяс, телегаяс, сийюс-кюлуй, а сидз жо дежуритны налы вювьясю волостной Советьяс бердын, уездной учреждениеяс да войскоювой подразделениеяслон штабьяс бердын.

Фронтбердса сьюкыл да сложной условиясын ковмис уджавны Коми крайса партийной ячейкаяслы. Крайса партийной организацияслон ойю содомыс вולי естественной да закономерной явлениею. Коми сиктса голь крестьяна зилисны отувтчыны Коммунистической партия гюгор, пырисны сылон радьясю, медым ойюджык жугюдны сиктса буржуазиялысь водзсасьюмсю, пытшкюсса да

ортсыса контрреволюциялысь усылсьомсö. Северо-Двинскöй губернияса коммунистьяслöн первой съезд бöрын колис сöмын 2—3 тöлысь, а Яренскöй да Усть-Сысольскöй уездьясын партийнöй ячейкаяслöн да коммунистьяслöн лыдыс зэв ёна содiс.

Усть-Сысольскöй уездса öткымын вöлöстьясын котыртчисны вельгырысь партийнöй ячейкаяс. 1918 вося ноябрь 1 лун кежлö сетöм сводкаяс серти Маджскöй партячейкаын вöли 84 член, Мординскöйын — 208 член, Слободскöйын — 104 член, Керчомскöйын — 200 член; 1918 вося декабрьскöй сводкаяс серти Керчомскöй партячейкаын вöли 500 член, Большелугскöйын — 130 член да 14 сочувствующöй, Кажимскöйын — 120 член, Слободскöйын — 120 член да 30 сочувствующöй, Шошкинскöйын — 116 член да 70 сочувствующöй, Мординскöйын — 82 член да 137 сочувствующöй. Тайö лыдпасьясыс петкöдлöны, мый индöм партийнöй ячейкаясин партияö выль членьясöс примитöмын да партийнöй учёт нуödöмын первой кадас эз ставыс вöв лючки-ладнö. Тайö ячейкаясөн веськöдлысьяс зiлисны примитны партияö комбедса став членьясöс. Та вöсна корсюрö найö содiсны случайнöй элементьяс тшöт весьтö. Регьдья кадөн тайö нелючкисö вöли бырöдöма.

Медым кыпöдны ассыныс боепособностьсö, партийнöй организацияяс уна пöрйö весавлисны ассыныс радьясö шогмытöм йöзысь, выльысь регистрируйтлисны ассыныс членьясö. Яренскöй уездын РКП(б) укомлөн решение серти партийнöй организацияяслысь радьясö первойысь вöли весалöма 1918 вося ноябрын. 1919 вося февральын вöли весалöма Яренск карса организациялысь радьясö. 1919 вося апрельын весалöма Яренскöй уездса став партийнöй организацияяслысь радьясö, а 1919 вося июньын вöли ещё öтчьд весалöма партийнöй ячейкаяслысь радьясö уездса 10 вöлöстын. 1919 вося июль 1 лунсянь выльысь регистрируйтöма партияса став членьясöс ставнас Сöветскöй республикаын. РКП(б)-са членьяслы öчереднöй регистрация вöли йöзöдöма 1919 вося декабрь 10 лунö. Яренскöй уездын партияса членьясöс ещё öтчьд выльысь регистрируйтöм йылысь вöли йöзöдöма 1920 вося июнь 5 лунö.

Усть-Сысольскöй уездын карса партийнöй организациялысь радьясö вöли первойысь частичнö весалöма 1918 вося ноябрын Октябрьскöй революциялы во тырбм

празднуйтигөн лоом инциденткөд йитөдын. Первой уездной партийной съездлөн 1918 вося декабрь 11 лунся решение серти вөлі весалөма партийной организациясыльсь радьяссө шогмытөм да сомнительной элементьясыльсь ставнас уездын. Мөд уездной партийной съездлөн 1919 во март 24 лунся решение серти вөлі выльысь весалөма парторганизациясыльсь радьяссө чуждой элементьясысь. 1919 вося июль 1 лунсянь уездын нуөдсис партияса став членьясыльсь перерегистрация. 1919 вося декабрынь бара вөлі партияса членьясыльсь перерегистрация.

Партийной организациясыльсь радьяссө весалигөн да партияса членьясөс выльысь регистрируйтигөн вөлі вөтлөма партия радьясысь карьеристьясөс, партиялөн правой делөо да сылөн идеясө омөля эскысысөс, став шогмытөм, случайной элементьясөс, кодьяс сюйсисны партияо да нийтөсьтисны Коммунистической партияса членьясь ыджыд нимсө.

Партийной организациясыльсь радьяссө кадьясь кадө весалөм кындзи, ковмывліс реорганизуйтны торья партиячейкаясөс. Сідз, 1918 вося октябрынь 6-өд армияса политотдельясь работник Тепляков ёрт реорганизуйтис Мыёлдинской, Помоздинской, Скородумской да Усть-Немской партийной ячейкаяс сы вөсна, мый тайо ячейкаясас вөлі сюйсөмаоьсь неблагонадежной да случайной элементьяс.

Том партийной организацияслөн эз вөв партийной удж нуөдөм кузя опыт, эз тырмы налы и пролетарской влияние. Та вөсна на пөвстысь өткымыньяс вөчлісны политической ошыбкаяс, перегибьяс. РКП(б) Яренской укомса член С. Покровский Советьяслөн 6-өд уездной съезд вылын выступайтигөн тадзи характеризуйтис партийной ячейкаясыльсь уджсө: «Коммунистической ячейкаяс ворсисны да ворсөны ыджыд роль. Сэк жө налөн эмөсь уна тырмытөмторьяс... Найо лөдзавлісны приказьяс, нуөдлісны реквизицияс да с. в. Но асланыс основной удж серти найо век жө вөліны сиктын збыльысь революционной би киньясөн».

Первой уездной партийной съезд нуөдтөдз вель уна ошыбкаяс вөчлісны и Усть-Сысольской уездса партийной организациясын. 1918 вося ноябрь 7 лунө, Октябрьской революциялы во тырөм празднуйтигөн, уездной руководительяс В. Чуистов, М. Ляпунов, В. Осипов, И. Казаков, А. Кузнецов юисны кодзыйтөдзныс, юкталісны ассыныс

подчинённойяссё да заводитисны нарушайтны обществен-  
ной пöрадок. Местной гарнизона красноармеецьяс да  
карса коммунистьяс эз вермыны терпитны тайöс, арес-  
туйтисны код йöзöс да кутисны найöс палявтöдзыс. Крас-  
ноармеецьяслөн да коммунистьяслөн суитчöмыс эз ка-  
житчы вельмöм уездной руководительяслы да, медым  
дорйыны асьнысö, найö сувтисны вымогательство да про-  
вокация туй вылö. Ноябрь 8 лунö найö чукöртисны 27 от-  
ветственной работниклысь экстренной совещание да  
юöртисны сылы, мый местной гарнизон да öткымын ком-  
мунистьяс гöтöвитöны контрреволюционной выступление,  
та вöсна колö пыр жö примитны медся решительной ме-  
раяс. Тайö лöжной юöртöм серти совещание сöгласитчис  
öбъявитны карын чрезвычайной осадной положение, пыр  
жö разоружитны да распуститны местной гарнизон да  
комплектуйтны сийöс выль составöн, арестуйтны чайтан  
контрреволюционной путчöн веськöдлысьясöс.

Совещаниелөн тайö постановление серти Чуистов,  
Осипов, Казаков да Ляпунов УЧК-са отряд отсöгөн но-  
ябрь 9 лунö разоружитисны местной гарнизон, разöдисны  
коммунистьяслысь да красноармеецьяслысь собрание, ко-  
дöс вöли чукöртöма сы могысь, медым осудитны торъя  
коммунистьяслысь октябрьской торжество лунö хулига-  
нитöмсö, арестуйтисны 11 красноармеецöс да коммунист-  
öс, кызди чайтан контрреволюционной заговор котыр-  
тысьясöс.

Но карса партийной организация век жö кужис ас  
кадö пуктыны пом руководитель-узурпаторьяслөн прово-  
кационной действиеяслы. 1918 вося ноябрь 11 лунö карса  
коммунистьяслөн собрание мыждис Чуистовöс, Казаков-  
öс, Ляпуновöс, Осиповöс да Кузнецовöс незаконной дей-  
ствиеясысь, разоружитис найöс, вöтлис партия радьясысь  
да сетис УЧК-лы, а бöрынджык найöс вöли сетöма воен-  
но-революционной трибуналлөн судö. Тайö жö собрание  
вылын вöли реорганизуйтöма РКП(б) уездной комитет-  
лысь, уездной военной сöветлысь, УЧК-лысь, уездиспол-  
комлысь, уездвоенкоматлысь да внутренней управление  
кузя отделлысь составсö да частично весалöма карса пар-  
тийной организациялысь радьяссö сомнительной да не-  
благонадёжной элементьясысь. Партийной взысканиеяс  
вöли сетöма и налы, кодьяс участвуйтисны 27 мортлөн  
совещание вылын.

Администрируйтан незаконной действиеяс вöли эрдö-

дöма и öткымын волостной партийной организациясын, кыдзи Большелугын, Ручын, Аныбын, Нёбдинын, Важкуръяын, коні волостной партиякеаясон веськөдлысьяс этшöма ышмисны конфискацияс, реквизицияс нуөдöмөн, реквизируйтöм эмбур юклöмөн, кулакъяс да шөркөдя олысьяс ордын мынтысьтөг öбедьяс котыртöмөн, мый ковмис суитчыны тайö делöө ЧК органъяслы, реорганизуитны тайö волостной партиякеаяссö, а мыжаяссö сетны судö.

Торъя партийной ячейкаяс босьтисны ас выланыс этшöм содтöд обязанностьяс, кодъяс налы ньöти оз лöсявны. Керчомской вöлöстьян, например, местной партийной ячейкалөн постановление серти 1918. вося октябрь 20 лунö вöли вештöма удж вывсьяс попöс да индöма сы пыдди выль попöс местной коммунистьяс лыдысь. Мöд лунас выль поплы вöли торжественной сетöма «священниклысь сан» да партиякеалөн индöд серти котыртöма вичкоын сьылöм вылö местной интеллигенциялысь хор.

1918 вося ноябрь тöлысьын Аныбской вöлöстьö воис военной служба вылысь салдат Лобанов. Сиктын паськалис сёрни, мый сийö вайöма 18 тысяча кымын шайт деньга. Местной Совет да партийной ячейка тшöктисны Лобановлы пыр жö сдایتны деньга обществолөн нуждаяс вылö, но салдат вочавидзис, мый деньга сьлөн абу и сдایتны оз вермы. Сэки Аныбской волостной партиякеая шуис суйлыны кывзысьтöм салдат Лобановöс юкмöсö, медым повзёдны сийöс. Тайö шуёмсö вöли пыр жö пöртöма олöмö.

Местаяс вылын уджалысьяс сэки оз на вöли бура тöдны Коммунистической партиялысь да Советской властьюль рольсö, налысь функцияссö да правояссö. Та вöсна öткымын вöлöстьясын местной партийной да советской работникъяс волисны зыксьöмөдз. Сидз, Черныш да Скородум сиктъясын кыптис на костын зык сы кузя, кодi сиктын медся ыджыдыс: волостной партиякеая, волостной Совет али комбед? Чернышской волостной партийной организация, кодi оз на вöли тöд асьыс рольсö, весиг арестуйтлис волостной Советса исполкомын уджалысьясöс да комбедса руководительясöс, а Помоздинской волостной партийной ячейка арестуйтлис Скородумской сельской Советлысь составсö ставнас сы вöсна, мый сийö оз вöли признавайт волостной партиякеаялысь власть.

Торъя вöлöстьясын партийной ячейкаяс заводитлисны

нуодны административно-карательной функциясы. Тайо вайодлис зэв омольторгьясодз. Сидз, 1918 вося ноябрь голысь помын, нянь учёт выло босьтом борын, Койгородской волостын вולי решитома чукортны став нянь, коди эм население ордын индом нормаысь вывти, да сдایتны общеволостной продовольственной фондo. Кор тайо решениесo заводитисны портны олoмo, шоркодя олысь крестьянин Турубанов некидз эз косы сдایتны ассыс няньсo общественной фондo. Местной парторганизацияса председатель Лодыгин донъялис тайос кидзи Советской властылы паныд веськодoм действие да лыйис крестьянин Турубановлы. Сиктса антисоветской элементьяс пыр жо паськодисны сёрни, мый коммунистьяс таргайтoмаoсь волостной продовольственной фондусь нянь да oни мырдон чукортонны сийос сиктса олысьяслысь, медым мынтыны ассыныс растратасo. Турубановoс виoм йылысь кывлoм борын сиктса олысьяс чукортчисны волостной Совет динo, босьтисны кытшо коммунистьясoс да волисполкомын уджалысьясoс, грoзитисны вoчны самосуд. Сoмын oткымын ертьяслон ыджыд выдержка вoсна ставыс помасис бура. Тайо случайын партияса oти членлон омоль поступокыс няйтoсьтис вoлoстьса партийной организацияoс ставнас.

Усть-Сысольской уездса торья партячейкаясын татшoм oшыбкаясыс да перегибьясыс вoлины ячейкаяссo котыртoм борын первой кык голысяс, мод ногон ко, коммунистьяслысь первой уездной съезд чукорттодз. Тайо съездис вoли 1918 вося декабрь 10—12 луньясo. Сийo эрдодис торья партячейкаяс уджысь oшыбкаяс да тырмытoмторьяс да шуис весавны парторганизациялысь радьяссo шогмытoм элементьясысь. Партиялон Северо-Двинской губком согласитчис тайо шуoмкод.

Гырысь oшыбкаяс вoлины и Яренской уездса oткымын волостной да сельской партячейкаяс уджын. Паськыда тодса, например, сидз шусяна «коквицкой делo». 1919 вося январь 15 лунo Коквицкой вoлoстьса партийной ячейкаяс шуисны лыйлыны асланыс вoлoстьысь 5 мортoс да сийo жо войнас ассыныс шуoмсo портисны олoмo. Талы помкаон лои сийo, мый сиктса oткымын олысьяс сопротивляйтчисны чрезвычайной налог пукталысь комиссияса членьяслы да грoзитисны коммунистьяслы да советской работникьяслы. Уездын осадной положение пыртoм йылысь Яренской уездной военно-революционной советлон приказ серти коквицкой коммунистьяс донъялисны тайo

фактсö (кулацкöй элементъяс кытшалісны сійö керкасö, кöні вöліны налог пукталысь комиссияса членъяс) кыдзи кулацкöй восстание заводитчöм да пыр жö примитісны чорыд мера. Қоквицкöй коммунистъяслöн вöлі подув повны, мый январь 15 лунся собрание вылын Нижнöй Қоквицаын лоом случай збыльысь вермис пöрны кулацкöй восстаниеö, кыдзи тайö лои Удораса сиктъясын — Чупровоын, Важгортын, Чернутьевоын. Но найö эз артыштны öти зэв важнöйтор, а именнö сійöс, мый Қоквицасянь квайт километр сайын, Усть-Вымын, сэки сулаліс Краснöй Армиялöн лыжнöй батальон, кодöс вöлі формируйтöма Удораö мөдөдөм вылө. Вöлі кö явö тыдалө, мый заводитчас кулацкöй восстание, коліс пыр жö юөртны та йылысь лыжнöй батальонса командирлы. А Қоквицаса коммунистъяс первой шуисны лыйлыны вит мортöс, пöртісны олөмө ассыныс шуөмсö да вöлишти юөртісны та йылысь лыжнöй батальонса командирлы.

Партиялöн Яренскöй уезднöй комитет да Яренскöй уездса коммунистъяслöн первой съезд 1919 вося январь 20 луно чорыда осудитісны Қоквицкöй вөлөстьса коммунистъяслысь индөм действиеяссö да донъялісны найöс кыдзи ыджыд политическöй öшыбка. Но веськөдны тайö öшыбкасö эз вöv кокни. Қоквицаса коммунистъяслысь öшыбкасö используйтісны асланыс цельясын антисөветскöй элементъяс. Найö паськөдісны коммунистъяслы паныд восьса кампания. Центральнöй печатын петіс Шергинлöн явö клеветническöй статья. Сійö мыжаліс Яренскöй уездса коммунистъясöс йөзөс грабитöмын да уголовнöй преступлениеяс вөчөмын. Да и уголовно-следственнöй комиссия, кодлы первойсö вöлі тшөктöма расследуйтны коквицкöй событияс, сувтіс неправильнöй туй вылө: кутіс нуөдны следствиесö кыдзи уголовнöй преступление кузя. Комиссия босьтіс следствие улө Қоквицкöй вөлөстьса 113 коммунистöс. Артмис зэв мисьтөмтор. Сэки партиялöн Яренскöй уком корис делөсö расследуйтны центрса представительясöс. 1919 вося март төлысьын Қоквицаын следствие нуөдісны Алексеев да Арбузов, кодьясöс мөдөдіс Севернöй областъса Коммунаяс Союзлöн внутренинöй делөяс кузя Народнöй Комиссариат. Найö признайтісны, мый Қоквицкöй делө колө донъявны оз кыдзи төдөмөн вөчөм уголовнöй преступление, а кыдзи политическöй öшыбка, та вöсна следствиесö колө нуөдны оз уголовно-следственнöй комиссиялы, а военно-революционнöй трибунал-

лы. Партиялөн Яренскöй уком март 11 лунся заседание вылын примитіс та кузя торъя решение да правильнöя донъяліс коквицкöй делö политика боксянь. 1919 вося июнь 18 лунö тайö делöсö сэсса видлаліс Северо-Двинскöй губернскöй ревтрибунал.

Кызди индыссыліс нин, торъя волостнöй партийнöй ячейкаяс уджын политическöй öшыбкаяс, перегибъяс да мукöд тырмытöмторъяс лоины сы вöсна, мый крайса парторганизацияяс вöліны зэв томöсь, политика да идеология боксянь слабöсь. Партийнöй ячейкаясса руководителъяслөн да членъяслөн эз вöv партийно-политическöй удж нуödöm кузя опыт. Парторганизациясын вöліны сöмын крестьяна, рабочöй прослойка да пролетарскöй влияние эз вöвны.

Эз колана идеологическöй уровеньн вöвны и карса партийнöй организацияяс, кодъяс веськöдлісны волостнöй партийнöй организациясөн. Найö сідз жö вöліны томöсь, шалөн эз жö вöv партийно-политическöй удж кузя практическöй опыт. Та йылысь висьталö коммунистьяслөн первой Усть-Сысольскöй уезднöй съезд вылын местаяс вывсынь докладъяс кузя примитöм резолюция. Тайö резолюцияын, кодöс пишисны уездно-городскöй партийнöй комитетса руководителъяс, коммунизм йылысь учение да Коммунистическöй партиялөн программа öткодявсьöны христианстволөн догмаяскöд, Христослөн велöдöмкöд. Тайö резолюциялөн мöд параграфын пишöма: «Примитны коммунистьяслөн радъясö трудöвöй класса унджык йöзöс, кодъяс öнöдз на эз вевъявны, эз пырны миян радъясö асланыс пемыдлун вöсна. Но ми, коммунистьяс, кор восьтам социальнöй стройлөн миян райскöй покойяслысь öдзöсьяссö, долженöсь лоны осторожнöйөн пырысьяс дінö да примиттöдзыс долженöсь гөтöвитны найöс сы кешлö. мöд ногөн кö, воспитайтны найöс духовнöя социальнöй сямөн, нуöдны агитация трудöвöй класс да красноармеецъяс пöвстын, медым найö гөгөрвоисны, мый коммунизмлөн идея — священнöй идея да мый социальнöй строй — правдалөн да истиналөн царство, код йылысь висьталö аслас учениеын Иисус Христос».

1918—1919 воясö партийнöй организацияяс уджын главнöй тырмытöмторнас вöлі сійö, мый эз нуödсы колана ногөн партийно-политическöй удж, эз вöv котыртöма коммунистьяслысь велöдчöм. Тайö кадö коммунистьяслысь став вниманиесö вöлі веськöдöма сы вылö, медым

вайны тшыгъялысь йӧзлы нянь да венны усьласьӧмсӧ белогвардейской отрядъяслысь, кодъяс пырисны Коми край территория вылӧ. Тайӧ кык могыс сайӧдисны, вештисны бокӧ став мукӧд могъяссӧ, сы лыдын и партияса членъяс пӧвстын идеологическо-воспитательной удж.

Коми партийной организацияс, кӧні унджыкыс вӧліны крестьяна, найӧс котыртан первой лунъяссяныыс нуждайтчисны серьёзной идеологической отсӧгын. Налы колӧны вӧлі агитатор-организаторъяс, опытной работникъяс, медым ёнмӧдны уездной партийной да советской учрежденияс. Первой кадас тайӧ отсӧгыс вӧлі тырмытӧмджык, торйӧн нин Усть-Сысольской уездлы. Яренской уездӧ, кодлӧн территорияыс 1918 вося октябрь тӧлыссянь лоис военной действияс зонаын, сийӧ жӧ вося октябрь-декабрь тӧлысьясӧ волісны 20 кымын агитатор-организатор Москваысь, Петроградаысь, Устюгысь, Котласской района полевӧй штабысь. Кызди агитаторъяс Яренской уездӧ волісны Р. Самойлова, С. Жавнер, Силин, Гульбис, Тарасова, Мельников, Медаков. Волӧм агитаторъяс лыдысь вӧлі кольӧма постоянной удж вылӧ Вороновскийӧс, П. Ф. Фёдоровӧс, Г. Н. Алябышевӧс, А. И. Хупонен-Мурзинӧс, А. Вагановӧс, Е. А. Воробьевӧс, Б. А. Пукитӧс, Богдановӧс, А. И. Егоровӧс, А. Головушкинӧс, матрос Князевӧс, Головановӧс, Зотовӧс. Бӧрынджык особӧй заданиеӧн волісны татчӧ Петроградаысь Орлик, Алексеев, Арбузов ёртъяс.

Усть-Сысольской уездӧ 1918 вося октябрь тӧлыссянь 1919 вося мартӧдз волісны сӧмын нель организатор: Тепляков, Степанов, Лабутин — квайтӧд армияса политотделысь да Уткин — Петроградаысь. 1918 вося ноябрь тӧлыссянь уездвоенкоматлӧн агитационно-просветительной отделын вӧлі сӧмын 2—3 штатной агитатор, кодъяс велӧдчисны краткосрочной курсъяс вылын. Тайӧ агитаторъясыс обслуживайтисны, кызди вермисны, уездса 52 вӧлӧсть, отсалісны котыртны местаяс вылын партийной да советской удж. Уездса партийной да советской руководящей аппаратын вӧліны сӧмын местной работникъяс — том коммунистыяс, кодъяс эз пыр справляйтчыны асланыс обязанностисӧн.

Бӧрынджык Усть-Сысольской уездын партийной да организационно-массӧвой удж бурмӧдны ёна отсалісны Пинего-Печорской крайса штаблӧн политотделениеысь коммунистыяс. Кызди тӧдса, 1919 вося март 7 лунӧ Красно-

борскысь Усть-Сысольскö вуджис Пинего-Печорскöй крайса штаб. Сыкөд тшөтш Усть-Сысольскö локтисны военно-политическöй работникъяс: Г. И. Самодед, М. Гридасов, Чумбаров-Лучинский, Н. Завелевич, Куприанов, В. Печорин, П. Абрамов, А. Санников, И. В. Чижов, Б. В. Сурконт, А. Н. Аранштам, Варганов, Григорук, Елисеев, Дорогов, А. Обухов да мукөд. Найö отсалисны партийнöй организациясылы бурмөдны организационно-пропагандистскöй удж, ёнмөдны уджалысь йөзкөд йитөдъяс, нуөдисны митингъяс, лыддисны лекцияс, котыр-тисны том йөз да нывбабаяс пөвстын удж, восьтисны медводдза партийнöй школа, активнöй участвуитисны местнöй печатьын. Военно-политическöй работникъяс отсалисны уездисполкомлы да партиялөн уезднöй комитетлы мынтөдчыны öшыбкааясысь. Правда, первойсö Усть-Сысольскöй уезднöй да городскöй парторганизациясса руководителъяс кодзыдджыка видзөдисны воём коммунистъяс вылө; öти кадö Усть-Сысольскöй укомпарт весиг норасьлис на вылө партиялөн Северо-Двинскöй губкомö да требуйтис, медым военнöй коммунистъяс эз суитчыны укомса работникъяс уджö. Но регыд мысти тайöс вöли ладмөдöма, и некутшöм сёрни та кузя сэсся эз кыпавлы.

Яренскöй да Усть-Сысольскöй уездъясса торъя партийнöй ячейкаяслөн öшыбкааясыс медясö вöлины шөркодья олысь крестьяна динö относитчөм йылысь вопросын. Бөрүнджык тайö не öтчюд пасйыссылис партия укомъяслөн отчөтъясын да партийнöй конференцияс вылын. Советъяслөн 8-өд Всероссийскöй съезд бөрүн тайö öшыбкааяссö вöли бырөдöма. Работникъясöс, кодъяс торйөн лёка относитчисны шөркодья олысь крестьяна динö, вöли вештöма удж вывсыныс да вөтлöма партия радъясысь.

Усть-Сысольскöй да Яренскöй уездъясса парторганизациясын членъяслөн да сочувствующöйяслөн лыдыс тайö кадас эз вөв и эз вермы лоны постояннöйөн. 87-өд лист бокын вайөдөм таблица петкөдлө, кыдзи вежласис парторганизацияслөн да партияса членъяслөн лыдыс.

Партияса членъяслөн лыдыс 1919 воын ёна чинис да весиг бырисны вель уна волостнöй партийнöй ячейкаяс эз сөмын сы вöсна, мый унаысь вöли нуөдöма партийнöй чисткаяс да членъяссылы перерегистрацияс, а медясö сы вöсна, мый зэв уна коммунистъяс мунисны фронт вылө дорйыны социалистическöй отечество пытшкөсса да ортыса врагъясысь.

**Кыдзи вежласис парторганзацияслён да партияса  
членъяслён лыдыс**

Во да тӧлысь	Парторганзацияслон лыд	Коммунистъяслон лыд	Сочувствующяслон лыд	Во да тӧлысь	Парторганзацияслон лыд	Коммунистъяслон лыд	Сочувствующяслон лыд
<b>1918 во</b>	<b>Яренской уездын</b>			<b>1918 во</b>	<b>Усть-Сысольской уездын</b>		
Декабрын	24	522	276	Декабрын	65	2050	1224
<b>1919 во</b>				<b>1919 во</b>			
Январын	22	443	345	Январын	65	2450	956
Февральын	38	360	230	Февральын	65	2344	954
Мартын	37	609	571	Мартын	67	1630	545
Апрельын	30	345	175	Апрельын	68	1448	362
Июньын	24	260	60	Июньын	56	1194	376
Июльын	22	226	53	Июльын	свед. абубсь		
Августын	20	187	48	Августын	19	146	—
Сентябрын	23	190	17	Сентябрын	22	225	3
Октябрын	22	146	7	Октябрын	34	195	—

Общӧй партийнӧй мобилизацияс йӧзӧдтӧдз на Усть-Сысольской да Яренской уезднӧй партийнӧй организацияс асланыс водзмӧстчӧм серти нуӧдисны частичнӧй партмобилизацияс, медым дорйыны ассьыныс край белогвардеецъясысь. Сидз, Усть-Сысольской уезднӧй парторганзация 1918 вося сентябрь—ноябрь тӧлысьясын кык печорской добровольческой отряд котыртӧм вылӧ сетис 280 кымын коммунистӧс да сочувствующӧйӧс. Тайӧ отувтӧм отрядыс, кодӧ действуйтис Печора районын, шусис Володарский нима Усть-Сысольской коммунистической отрядӧн. Таысь кындзи, Усть-Сысольской уезднӧй партийнӧй организация сетис аслас радъясысь 223 мортӧс Р. Куликов нима первой коммунистической ротаӧ да сентябрь 28 луно мӧдӧдис сийӧс Северо-Двинской участоко интервентъяслы паныд. 1919 вося январын да февральын партийнӧй мобилизация серти Усть-Сысольской уезднӧй парторганзация ещӧ сетис 60 кымын коммунистӧс Куликов нима мӧд коммунистической ротаӧ. 1919 вося январь тӧлысьын мобилизуйтис став коммунистъяс лыдысь 5 процентсӧ, медым отсавны петкӧдны нянь Никольской уездысь.

Вашко-Мезенской районной военной действияеяс заводчом вьсна 1918 вося декабрын Яренской уездной партийной организация мобилизуйтис став коммунистяс лыдысь 50 процентсё да мододис удорской белогвардейщиналы паныд. 1919 вося январын да февральын РКП(б) областной комитетлон индод серти Яренской уездын вөли мобилизуйтёма став коммунистяс лыдысь 5 процентсё продовольственной отрядё.

Таысь кындзи, Яренской да Усть-Сысольской уездысын вөли нуодёма общей партийной мобилизацияяс. 1919 вося февральын РКП(б) областной комитетлон задание серти мобилизуйтёма став коммунистяс лыдысь 10 процентсё Рытывывывса фронт вылө; 1919 вося май төлысын — 25 процентсё Колчаклы паныд фронт вылө. 1919 вося июнын партия ЦК-лон задание серти вөли шуёма мобилизуйтны став коммунистяс лыдысь 20 процентсё да профсоюзса членяс лыдысь 10 процентсё Петроград дорйом вылө. Июнь төлысын жё вөли шуёма мобилизуйтны коммунистяс лыдысь 10 процентсё партия ЦК-лон распоряжениеё.

Унаысь нуодом партийной мобилизацияяс вьсна ёна чинис партияса членяслон лыдыс да весиг бырисны уна волостной партийной ячейкаяс. Та вьсна борья партийной мобилизациясё, кодьясёс вөли объявитёма 1919 вося июнь төлысын, Усть-Сысольской да Яренской уездысын эз нин вермыны тырвыйё портны олөмө.

1919 вося сентябрь 16 лунө партиялон Яренской уездной комитетса председатель Е. А. Воробьёв коймод губернской партийной конференция вылын висьталис, мый «...1918 вося декабрь төлысь помын Удораын лөис фронт, и уездной партийной организациялы ковмис мобилизуйтны аслас членяслысь 50 процентсё, на лыдын медбур работникясёс. Организацияын колис 225 член, сэтшөмьяс, кодьяс слабджыкось. А найос коммунистической идеяяс сямон велөдөм да инструктируйтөм вылө мяян выньяс эз тырмыны. 1919 вося февральын 10-процентной партийной мобилизация нуодом борын вель уна ячейкаяс бырисны. Та вьсна карса организациялы ковмис мододны уджавны местаяс вылө ответственной работникясёс. Майской партийной мобилизация ковмис нуодны сөмын карса организацияын. Оні уездса 23 партийной ячейкаын 190 коммунист да 17 сочувствующой».

1919 вося июль 19 лунö РКП(б)-лөн Усть-Сысольскöй уком примитис татшöм решение: «...Сы вöсна мый воддза партийнöй мобилизацияяс бöрын уна сиктын дзикöдз ку-сис партийнöй удж, признайтны, мый водзö вылö партмобилизацияяс Усть-Сысольскöй партийнöй организацияын нуöдны оз ков». Уком корис партия обкомöс мездыны Усть-Сысольскöй уездöс партийнöй мобилизациясысь.

1919 воын Краснöй Армияö Усть-Сысольскöй уездысь мунисны 1160, а Яренскöй уездысь первой во джынйын — 674 добровolec. На лыдын унджыкыс вöлины коммунистьяс да налы сочувствуйтысыя. Гражданскöй война фронтъяс вылын найö беззаветнöя дорйисны советскöй рöдинаöс белогвардеецъясысь да интервентъясысь.

Усть-Сысольскöй да Яренскöй уездъясса том партийнöй организацияяс кужисны регыдъя кадөн бырöдны торъя партийнöй ячейкаясөн вöчöм öшыбкаяс, весавны ассыныс радъяссö случайнöй да шогмытöм элементъясысь, дорйыны ассыныс край белогвардейскöй отрядъяслөн да местнöй контрреволюциялөн 1918—1919 восяö усыласьöмъясысь.

## ПЕЧОРСКÖЙ УЕЗДЫН ПОЛОЖЕНИЕ

Архангельскöй губернияса Печорскöй уездын событиесыс мунисны неуна мöд ногöнджык. Тайö уездыс вöли Российскöй империяса медся пемыд пельöсьясысь öтиөн, промышленнöй центръяссянь, пролетарскöй районъяссянь ыли местаөн. Тани рабочöй класс да пролетарскöй влияние эз вöв.

Печорскöй сиктъясын классöвöй дифференциация тöдчис ёнджыка Усть-Сысольскöй да Яренскöй уездъясын серти. Уездса населениелөн хозяйственнöй олöмын видзму овмöслөн тöдчанлуныс вöли вывти ичöt. 1917 воын уездын став гöран муыс вöли 3060 десятина. Тани олысьяс асыныс няньсö эз вöдитлыны, а ньöблисны. Чердынъ да Архангельск порт пыр уездö быд во вайлисны Российскöй империяса мукöд губерниясысь 450—500 тысяча пуд нянь. Некымын дас купеч, кодъяс тöргуйтисны няньөн да сёян прöдуктаясөн, кутисны асланыс кыин Печорскöй уездса унджык крестьянаöс. 1917 вося поземельнöй переписьлөн даннöйяс серти уездса став 6686 крестьянскöй

овмөсысь 23 процентъс эз кӧдзлыны, 2,4 процент овмӧсылӧн эз вӧв муыс, 7,2 процент овмӧсылӧн эз вӧв некутшӧм скӧт, 11,5 процент овмӧсылӧн эз вӧвны мӧсьяс, 20,5 процент овмӧсын эз вӧвны вӧвъяс. 40,6 процент кымын овмӧсыс ветлісны бокиса најӧтка вылӧ. Сӧж жӧ Печорскӧй уездын водзӧ озырмисны купечьяслӧн, кӧр видзысь-кулакьяслӧн, замшевӧй заводьясса да чери кыйысь артельясса кӧзяевалӧн, дӧвереннӧйяслӧн, подрядчикьяслӧн да судовладелецьяслӧн овмӧсьяс. Татшӧм овмӧсьясыс уездын вӧліны 8 процент кымын. Кулакьяс, купечьяс да сиктса мукӧд паразитьяс озырмӧдчисны батракьяс да гӧля олысь крестьяна тшӧт весьтӧ.

Революцияӧдз Печорскӧй уездын массӧвӧй политическӧй организация эз вӧв, не лыддыны кӧ политссылнӧйяслысь ичӧтик партийнӧй группа, кодӧ котыртчылӧс «оселочникьяслӧн артель» бердын. Тайӧ артельсӧ 1913 воын котыртліс большевик С. Н. Калмыков, медым вӧчны краска, тӧчилаяс да лӧчтаньяс. Сы вӧсна, мый местнӧй властьюс эз утвердитны артельысь уставсӧ, сійӧ уджалӧс неофициальнӧй. Производстоӧн веськӧдлӧм кындзи, артельса руководительяс нуӧдісны ссылнӧйяслӧн колонияын да крестьяна пӧвстын партийно-политическӧй удж. Местнӧй властьюсӧн топӧдӧм вӧсна артельы некымынысь ковмыліс дугӧдны уджсӧ, а 1916 во кежлӧ, кор политссылнӧйяс мунісны Печораысь, артель тупкысис. Артель котыртысьяс да сылӧн активистьяс лыдысь Печораӧ коліны сӧмын С. Н. Калмыков, Н. Е. Сапрыгин, М. Баев, Г. С. Юрченков, Тепляков, Бельтюков, Кендзерский. На пӧвстысь унджыкыс кольчисны семейнӧй обстоятельствояс вӧсна. Наысь кындзи, тайӧ жӧ помкаыс вӧсна Печораӧ кольчисны вӧвлӧм политссылнӧйяс Н. И. Зыков, В. Шохин, А. Томилев. «Оселочникьяслӧн артель» тупкысӧм бӧрын тайӧ вӧвлӧм ссылнӧйясыс олісны разі-пели: ӧтияс Пижмаын да Ижмаын, мӧдьяс — Усть-Цильмаын да «Стелла-Поларе» заводын. 1917 воын вӧвлӧм «оселочникьяс» решитісны выльысь котыртны артель. Сійӧс шуисны «Первојя Северо-Печорскӧй трудӧвӧй артельӧн». Тайӧ делӧсӧ дзикӧдз помалӧм да артельы мыйсюрӧ судзӧдӧм могысь С. Калмыков муніс Петроградӧ, а мукӧд членьясыс мунісны корсыны краскаа местаяс Пижма, Вымь, Лай, Кожва да Свитола юяс вылӧ. 1917 во помасигӧн да 1918 во первой джыннын «оселочникьяслӧн артельысь» большевистскӧй пруппа эз вӧв Печорскӧй уез-

дын. Сійо занимайтчис Печорскöй прудöвöй артель котыртöмөн. Тайо группасы өткымынъяс мунисны Архангельскö. Странаын революционнöй событияс йылысь юөръяс Печораö волісны зэв сёрөн, та вöсна сэнi олысь политссылнöйяс эз пыр кужны ориентируйтчыны, правильнöя донъявны 1917 вося событияс.

1917 вося Февральскöй буржуазно-демократическöй революция эз вöч Печорскöй уездса крестьяна олöмын тöдчана вежсьöмъяс. Самодержавие путкыльтöм йылысь юөр воём бöрын Ижма, Мохча, Усть-Цильма сиктъясын вöліны ичöтик манифестацияс, школаясысь да учреждениясысь шыбитісны царлысь да сёлөн рöдвужыслысь портретъяссö. Уезднöй центрын — Усть-Цильмаын котыртісны временнöй уезднöй комитет, бөрйісны Временнöй правительстволысь уезднöй комиссарöс да временнöй мирöвöй судьясöс, лöсьöдісны уезднöй милиция. Неуна сёрөнджык вöлі котыртöма продовольственнöй, земскöй управаяс да уезднöй земельнöй комитет. Вöлөстъясын волостнöй правлениеяс пыдди котыртісны временнöй волостнöй комитетъяс. «Виль» уезднöй учреждениясын колісны важ чиновникъяс, местнöй буржуазиялөн представительяс.

Февральскöй революция бöрын местнöй интеллигенция да посни чиновникъяс вöлі ёна йиджтысьöмаöсь «демократическöй земство» йылысь иллюзиясөн, сы вöсна мый революцияöдз Печорскöй уездын земство да земскöй учрежденияс эз вöвны. 1917 воын уезднöй да волостнöй Сöветъяс Печорскöй уездын эз котыртлыны. «Демократическöй земство» идеясөн йиджтысьöм местнöй интеллигенция да чиновникъяс эз весиг мөвлавны земствосö Сöветъясөн вежöм йылысь. Вöвлөм политссылнöй Н. И. Зыковöс, кодi агитируйтис уездын да вöлөстъясын власть Сöветъяслы сетöм вöсна, вöлі вештöма уезднöй комиссарлөн должностысь да сетöма судö Временнöй правительстволы паныд агитируйтöмысь. Зыков пыдди уезднöй комиссарөн индісны бакурскöй учитель Недашковскийöс. Печорскöй уездын первойя Сöветъяс вöлі котыртöма сöмын 1918 вося февральын да мартын, кор воалісны гортаныс салдат-фронтовикъяс.

Февральскöй революция бöрын первойя 3—4 тöлысь чöжөн Печорскöй уездын некутшöм торъя событияс эз лоны. Уезднöй временнöй комитет чуксаліс крестьянаöс быд ног поддерживайтны Временнöй правительствоöс.

1917 вося май төлысын заводитчис «Стелла-Поларе» вөр пилитан заводса рабочёйяслөн забастовка. Найё протестуйтисны фирмаса заводууправлениеён уджалан лун нюжөдөмлы паныд. Май 19 лунө лесофирмаса көзяин Стелла телеграфируйтис та йылысь Архангельсксянь Печорской уездса комиссарлы, корис сійөс суитчыны тайё делө да дугөдны забастовка. Телеграммаын юөртсис: «Май 17 лунө 3 часын став рабочёйяс да мастерөвөйяс милиционер веськөдлөм улын (кутсьө төд вылын Григорий Хатанзейский,—П. Д.) энөвтисны удж, грөзитөмөн нуөдисны тшөтш и найөс, кодьяс эз көсйыны бастуйтны. Тян воззвание вылө видзөдтөг забастовка муно водзө. Та вөсна настойчивөя да осььсөн агитируйтөны милиционер да мукөд лёк йөз. Дзик ставлы запретитөма пырны заводө да биржаө, и заводууправление водзө оз кыв кут завод вөсна».

Кьдзи төдса, Архангельск карысь лесной промышленностьса рабочёйяс союзлөн требуйтөм серти Архангельской губернияса вөр заводьясын 1917 вося апрель 24 лунсянь вөлі лөсьөдөма көкьямыс часа уджалан лун. Та бөрын некымын вежон мысти Печорской лесозаводса администрация бөр нюжөдис уджалан лунсө 10 часөдз. Заводса рабочёйяс местной большевик Григорий Хатанзейский веськөдлөм улын май 17(30) лунө заводитисны забастовка, упорнөя дорйисны асьыныс правояс да требованиеяс. Но рабочёйяслысь корөмсө могмөдөм пыдди заводууправление обявитис локаут да 1917 вося сентябрь 3 лунсянь заводитис массөвөя вөтлавны рабочёйясөс, дугөдис став уджьяссө, көсйис кольөм вөрсө пилитгөг вузавны иностранной фирмаяслы. Печорской лесозаводса рабочёй комитет мөдөдис Архангельской губернияса лесопромышленной предприятиясысь рабочёйяслөн профсоюзлы телеграмма, корис юөртны, мый вөчны водзө. Телеграммаын висьтавсис: «Сентябрь 3 лунө мянлы сетисны расчөт... 150 рабочёйөс семьяснас шыбитөны ывла вылө. Ми висьталим конторалы, мый вөрсө колө кыпөдны берегө, но сийө эз сөгласитчы. 20 тысяча кер кынмас ваас. Қорам юөртны, мый вөчны».

Лесопромышленной предприятиясса рабочёйяслөн профсоюз, кодөн веськөдліс сэки большевик Н. Левачёв, рекомандуйтис «заводлысь уджсө не сувтөдны, катайтны став вөрсө берегө да, ковмас кө, босьтны заводөн веськөдлөмсө асланыд ки». Но рабочёйяслөн эз тырмы вы-

держкаыс сы вылӧ, медым помӧдз нуӧдны заводса кӧзяинлы паныд тыш. Заводуправление сентябрь тӧлысьын тупкис ассыс предприятиесӧ, и сійӧ эз уджав сӧсса 1918 вося май тӧлысьӧдз. Став вӧрыс колис ваын, а рабочӧйяслы быть ковмис мунны гортаныс. Заводса кӧзяева вермисны кокниа венны рабочӧйясӧс сы вӧсна, мый налӧн эз вӧв политической тыш нуӧдом кузя опыт, эз вӧв колана организованность.

Октябрьскӧй революцияӧс Печорскӧй уездса руководительяс эз признайтны. Временнӧй правительстволӧн учреждениеяс уджалісны 1918 вося март тӧлысьӧдз. Уезднӧй комиссар да земскӧй управаӧн веськӧдлысьяс эз весиг мӧвпавны сы йылысь, медым котыртны рабочӧй, салдатскӧй да крестьянскӧй депутатъяслысь Сӧветъяс, кыдзи властылысь органъяс.

Печорскӧй уездын первойя волостнӧй Сӧветъяс котыртіс вӧвлӧм политссылнӧй Н. И. Зыков Ижмаын да Мохчаын демобилизуйтчӧм салдат-фронтовикъяс отсӧгӧн. Уезднӧй комиссар да уезднӧй земскӧй управа первойсӧ зільлісны тупкыны, бырӧдны Ижемскӧй да Мохченскӧй Сӧветъясӧс, но эз вермыны: салдат-фронтовикъяс дорйисны тайӧ Сӧветъяссӧ.

Путкыльтӧм Временнӧй правительстволӧн учреждениеясыс дыр олісны Печорскӧй уездын сы вӧсна, мый 1918 вося март тӧлысьӧдз найӧ вӧліны и губернскӧй центрын — Архангельскын. Губисполкомлӧн президиум бырӧдіс найӧс 1918 вося март 21 луно. Тайӧ жӧ тӧлысьын Архангельскянь воис индӧд котыртны Печорскӧй уездлӧн центрын да вӧлӧстьясын Сӧветъяс, кыдзи властылысь местнӧй органъяс.

1918 вося март 12 луно уезднӧй комиссар Недашковский разрешитіс котыртны местаяс вылын волостнӧй Сӧветъяс, население кӧ шуас вежны земскӧй управаяс Сӧветъясӧн. 1918 вося март помасигӧн Сӧветъяс вӧлі котыртӧма 8 вӧлӧстын, мукӧд вӧлӧстыясас пыр на уджалісны волостнӧй земскӧй управаяс. Найӧ виччысисны, мый шуас крестьянскӧй депутатъяс Сӧветъяслӧн первой уезднӧй съезд, кодӧс вӧлі индӧма чукӧртны март 25 луно (важ стиль серти).

1918 вося март тӧлысь шӧрын Архангельскӧй губисполкомлӧн решение серти Усть-Цильмаын вӧлі котыртӧма крестьянскӧй депутатъяслысь временнӧй уезднӧй Сӧвет, кытчӧ пырисны уезднӧй земскӧй да продовольственнӧй

управаясса руководительяс. Временной уездной Советлөн главной могыс вöли сын, медым чукортны крестьянской депутатяслөн Советяслысь первой уездной съезд. Временной уездной Советын вöлины сöмын эсерьяс дор сула-лысь интеллигентьяс да земской управаясса работникьяс.

1918 вося март 1 лунö (важ стиль серти) Усть-Цильмаын котыртчис медводдза легальной политической организация Печорской уездын — большевистской партиалөн уездной фракция. Фракция вöли котыртöма вöвлöм политссылнойяслөн да Москваысь воём коммунист А. Логиновлөн водзмöстчöм серти. Большевистской фракция зильлис пыртны временной уездной Советö ассыс кык представительöс, но найöс эз лэдзны сэтчö. Март 17 лунö большевистской фракция выльысь обсудитис тайö вопросö, медым кöть кызд, а пыртны ассыс представительясöс уездной Советö да босьтны властьсö аслас кийö. Но Усть-Цильмаса антисоветской элементьяс разöдисны большевикьяс фракциялысь тайö собраниесö. Март 21 лунö большевикьяслөн Печорской уездной фракция корис Архангельской губисполкомлысь оружие, медым котыртны боевой дружинаяс местной контрреволюциялы паныд тышкасьöм могысь.

Март 23—25 луньясö (важ стиль серти) мунис крестьянской депутатяс Советяслөн первой уездной съезд. Сэтчö волисны делегатяс уездса 19 вöлöстысь.

Съезд шуис признайтны Советяслысь власть, бырöдны путкыльтöм Временной правительстволысь учреждениеясö да котыртны, мукöд уездяслөн пример серти, уездной центрын да вöлöстыясын рабочей, крестьянской да солдатской депутатяслысь Советяс. Уездной земской да продовольственной управаяс, а сідз жö уездной земельной комитет вöли бырöдöма. Вöлöстыясын земской управаяс вöли реорганизуйтöма волостной Советясö 1918 вося апрель да май тöлысьясын, а Усть-Цилемской вöлöстын тайö реорганизацияыс нюжалис 1918 вося июль тöлысь шöрöдз.

Выльöн бöрийöм уездной Советын да сылөн отдельясын веськöдлысьяснас лоисны эсерьяс, земской да продовольственной управаясса работникьяс да весиг Временной правительстволөн вöвлöм уездной комиссар Недашковский — Советской властьлөн да большевистской партиалөн ярöй противникьяс. Збыльысьö земстволысь вывеска вöли сöмын формально вежöма Советяс вывескайн.

Но торъя волостной Советъяс, кызди Ижемской, Мохченской, Усть-Ухтинской, кони юрнуодисны салдат-фронтвикъяс, лоисны Советской властьюн боевой органъясон.

Печорской уездса Советъяслон общой положениеис воли эв омоль: налон эз вонны некутшом средствеяс Советъясслыс аппарат да волостной учреждениеяс видзом выло, тшыгыялыс голъ йозлы нянь ньобом выло. Колло воли пыр жо примитны медся решительной мераяс. Та боксянь бур пример петкодлисны Мохченской, Ижемской да Усть-Ухтинской волостной Советъяс. Найо перйисны местной купечьяслыс да кулакьяслыс денежной контрибуция волостной учреждениеяс видзом выло да конфискуйтисны налыс жо лишной нянь, медым сетаванны тшыгыялыс голъ йозлы, котъ тайос эз тшокты вочны Печорской уездной Совет. Мохчаса волостной Совет, на пример, перйис местной торговечьяслыс 20 тысяча шайт.

Кулакьяс заводитоны грозитны советской работникьяслы, усыласны на выло. Найо котыртисны вооруженной дружинаяс. Волостной Советъяслы ковмис котыртны асыныс дружинаяс, медым видзны волостной Советъяс да налыс веськодлысыяссо кулацкой агентьяслон усыласьомьясыс. Сидз, 1918 вося мартын да апрельын красногвардейской дружинаяс воли котыртма Мохчаын 10 мортыс, Ижмаын 40 мортыс, Усть-Ухтаын 5 мортыс да Сизябскын 8 мортыс.

1918 вося март 18—19 луньясо кыкыс уськодчыллом борын кулацкой террористьяс съоқыда ранитисны Мохченской волостной Советса председатель Н. И. Зыковос. Сийо эз надейтчы Печорской уездной Совет исполкомлон отсог выло да сетис Архангельской губисполкомлы ташом телеграмма: «Сьод вынъяс заводитисны наступайтны. Меню ранитисны юро. Ыстой отсог. Колло унджык оружие».

Кулацкой террористьяслон преступной действиеяс выло соглашательской Печорской уездной Совет видзодис веськодпырыс. Сы пыди, медым арестуйтны кулацкой агентьясос, кодыяс уськодчылисны председатель Зыков выло, уездисполкомса представителеяс зильлисны арестуйтны да сетны судо асьсо пострадавшей Зыковос сыыс, мый кулацкой террористьясыс дорйысигон виис на повстыс отиос. Зыковос эз арестуйтны сомын сы восна, мый Ижмаса да Мохчаса фронтвикьяс да голъ йоз босьтисны сийос порука выло. Кулакьяс сэтшюма вель-

мисны, мый котыртисны демонстрация да торжественноя дзебисны виом кулацкэй террористос, кодй быттьокё пöгибнитис революциялөн делö вöсна. Медым кулакъяс эз расправитчыны волостной Советса членъяскöд, тайö луно найö пукалисны гортаныс, эз лысьтны петавны ывла вылö, а ранитчём Зыковос видзисны вооружитчём йöз. Колана мераяс примитём вылö видзöдтöг май 27 луно кулацкэй террористъяс виисны Советса председатель Зыковос да ранитисны кык краснопардеецос, кодъяс видзисны сийос. Аскинас кулакъяс котыртисны Зыковос виом кузя специальной торжество, юкпалисны винаөн да сурөн найос, кодъяс участвуитисны Советса председателёс виомын.

Татшöм обстановка лои Печорскэй уездын 1918 вося апрельын — июньын. Восьса кулацкэй террор парализуйтис волостной Советъяслыс уджсö. Май тöлысьын, кор «Стелла-Поларе» вөр завод выльыс заводитис уджавны, гöля олысьяс да дружинникъяс пöвстыс унаөн мунисны сэтчö, и Советъяс слабмисны, налөн активыс чинис. Та бöрын Советъясö суйсисны кулацкэй элементъяс да весиг царскэй армияса вöвлöм офицеръяс.

Архангельскэй губисполком сöмын 1918 вося июнь тöлыссянь, кор вöтлис аслас составыс меньшевикъясöс да эсеръясöс, вермис сетны Печорскэй уездлы ыджыд-джык внимание. Печорскэй уездын Советскэй власть ёнмöдöм могыс губисполком мöдöдис сэтчö 1918 вося июнь тöлысьын неыджыд военной отряд С. Ларионов да Дубровин командуйтём улын. Ларионовлы вöли тшöктöма бырöдны кулацкэй террористическэй пруппаясöс, ёнмöдны печорскэй вöлöстьясын Советскэй власть да нуöдны Печорскэй уездса Советъяслөн öчередной съезд кежлö лöсьöдчана уджъяс. Такöд тшöтш Архангельскыс Печораö вöли мöдöдöма нель агитатор-организаторос (Саукос, Гронинос, Незнамовос, Артеевос).

Кор Ларионовлөн отряд воис Печораö, кулацкэй бандаяс пышйисны вөрö либö мунисны Печора кывтыдса вöлöстьясö. Агитаторъяс Саук, Незнамов, Гронин да Артеев ветлисны некымын вöлöстьö, но дженъид кад вöсна найö эз удитны воыны быд сиктö да эз вермыны вöчны кутшöмкö перелом. Ларионовлөн отрядыс Печораын эз ов и нель вежон. Белоинтервентскэй войскаөн Архангельск босьтём йылыс юөр воём бöрын август заводитчитöн сийö бөр мунис Печораыс. Ларионов эз удит весавны Пе-

чорской уездисполкомлысь аппарат да сылысь отдельяс-сё антисоветской элементясысь. Сылы эз удайтчы бырöдны кулацкой бандаясö, кодьяс дзевсисны вөрö да орчча вöлöстьясö, эз удайтчы ёнмöдны Усть-Цильмаса большевистской группаöс. Большевистской фракция эз пöлучайт колана поддержка да отсöг губернской центр-сянь и эз вермы лоны боевой организацияөн. Тайö кыв кутана кадас Архангельскын вöли сöмын РКП(б)-лөн городской комитет, а губернской партийной организация эз на вöv.

Сиктса бедноталөн комитетьяс йылысь декрет Архангельскын примитисны сёрөн, а Печорской уездö сийö эз весиг удит воны — заводитчис интервенция, иностранной войска пырисны Войвылö. Печорской уездса Советьяс вöлины слабöсь сы вöсна, мый налөн эз вövны сэтшöм руководительяс да отсасысьяс, кызди Коммунистической партиалөн ячейкаяс да комбедьяс. Сöмын «Стелла-Поларе» вөр заводын вöли öти партячейка, кодi котыртчис 1918 вося июныын, но сийö эз вöv йитчöма уездса вöлöстьяскöд.

Татшöм вöли Печорской уездын общественно-политической обстановкаяс 1918 вося август заводитчигөн. 1918 вося август 2 лунö Архангельскын лоис контрреволюционной переворот, интервентской войска босьтисны карсö, котыртчис Северной областьса белогвардейской правительство Чайковский юрнуöдöм улын.

Чайковскийлөн правительство телеграф пыр шыödчис Архангельской губернияса уездной Советьяс динö, на лыдын и Печорской уездисполком динö, да требуйтис кыв шутöг признайтны Северной областьса временной правительствоöс, грöзитис продовольственной да финансовой блокадаөн. Сэк жö люөртис, мый Печораö морской туйод мөдöдöма военной отряд, медым бырöдны большевикьялысь власть. Сы пыдди, медым котыртны да сетны белоинтервентьяслы вооружённой отпор, Печорской уездисполком август 9 лунö примитис белогвардейской правительстволысь условиеяс, добровольнö öтказитчис аслас властьюсь да мөдöдис Чайковскийлөн правительстволы татшöм телеграмма: «Август 12 лунö лоö уездса представительяслөн съезд. Уездной Совет помалис ассыс полномочиеяссö, медым олöмыс эз сувт, эз лоны разруха да волненияяс. Пыр жö телеграфируйтöй, кызди колö котыртны уездной власть. Уездын лөн».

1918 вося август 12 луно воссис Печорской уездса Советьяслон съезд, кони унджыкыс волины кулакьяслон представительяс. Сийо видлалис вопрос сы йылысь, кызди относитчыны Северной областьса временной правитель-ство дино. Съезд вылын участвуйтосьясы лыдысь унджы-кыс голосуйтисны белогвардейской правительствос при-знайтом восна. Август 13 луно съезд борьис уездной управлениельсь выль органьяс — правительственной ко-митет, уездной комиссарос. Сэк жо воли индома милиция-са начальникос, уездной земской управаса председа-тельос.

Уездной да волостной Советьясос воли быродома. 1918 вося август 16 луно Печорской уездса правитель-ственной комиссар Козлов докладывайтис нин белогвардей-ской отрядса начальник подпоручик Можжаевлы, коди лок-тис Архангельскысы Печора устьео, мый «август 12 луно уездисполком чукортлис уездной съезд. Сэни висьталисны Архангельскын событияс йылысь. Съезд шуис отувтчы-ны Архангельск дино да борьис уездной комиссарон Коз-ловос, комитетса членьясон Терентьевос да Чупровос. Правительственной губернской комиссар утвердитис найос. Уездисполкомлон составыс воли умеренной. Членьяс повстысь откымыньясос борьома вылысь, колисны мес-таяс вылын, тыдало, доволенось переворотон. Красноар-меецьясос лэдзалома гортьясаныс, земской управление формируйторма, милиция котырторма. Население оло спо-койноя. Вермас грозитны опасность Печора йывсянь».

Усть-Цильмаын белогвардейской переворот лоом бо-рын первой вежонас жо уездной комиссар Козлов форми-руйтис 100 морта добровольческой отряд, кытчо пырисны кулакьяслон пияныс, да зильлис разоружитны красноар-мейской отрядос, коди видзис «Уралоснабжениельсь» экспедицияос. Усть-Цильмаын переворот дырйи тайо от-рядыс воли Печора кывтыдын. Борсо катигон Усть-Цильма дорын воли вочома сылы засада, но отрядлы век жо удайтчис пискодчыны Печора йывлань гырысь воштормь-ястог.

Сентябрь заводитчигон Архангельскысы Печорао воис полковник Евстифеев. Сийо котыртис 113 морта белогвар-дейской отряд да нель офицер командуйтом улын мододис сийос Печора йывса волюстьясос. Отряд водзо полковник сувтодис мог — разоружитны Черемныхлысь красноармей-ской отряд, босьтны «Уралоснабжениелон» экспедиция-

лысь нянь тыра баржаяс, босьтны Щугор да Сибиряковской туй, медым сэсса пырны Ляпинö, кöни слухъяс серти вöли 300—600 тысяча кымын пуд нянь, кодöс заготовитис Советской власть. Но белогвардейской полковниклөн тайö планыс провалитчис. Усть-Щугорын кык нейджыд красноармейской отрядкөд паныдасыöm бöрын белогвардеецъяс пöвстын лоис паника да найö тэрмасигтырйи бöрынътысны Печора кывтыдлань. Та бöрын полковник Евстифеев öдйöджык бөр мунис Архангельскö, местной белогвардейской дружинникъясöс колис ас кечаныс.

1918 вося сентябрын-октябрын Печорской уездса белогвардеецъяс вöлины слабöсь на, налысь усыласыömсö позьö вöли кокниа бырöдны заводитчигас. Но сы вöсна, мый Печораса вöлöстыасын эз вöвны Коммунистической партиалөн ячейкаяс да комбедъяс, голь крестьянаöс некод эз котырт да гөтөвит сы кезлö, медым найö ас кечаныс жугöдисны белогвардеецъяслысь нейджыд бандаясöс да бөр лöсьöдисны уездын Советской власть.

Печорской уездын Советской власть бөр лöсьöдöм могысь сентябрь тöлысь шöрын Печораö воис 65 морта усть-сыольской добровольческой отряд Мандельбаум да Андрианов веськөдлöм улын. Тайö жö кадö татчö воис 70 морта чердынской отряд уездвоенком Эрнест Апога да Дубровский командуйтöм улын. Тайö красноармейской отрядъясылөн могыс вöли и сыын, медым видзны Усть-Сыольской да Чердынской уездъяс белогвардейской бандаясысь Печорской уездладорсянь. Щугор сиктын база лöсьöдöм бöрын Мандельбаумлөн да Апогалөн красноармейской отрядъяс 1918 вося сентябрь тöлысь помасигөн мунисны Печорской уездö, вöтлисны белогвардейской отрядъясöс да сентябрь 27 луно босьтисны Усть-Цильма — Печорской уездлысь административной центрсö. Белогвардейщиналысь öткымын вожакъясöс вöли арестуйтöма, мукöдыс пышйисны вөрö да орчча Мезенской уездö. Печора бердса сиктъясысь земской управаяс вöли бырöдöма, найö колины сöмын Ижма районын, кытчö красноармейской отрядъяс эз вермыны мунны ичöt ва вöсна. Но ёнмöдны Печорской уездын Советской власть тайö отрядъясылы эз удайтчы. Отрядъясса руководительяс костын разногласиеяс да зык лöбм вöсна кык лун мысти красноармеецъяс энөвтисны Усть-Цильма да бөр мунисны Усть-Щугорö.

Сѳветскѳй власть вѳсна тышын Печораса уджалысь йѳзлы ыджыд отсѳг сетис усть-сысольскѳй отряд И. Андрианов командуйтѳм улын. Октябрь 10 лунсянь октябрь 21 лунѳдз тайѳ отрядыс волис Ижма районса, среднѳй Печораса уна вѳлѳстьясѳ да отсалис котыртны волостнѳй Сѳветьяс. Усть-Цильмаын вѳлі котыртѳма временнѳй уезднѳй исполком. Сѳки Печорскѳй уездын вѳлі ѳна пасыкалѳма «испанка» висьѳм, сыысь быд лун кулісны некымын дас морт. Та вѳсна Андрианов эз чукѳрт Печорскѳй уездса Сѳветьяслысь съезд, а котыртис уездисполком сѳтчѳ членьяссѳ кооптируйтѳмѳн. Навигация тупкысьѳмысь полѳм вѳсна Андриановлѳн отряд эз ветлы Печора кывтыдѳ, та вѳсна Хабарика, Бугаево, Ермицк, Росвинск, Оксина, Пустозѳрск сиктьяс колисны тайѳ отрядыслѳн военнѳй контролысь бокѳ. Сѳтчѳ поздысисны полковник Евстифеевлѳн помѳдз жугѳдтѳм бандаясыс да Печорскѳй уездса мукѳд контрреволюционнѳй элементьяс. Андриановлѳн отрядыс эз сѳмын отсав бѳр лѳсьѳдны Печорскѳй уездын Сѳветскѳй власть, но и юклис тшыгьялысь йѳзлы 6 тысяча кымын пуд нянь.

Октябрь тѳлысь помын Андриановлѳн отряд мунис Усть-Цильмаысь Щугорѳ да заводитис лѳсьѳдчыны Ляпинскѳй операция кежлѳ. Воддза воясын моз жѳ Ляпинѳ вѳлі чукѳртѳма Печорскѳй крайѳ вайѳм вылѳ 250 тысяча кымын пуд, а слухьяс серти весиг 600 тысяча кымын пуд нянь, кодѳс заготовитѳма Сибириын. Тайѳ няньсѳ быть колѳ вѳлі вайны Печораѳ, медым спаситны сѳтысь тшыгьялысь йѳзсѳ да видзны воинскѳй частьяс. Ляпинын, кодѳ Щугорсянь 300 километр ылнаын, Уральскѳй гѳраяс сайын, сѳки вѳліны колчаковецьяс. 1918 вося ноябрь 18—25 луньясѳ Ляпинскѳй операция вѳлі нуѳдѳма успешнѳя: Андриановлѳн отряд босьтис Щекурьянск да Ляпин сиктьяс.

1918 вося ноябрь помланын Усть-Цильмаын нуѳдисны Печорскѳй уездса Сѳветьяслысь съезд, кодѳ бѳрйис уездисполкомлысь выль состав. Председательнас лѳис Батманов. Но и тайѳ пѳрйѳ Печорскѳй уезднѳй Сѳвет эз дыр ов. Усть-Цильмаын сѳки вѳлі сѳмын 30 военнѳй милиционер, кодьясѳс корисны вѳлѳстьясысь видзны уезднѳй центр. Но налѳн эз вѳв ни ѳти военнѳй винтовка: Печорскѳй уезднѳй милициялысь став оружиесѳ, кызди военнѳй трофей, нуис Мандельбаум.

Ноябрь тѳлысь помын уезднѳй милициялысь 22 морта

отряд вöлі мөдөдөма Хабарика, Бугаево, Ермицк, Росвинск сиктъясö, медым ёнмөдны сэні Сöветскöй власть да конфискуйтны Росвинск сиктысь охотничöй берданка-яс, кодъясöс вайлис сэтчö купеч Алин. 1918 вося ноябрь 30 лунö, кор унджык милиционеръясыс эз вöвны, Усть-Цильмаын лоис кулацко-белогвардейскöй переворот. Тайö переворотсö вöчны отсалис капитан Алашевлөн белогвардейскöй отряд, кодi воис Лешуконскысь. Уездисполкомса председательöс да некымын милиционерöс виисны. Милиционеръяслысь отряд, кодi мунис Печора кывтыдса вöлөстъясö, ставнас бырөдiсны местнöй кулакъяс. Усть-Цильма босьтөм бöрын белогвардеецъяс мөдөдчисны Печора катыдлань да некымын лун чöжөн босьтiсны Ижемскöй район да среднöй Печора Щельябöжөдз. Татшөм ногөн Печорскöй уездын Сöветскöй власть бырөдiсны мөдысь. Öткымын сöветскöй работникъяс да Сöветскöй власть дор сулалысьяс эвакуируйтчисны Қожваö да Ара-нецö, а найöс, кодъяс эз удитны пышйыны да дзевсьыны, арестуйтiсны да ёна мучитiсны местнöй кулакъяс.

Войвывса белогвардейскöй командование сетлис Печорскöй уездлы торъя внимание сы вöсна, мый вöли индөма лөсьөдны войвывса белогвардеецъяслысь Сибиркөд, колчаковскöй войсакөд регулярнöй йитөд, босьтны Сибиряковскöй туй да Ляпин сикт, көни вöли уна тысяча пуд нянь, мобилизуйтны Печорскöй уездысь белöй армияö йөзöс да вöвъясöс. Со мый вöсна 1918 во помсян Печорскöй уездын пыр кутiсны мунны военнöй действиеяс.

1918 вося декабрь төлысь первой джыныйн Қожваын вöли котыртөма красноармеецъясысь да ижемскöй беженецъясысь отряд А. Черемных командуйтөм улын. Тайö отрядыс юксис кык пельö да заводитiс наступайтны кык направленииын: вөр туйөд Ижмалань да Печора кывтыд. 1918 вося декабрь 21 лунö краснöй отрядъяс бөр босьтiсны Ижма, Сизябск, Бакур, Мохча, Гам, Ласта, а Печора пөлөн — ю катыдса став сиктъяс Брыкаланскөдз (Қыз-карөдз). Печорскöй уездлысь лунвыв юкөнсö бара вöли весалöма белöйясысь да лөсьөдөма сэні Сöветскöй власть, но сийö и сэки дыр эз ов.

1919 вося февральын да мартын Пермско-Вятскöй направлениеын колчаковскöй войска ордiсны фронтлысь линиясö да пырисны пыдö сöветскöй территория вылө. Та вöсна 6-өд армияса командование тшөктiс красноар-

мейской частью слы, кодыяс вöлыны Печораын да Удораын, бöрынытчыны Эжваланы. 1919 вося март 30 лунö красноармейской отрядыяс энотисны Ижма район да Ухтинской вöлöсть пыр петисны Эжва вылö. Военной частьюскöд тшöпш эвакуируйтчисны сиктса олысыяс 900 кымын морт. Печорской уездын Советской власть бырис коймöдысь. Советской власть дзикöдз утвердитчис Печорской уездын сöмын 1920 вося март тöлысыын, кор помасис Войвылын гражданской война.

Печорской уездса Советьяслөн слаблуныс вöли сыын, мый тайö кадö уездын эз на вöвны Коммунистической партиалөн массöвой организацияяс, кодыяс эськö веськöдлісны найö уджөн. Советьяслөн эз вöвны и сэтшöм отсасысыяс, кызди комбедыяс, кодыясöс уездын аслыспöлöс обстановка артмём вöсна эз и вöv котыртлöма.

Массöвой партийной организацияяс Печорской уездын эз на удитны чужнысö, кызди 1918 вося август шöрсянь тані заводитчисны нин военной действиеяс белöйяс да краснойяс костын. 1918 вося март 1 лунö Усть-Цильмаын котыртсьыліс большевикьяслөн уездной фракция, кытчö пырлісны 12—15 морт, но гождёмнас нин тайö фракцияяс колины сöмын некымын морт. Тайö группаса членыяс лыдысь унаөн мунисны наждотка корсьны Печора устьеö, «Стелла-Поларе» вөр пилитан заводö, да Архангельскö, а группаса главной активистыяс — С. Қалмыков, Н. Сапрыгин, Г. Юрченков, И. Тепляков, М. Баев, А. Томилов, Бельтюков — пырджык ветлöдлісны командировкаын Архангельскын, Онежской уездын, Емваын, Петроградын Северо-Печорской трудовöй артель котыртём кузя да краскаяслысь залежыяс корсьöм могысь. Печорской уездын общественно-политической удж нуöдём пыдди тайö ёртыясылөн унджык кадыс мунис трудовöй артельлысь организационно-производственной удж котыртём вылö. Печораын гражданской война кадö тайö большевистской группасысь унджык ёртыясыс сюрини белогвардеецыяс киö. Öткымынтыяс на пиысь (Қалмыков, Баев, Тепляков, Кендзерский, Хатанзейский, Бельтюков) пöгибнитисны, а мукöдыясыс (Сапрыгин, Юрченков, Томилов, Синцов, Шохин, Ф. Тиронов, С. Тиронов) веськалісны белогвардейской концлагерö — Мудьюгаö. Волостной партийной организацияяс пиысь медводдза партийной ячейкаөн уездын вöлі «Стелла-Поларе» заводын 1918 вося июныын котыртём партячейка. Но август шöрын нин,

кор татчө кутіс матыстчыны белогвардейскöй отряд, унджык коммунистьясыс эвакуируйтчисны Печора катыдса вöлөстясö, и партиячейка дугдіс уджавны.

1918 вося декабрь төлысь помын, кор красноармейскöй отрядьяслы удайтчис весавны белогвардеецьясыс Печорскöй уездлысь луныв юкөнсö да босьтны Ижма район, вöлі котыртöма кык партийнöй ячейка — Ижма сиктын да Брыкаланскын. Тайö партиячейкаяс уджалісны 1919 вося март төлысь помöдз. Кор красноармейскöй отрядяс бöрынтьчисны Эжва вылö, партиячейкаяс членяс тшöтш эвакуируйтчисны накöд. 1919 вося апрель 6 луно Усть-Ухта сиктын вöлі чукöртöма ижемскöй беженецьяс пиысь став коммунистьяссö да налы сочувствуйтысьяссö да котыртöма Печорскöй уезднöй партийнöй организация 21 коммунистьясь. Сэні жö вöлі бöрйöма РКП-лысь временнöй уком да временнöй уездисполком. Тайö организацияяс и веськöдлісны ижемскöй беженецьяслөн общественно-хозяйственнöй олöмөн, нуöдісны на пöвстын партийно-политическöй удж, кор найö олісны эвакуацияын Эжва вожын. Массöвöй партийнöй организацияс Печорскöй уездын чужисны сöмын гражданскöй война помасьöм бöрын, 1920—1921 воясö.

Тані оз позь не пасйыны и сійöс, мый Печораын Сöветскöй власть ёнмöдöмлы тöдчымөн мешайтисны Мориц Мандельбаумлөн незаконнöй действиеяс. Мандельбаум, кор сійö вöлі Печора районуын командующöйөн, вöчис гырысь перегибьяс, политическöй öшыбкаяс. Сійö грубöя относитчис гражданскöй население да местнöй властьяс дінö, дезорганизуйтис гражданскöй населениеöс продовольствиеөн снабжайтöм. Сöветскöй властьöс да Краснöй Армияöс дискредитируйтöмысь Мандельбаумöс бöринджык вöлі арестуйтöма, и сійöс судитис революционнöй трибунал.

\* \* \*

**К**оми крайын Сöветскöй власть лöсьöдöм да ёнмöдöм вöсна тышлөн аслысплöслуныс вöлі сыын, мый тані социалистическöй революция победитис быдса воён сёрöнджык странаसा центральнöй областьясын да пролетарскöй центрьясын сурти.

Тайö лонс сы вöсна, мый Коми край вöлі бөрö кольöм национальнöй окраинаөн, кöні эз вöв местнöй пролетариат

да уджалысь йӧзлӧн паськыд массаяс ньӧжйӧджык мездысисны мелкобуржуазной влияниесы да соглашательской иллюзиясысь.

Коми край территория вылын Советяслӧн власть утвердитчис эз ӧти кадӧ. Усть-Сысольск карын, например, Советяслӧн власть установитчис 1918 вося июль тӧлысь помын, кор уездной Советысь вӧлі вӧтлӧма соглашательской элементясӧс. Яренск карын уездной Совет вӧлі весалӧма эсерьясысь да соглашательской элементясысь 1918 вося сентябрь тӧлысь шӧрын, а Печорской уездын Советяслӧн власть лоис тӧдчымӧн сӧрӧнджык. Коми крайса вӧлӧстьясын да сиктьясын Советяслысь власть ёнмӧдан процессыс кыссис 1918 вося сентябрьянь пӧшти декабрь тӧлысьӧдз, кор нин мяян Войвылӧ пырисны англо-франко-американской войска да заводитисны Советяслы паныд вооружённой интервенция. Усть-Сысольской уездса сиктьясын социалистической революциялӧн победа йылысь торжественной вӧлі заявитӧма коммунистяслӧн первой усть-сысольской уездной съезд вылын, кодӧ вӧссис 1918 вося декабрь 10 лунӧ. Яренской уездса сиктьясын Октябрьской социалистической революция завершитӧм йылысь торжественной вӧлі висьталӧма 1919 вося январь 21 лунӧ Яренской уездса Советяслӧн квайтӧд съезд трибуна вывсянь.

Шедӧдны социалистической революциялысь победа, жугӧдны важ государственной аппарат, лӧсьӧдны Советской властьюсь органьяс да котыртны выль подувьяс вылын экономической да культурной олӧм эз вӧв кокни, ковмис чорыда тышкасны кулачествокӧд, эсерьяскӧд да националистяскӧд.

Коми крайын Советской властьюсь лӧсьӧдӧмын да ёнмӧдӧмын ыджык заслугаыс демобилизуйтӧм салдат-фронтӧвикяслӧн, кодьяс участвуйтисны октябрьской бойясын странаса центральной районьясын. Донъявны позьтӧм отсӧг сетисны роч рабочей класслӧн представительяс. Буретш найӧ велӧдисны да котыртисны коми уджалысь йӧзӧс выль олӧм вӧсна тышкасян медся сьӧкыд кадьясас, найӧ отсалисны жугӧдны местной контрреволюцияӧс.

Коми уджалысь йӧзлӧн паськыд массаяс ньӧжйӧ мездысисны соглашательской иллюзиясысь сы вӧсна, мый Коми крайын Коммунистической партиалӧн организацияс лоисны сӧрӧн. Усть-Сысольской уездын медводдза партийной ячейка вӧлі котыртӧма сӧмын 1918 вося июнь

16 лунö, а Яренскöй уездын — 1918 вося сентябрь 1 лунö. Тайö уездьяс партячейкаяс лон лыдыс кутис содны сомьын 1918 вося сентябрь — октябрь толысьясын, Северо-Двинскöй губернияса коммунистьяслон первой съезд бöрын.

Сöветскöй власть ёнмөдöмын ыджыд төдчанлуныс комбедьяслон. Найö отувтисны сиктса голь йозос, отсалисны ёнмөдны рабочöйяслысь да крестьяналысь союз, вöчисны чорыд удар эксплуататорьяслон медся ыджыд класслы — кулачестволы. Сэк жö паськаліс да ёнмис сиктын Коммунистическöй партиялон влияниейс. Бедноталон комитетьяс, кодьясөс вöлі котыртöма Яренскöй да Усть-Сысольскöй уездьясса вöлөстьясын 1918 вося сентябрь — ноябрь толысьясын, лоины Сöветскöй властьлон мыджөдөн. Партячейкаяс веськөдлөм улын найö вöчисны коми сиктын социалистическöй революция.

Сöветскöй власть вöсна тыш нуөдігөн содісны да ёнмисны местнöй большевистскöй организацияс. 1918 вося сентябрь толысь заводитчигөн став местнöй партийнöй ячейкаяс да коллективьяс отувтчисны РКП(б)-лон губернскöй организацияö; 1918 вося декабрын да 1919 вося январын Усть-Сысольскöй да Яренскöй уездьясса местнöй партячейкаяс отувтчисны уезднöй организациясö. Коммунистическöй партиялон организацияс пыр жö лоины руководящöй вынөн коми сиктын Сöветскöй власть ёнмөдан да Коми край пытшкөсса да ортсыса врагьясысь дорьян делöын.

Неуна мөд ногөнджык паськалісны событияысь Печорскöй уездын да Яренскöй уездса удорскöй вöлөстьясын. Сы вöсна, мый сэнi эз вöвны Коммунистическöй партиялон организацияс да комбедьяс, местнöй Сöветьясөс эз вöв ас кадö весалöма эсерьясысь да мукөд соглашательскöй элементьясысь. Сиктса голь йозос вöлі котыртöма омöля, и найö эз вермыны сетны чорыд отпор вельмөм местнöй контрреволюциялы. Интервентьяслон Войвывлө пырөм да Архангельскысь Сöветскöй власть бырөдөм ышөдісны местнöй контрреволюцияс. 1918 вося август шöрын Сöветскöй власть вöлі бырөдöма ставнас Печорскöй уездын. Крестьянскöй депутатьяслон Печорскöй уезднöй Сöвет признайтис Чайковскийлысь белогвардейскöй правительствос. 1918 вося октябрь толысь шöрын белогвардейскöй бандаяс босьтисны Яренскöй уездса Чупровскöй да Важгортскöй вöлөстьяс, а

1918 вося ноябрь төлысь помын найо босьтисны став квайтнан удорской вөлөстьсө. Усть-Сысольской уездысь мөдөдөм военной отрядъяс отсөгөн 1918 вося октябрь да декабрь төлысьясын Печорской уездын Советской власть вөлі бөр лөсьөдөма, а 1919 вося январын бөр лөсьөдөма Советъяслысь власть Удораын. 1919 вося апрель төлысь заводитчигөн красноармейской отрядъяс петисны Эжва вожо, и белогвардейской бандаяс бара бырөдисны Советъяслысь власть Удораын да Печора бассейнын.

Коми крайын Советской власть дзикөдз победитис. Сылөн төдчанлуныс коми народлы зэв ыджыд. Социалистической революция мездис крайса уджалысь йөзөс, кыдзи и Россияса мукөд народъясөс, кык пөвста нартитөмысь — капиталистической да национальнөя нартитөмысь. Революция ловзьөдис коми народлысь материальной да духовной вынъяссө, лөсьөдис условияс сы вылө, медем шедөдны гырысь успехъяс социалистической строителствоын, коми народлысь экономика, культура да государственность развивайтөмын.

---

## ОГЛАВЛЕНИЕ

Водзкыв пыдди . . . . .	3
Коми крайлӧн социально-экономическӧй положение 1917 во водзвылын . . . . .	5
Февральско-мартовскӧй лунъяс . . . . .	18
Политическӧй олӧм 1917 вося февральсянь октябрӧдз . . . .	22
Октябрлӧн победаӧ туй . . . . .	32
Коммунистическӧй партиялӧн ячейкаяс, Сӧветъяс да комбедъяс гражданскӧй война заводитчан кадӧ . . . . .	68
Печорскӧй уездын положение . . . . .	89

---

*Павел Григорьевич Доронин*

## БОРЬБА ЗА СОВЕТСКУЮ ВЛАСТЬ В КОМИ КРАЕ

на коми языке

Редактор *В. Морозов*

Техн. редактор *И. Оплеснин*

Корректоры: *В. Потолицына* и *Р. Коцун*

Сдано в набор 11/1-1961 г. Подписано к печати 1/III-61 г. Формат 84×108<sup>1/32</sup>  
1,75 бум. л. = 5,74 печ. л. (Уч.-изд. л. 5,62). Тираж 1000. Заказ № 230а. Цена 33 коп.  
Коми книжное издательство. Дом печати.

---

г. Сыктывкар, Республиканская типография Полиграфиздата Министерства культуры Коми АССР.



